

Philippus Jozequet Doct. Med. A. Blauillouet.
1688

M E T H O D V S

I N S E P T E M

A P H O R I S M O R V M

L I B R O S

A B H I P P O C R A T E O B S E R V A T A

O M N I B V S T A M E N R E T R O S A E C V L I S

Inaudita.

Iam primum mirabili schematon artificio demonstrata à
F. FOGEROLÆO Consiliario & Medico Regio.



P A R I S I I S ,

Apud ADRIANVM PERIER, via Iacobæa,
sub signo Circini.

M. DC. XII.

C V M P R I V I L E G I O .

THE NEW YORK PUBLIC LIBRARY

ASTOR LENOX AND TILDEN FOUNDATIONS

1009 Broadway, New York City
1009 Broadway, New York City
1009 Broadway, New York City

Gift of the New York Public Library
1009 Broadway, New York City



1009 Broadway, New York City
1009 Broadway, New York City
1009 Broadway, New York City

THE NEW YORK PUBLIC LIBRARY



ILLVSTRISSIMO

GENEROSISSIMO ET INCLYTO

HEROI FRANCISCO A BONA DVCI

ESDIGVERIO, Tribuno militum, FRAN-

CIAE PARI, Interioris confessus Con-

siliario, & Delphinatus Allobrogum

Proregi prudentissimo, S.



VÆ DIIS IMMORTALIBVS AGRI-
COLÆ, ea tibi, Heroon Augustissime, ex
agello lucubrationum mearum vota soluere
propero. Cùm enim superiori anno libellum
de senum affectibus tibi obtulissem, hoc se-
quenti etiam alterum, in quo Aphorismorum suspiciendam
Methodum, omnibus tamen retro seculis inauditam, adfe-
ro, ut non alio illam amplectaris animo, quo tu præclara quæ-
quæ inuenta, maximèque vitæ humanæ utilia, amore prose-
queris: cuius virtutis prædicandæ, cæterarumque, quibus bel-
li pacisque temporibus refulges, cùm sim viribus impar, altio-
ris tubæ præconio relinquens enarrationem tantùm istam ad
typum Hyppocraticæ doctrinæ reformatam sub tuo nomine

EPISTOLA.

confero : ne saltem tui, qui nos grato semper excepisti animo, immemores omnino videremur. Nimis enim angustus locus esset, si vel insita tua decora, probitatem, humanitatem, generositatem & animi magnitudinem commemorare vellem : quanto angustior, si adscita, fidem, patriæ amorem, Regis observantiam, rei militaris summam experientiam, quibus, veluti gradibus, ad regiarum dignitatum culmen peruenisti, mihi persequi consilium esset ? Te tamen tali dignitate, ea probitate, ista ætate, hisce temporibus in regia aula versantem, me tui nominis observantissimum bene afficere non erit à tuis virtutibus alienum. Quod si potentissimi tui fauoris aura ita libellum nostrum afflauerit, ut eorum mihi spes refulgeat, quorum gratia ad te accedo, Et quæ tu sine fauoris dispendio impertiri potes, mihi amplissimam laboris mercedem à te retributam, téque nobis hæc otia fecisse, apud omnes grata commemorabo oratione. Deus itaque tuarum virtutum moderator te diu incolumem prosperéque agentem Conseruet. Vale.

Tui observantissimus
F. FOGEROLÆVS.



PRÆFATIO

IN METHODVM AB HIPPO-
CRATE OBSERVATAM OMNIBVS

*tamen retrò sæculis inauditam & iam primum
miro schematon artificio
demonstratam.*



DIVINITATIS nomine antiqui inter præstantissimos auctores Homerum & Hippocratem commendarunt, quòd ante omnem natam philosophiam ita magnificè uterque philosophatus sit, ut posteris in suo scribendi genere principatum meruisse fidem fecerit. Nam de Homero, ut priùs in medium proferam, quod omnes sentiunt, nemo est, qui non ita poeticæ venustatis in eo miretur elegantissimos flores, ut non tantùm, qui sequuti sunt poetæ, sed etiam oratores ad eius lectionem se contulerint, è qua troporum & schematon pigmenta in omne varietatis genus transformantes sua consperferunt scripta reconditam in eo miræ eruditionis facultatem interim prætereuntes. At qui paulò altiùs animum erexerunt, sub verborum inuolucris eam philosophiæ partem, quæ de moribus, de

P R Æ F A T I O.

re familiari gerenda, & de rerum publicarum admini-
stratione, quin etiam, quæ de finibus bonorum & ma-
lorum à sapientibus disputantur, deprehendentes,
non solum voluptatem in legendo, sed etiam vtilita-
tem quandam sub fucate orationis inuolucro delitesc-
centem deprehenderunt: vnde velut ex equo troja-
no numerosa quedam ingeniorum propago per vni-
uersam profluxit Græciam, quorum alij operibus na-
turæ intenti, alij huius vitæ moderationi ceperunt
philosophari. Primus sanè ipse Hippocrates Deo-
rum immortalium beneficio mortalibus concessus
ita præclare de vniuersa hominis natura & sensit &
scripsit, vt quotquot ab eo extiterunt philosophi, in
primisque Aristoteles, suorum decretorum funda-
menta ex eius auctoritate confirmare haud dubitan-
tes, non minorem gratiam illi, quàm ab Oratoribus
& Poëtis Homero habendam iudicarunt. Nam cum
vterque primus infestissimos humani generis hostes,
hic bellum, ille morbos, rursusque eorundem ho-
minum finium, hic pacem, ille sanitatem ita graphi-
cò expresserit, vt in tanta rerum varietate & annorum
seriè non sit adhuc compertus, qui eos altiùs humanis
caput exerentes ausus sit erroris vel leuissimi insimula-
re, præter Homeromastiga illum Zoilum & Hippo-
crato-mastiga Paracelsum, quorum ille inuidia, hic
ignorantia, vterque ignominia & temeritati prouer-
bium fecit. Quis enim, nisi mentis inops, perspicuæ
solis claritati lipientibus audeat oculis contendere,
aut fascibus ascensis meridianam lucem illustrare? fu-
ror est sanè, aut deprauatæ mentis iudicium. Non ta-
men ita hoc à me dictum velim, quasi posteris suo-

ἐπιχορηγός
auxiliator.

paracelsus
uir doctus

PRÆFATIO.

rum inuentorum gloriam subtrahendam esse existimem, cùm ab Homero ad nostram ferè etatem multi extiterint poète, quorum scripta etiamsi luculenta, si tamen cum Homero splendore conferantur obscura & tenebricosa reperientur, non secus ac minores ignes in perspicua solis claritate. Consimiliter quoque dicendum de medicis, quorum facultas cùm sit multò generi humano vtilior poëtica, ab omni sæculo plures quoque insignioresque fuerunt in ea artifices, quorum libri etiamsi varia doctrinæ fœcunditate sint repleti, longè tamen sententiarum vbertate superantur. Quid de iudicio & inuentione rerum ratione & experientia comprobatarum dicam? his enim (duobus velut pedibus corpus) totius artis robur & firmitas sustentatur. Hippocrates cùm rudis adhuc & informis iaceret medicina, nec artis speciem præ se ferret ullam, sed in triuuiis à nondum defœcatis hominum manibus miserè tractaretur, hanc honorificè excipiens præclaris repertis ita perpoliuit, effinxit & auxit, vtillam non modò ad summam perfectionem euexerit, quod tamen rarum est ab vno homine posse fieri in reliquis artibus, sed etiam planè eius inuentoris nomine maxima cum laude commendetur, vnde nec immeritò his versibus mihi celebrandus venit, quibus Lucretio sapientiæ inuentores, dicenti:

Quis potis est dignum pollenti pectore carmen

Condere pro rerum granitate, suisque repertis?

Quisve valet verbis tantùm, quis pingere laudes

Pro meritis eius possit, qui talia nobis

Pectore parta suo quæsitaque præmia liquit?

Nemo ut opinor erit mortali corpore cretus.

PRÆFATIO.

His de causis, tum etiam quod felicissimè morbos humanæ vitæ hostes propulsavit, tertius apud Græcos ab Apolline & Æsculapio diuinos meruit honores, atque ab Atheniensibus Eleusinis sacris secundus ab Hercule monstrorum domitore initiatus: neque tamen, si Lucretio credamus, Herculis facta cum præclaris sapientum repertis æquiparanda, dum ait:

Herculis antistare autem si facta putabis,

Longius à vera multò ratione ferère.

Quid Nemeæus enim nobis nunc magnus hiatus

Ille Leonis obesset, & horrens Arcadius sus? &c.

Et paulò pòst:

Nil, ut opinor, ita ad satiatem terra ferarum

Nunc etiam scatit & trepido terrore repleta est.

Sic deinde concludit:

At nisi purgatum est pectus, quæ prælia nobis

Atque pericla est ingratis insinuandum.

Ergo, ut ad Hippocratem traducamus, quæ in Epicurilaudes Lucretius cecinit, & ad medicinam, quæ de morali Philosophia, non minori laude celebrandus fuit in antiquorum placitis cum euoluendis, tum etiam iudicandis, quam in Diuini sui ingenij repertis.

*publica mediana
secola in Cnido*

Cum enim in Cnido illis temporibus medicinæ publica haberetur schola, nec deessent, qui undique corrasa è templis anathemata in artem redigerent, inscriberentque Cnidias sententias, primus rationis & experientiæ lancibus appendens splendidum de illis fecit arbitrium. Sic ille rudī adhuc & nascenti medicina boni agricolæ opera functus, rerum omnium, quæ amplissimo eius campo coercentur seminaria ab infelicitis lolij, lappæque, tribulique contagione non modo liberavit

P R Æ F A T I O.

liberauit, sed etiam ad exemplum Virgiliani illius agricolæ, qui per astronomiam,

--*Tempestates dubio prædicere cælo*

Rite potest, messisque diem, tempusque ferendi,

Et quando infidum remis impellere marmor

Conueniat &c.

Sic ille, cum medicinam agriculturæ & nauigationi, duabus ad vitam artibus apprimè necessariis, non inferiorem vtilitate obseruasset, suas etiam hanc habere prædictiones certitudine rerum admirabili voluit, quam partem sic excoluisse eius testantur opera, ut pauci sint affectus, qui non ab eo suis signis adscribantur ad futurorum euentuum intelligentiam. In quo doctrine genere Apollinem quoque ita claruisse ferunt, ut ab antiquitate pro medicinæ & vaticiniorum numine sit habitus. Medicina enim sine prædictione nequaquam consistere potest. Quod autem ad Methodum attinet, non possum satis mirari viros ingenio & diligentia præstantissimos, qui dum Hippocratem conlectantur, non tantum eius libros seiunctos ordinéque omni carentes, sed etiam singulorum materiam nulla Methodo adhibita, finéque selectu scriptam esse contententes. Hoc idem Galeno visum fuisse eius apertè declarat oratio: οὐδὲν μὲν τοι γὰρ παρὰ τὴν ἡμῶν ἔγγραφον ἐκ τῆς τῆς τέλξε νοίας ἀρχομένων διδασκαλίας ἐξ ἧς καὶ τέχνη συνίσταται κατὰ μεθόδον. Idem quoque contigisse Homeri poematibus, operamque à Solone & Pisistrato acceptam refarciendi sensus & versuum ordinem, ut esset vtriusque consequentia, testatur Diuchidas in quinto Megaricon, ut est apud Laërtium, quod vix est credibile, quamuis non sit dubium vtriusque diligentia

P R Æ F A T I O.

Homericam poësin secundum literarum numerum & ordinem fuisse distinctam argumentisque illustratam. Nam quid tam indignum HomERICA grauitate atque constantia fuit, quàm Heroica gesta diuulsis mandasse versibus, vbi totam historiam fœlicissimè complexus esset, eam tamen nec disposuisse, nec Methodo illustrasse, qua solent poësis studiosi ad legendum maximè adduci. Cum constet id poëtam fecisse maiore quadam artificij specie dum populum sibi ducendum proponit, belluam multorum capitum, ideoque variè decipit: incipit à medio, ibique sæpè primum comprehendit, postremum denique incerto aliquo & inopinato casu concludit. Sic Homerus ipse, teste Horatio, Iliada disposuit:

*Nec gemino bellum Troianum orditur ab ouo,
Semper ad euentum festinat Et in medias res
Non secus ac notas auditorem rapit, Et quæ
Desperat tractata nitescere posse reliquit,
Atque ita mentitur, sic veris falsa remiscet,
Primo ne medium, medio ne discrepet imum.*

Quocirca prætermiſſa HomERICA methodo ad Hippocraticam opportunè redeo, in qua grauissimus ille scriptor magni semper interfuisse existimauit ad res tam præclaras explicandas, si certam suæ doctrinæ Methodum per vniuersam suorum librorum seriem diffunderet, non secus quàm venæ sanguinem per amplissimam corporis molem, & quam in toto diffudit in singulis etiam libris compendiosè cōtraxit, maximèq; in Aphorismis, in quibus admirabilem quandam rerum continuationem serièmq; videre licet, ita vt alia ex alijs mutuo complexu inter se aptè

P R A E F A T I O.

cohaerere videantur. Quia autem semper ad praxin festinat & in medias res non secus ac notas lectores rapit, pauci sunt libri, in quibus Therapeuticen cum Physiologia non coniunxerit. Idque factitatum non modo ab Hippocrate in medicina; verum etiam ab aliis scriptoribus, vt ab Euclide in suis elementis Geometricis, vbi theorematum problematibus, quibus aliquid demonstrandum aut faciendum iubetur, coherent, interim illo ad consequentium rerum demonstrationes properante. Methodum tamen, quam in dispositione librorum obseruauit Hippocrates, latuisse vsque ad hanc aetatem inuersa à Mercuriali librorum series testatur, sed quam rectè fecerit aliorum esto iudicium. Idem quoque dicendum de aphorismorum ordine, quem demonstrare mirifica schematon Synopsi aggredior, nec aliquem ante nostram aetatem id fecisse cōtendo: tamen si Benedictus Bustamante, vir Hispanus, si qua ea est gloria, hanc demonstrationem se credat inuenisse in ea epistola, quam praefecit libello de hoc proposito: sed quam verè indicat Aphorismorum de suis sedibus in alias transpositio, in qua non magis profecit quam Butinus, Foëtius & plures alij, qui id, sed alia scribendi Methodo à mente Hippocratis alienissima. Prætereo prudens & volēs Galenum, Musam, Fuschium, cæterosque omnes, qui licet præclara commentaria in eos ediderint, Methodum tamen vllam inesse ne cogitarunt quidem, solus Hurnius, vir multis anteponendus, eam suspicatus in quibusdam indicauit, in ceteris neglectam prætermisit. Offredus nuper singulos aphorismos præmissis propositionibus ex Hyppocratico fonte hau-

P R Æ F A T I O.

stis, syllogisticè concludens admirabilem diuini sensus iudicij peritiam patefecit, negotiū huic nostro planè analogum. Prætereo etiam quorundam deprauatum iudicium, quid id fieri potuisse temerè contendunt, cum melioris notæ medici ferè omnes quòd ab Aristotele de quadratura circuli, possibili quidem sed nòdum reperta, id de Aph. Methodo pariter iudicandum esse affirmant, in quorum numero fuit illè magnus Academiae Parisiensis Coryphæus Martinus, qui id, quod ego, tentauit, sed morte præuentus intactum reliquit. Quid autem in suscepto opere præstiterimus, hæc sunt. Primò Galeni librum de summa doctrinæ Hippocratis ad consequentiū sectionum intelligentiam præfecimus, enarrationeq̃ rerum in eo contentarum illustrauimus. Secundo aphorismorum

librum septem sectionibus totidemque schematon synopsis, singulasque sectiones

argumentis & scholiis explicatas red-

didimus. His lector

fruere.



S V M M A

DOCTRINAE HIPPOCRATICAE

PER GALENUM.



ARTIS Elementa atque initia quaecunque ita euidentia sunt, vt clarè cognosci possint, Hippocrates sibi placere asserit. Quamobrem ex illius sententia non modo humana natura, verum & vniuersa quoque animantium genera cum ex solidis humidisque partibus, tum ex spiritus copia constant: quinetiam arborum & stirpium eadem pene natura est, quæ animalium. Habent enim & has quoque partes illa omnia. Interim ex hac facultate & crescunt & generant & adolescunt.

Solidis porrò partibus ossa, neruos, cartilaginem assignauit: quinetiam membranas & venas omnes, cum quæ sanguinem, tum quæ spiritum completuntur ad solida ista referuntur: cuius autem compa-
gis & conformationis veluti fontem & principem caput videri, non aliter ac spiritus & flatus ab ipso corde oriuntur.

Commentarij, quos solidis istis attribuit, sunt de fractis membris, de articulis, cæterisque his non absimiles. Spiritus autem naturam libro singulari, quem de flatu inscripsit, complexus est, vt humorum quali-

tates eo volumine, quem hoc nomine edidit, & libro, quem de natura hominis conscripsit.

Humores autem, de quibus nunc agamus, sunt sanguis, pituita, bilis vtraque cum flava tum atra. Sanguinem porrò natura humidum calidumque, colore rubrum, dulcem quoque sapore esse censet. Pituitam humorem frigidum, humidum, album, sanguineque falsiorem. Hinc bilem flauam, calidam, siccam, luteam & amaram. Alteram autem frigidam, aridam, atram, acidam.

Ad hæc & ætatis & anni partes constituit, in quibus humores hos ipsos, quos modo recensui, peculiariter singulos redundare existimat. Ita per primum tempus & ætatis & anni, ut pote in pueritia, verèque sanguis abundat: in ætatis autem progressu & æstate bilem flauam, ut in ea, quæ prouecta est, iamque vigere desit, atram, eique respondet autumnus: senectuti autem & hyemi pituitam adscripsit. Quinetiam hæc eadem anni tempora ab humorum natura qualitate sua non dissident. Ver enim, ut sanguinem, calidum humidumque: æstatem cum calore siccam: autumnum frigidum & siccum: hyemem humidam frigidamque quoque esse: neque aliter humores sese ad hæc comparatè habere: eadem quoque numeri & naturæ proportionem dici constitutionem distribuit.

In vniuersum verò naturam virorum à muliebri differre opinatur: nam illos magis calere, siccioreque esse: has contra & frigidiore & humidiores. In hisce autem singulis generibus discrimen aliquod & à regionum situ & aëris proprietate & victus ratione reperi.

Ad hæc humores etiam singulos hominum naturæ non mediocrem vtilitatem adferre: nam sanguinis officium esse, vt alar, vt caloris vim, quam in se continet, per corpus diffundat, vt valetudinem conseruet, vt coloris bonitatem præstet. Bilis autem, præter id quod totum corpus compingat, meatus omnes ab obstructione immunes custodit, sensendi que vim *utiliori sensibilibus* acuit, ad coctionem facit, & vias demum omnes, per quas excrementa excernuntur, faciles & expeditas reddit. Quæ verò atra est, hanc humorum cæterorum & fundamentum & sedem quandam esse. Neruis porro, item membranis & artubus volubilitatem pituitam suppeditare censet.

Arbitratus etiam est & ad animantium procreationem viri sceminaeque semen æqualiter facere ac à qualibet corporis parte manare, & foetum quidem masculum in vteri dextra, scemineum verò sinistra generari, partemque eam corporis, quæ laeva est, dextrâ minus esse potentem: non aliter ac, qui succumbunt, minus valida incumbentes existunt.

De morborum quoque causis sic statuit. E plagis violenter inflictis, quasdam aliàs ex aëre, qui nobis circumfunditur, aliàs ex humoribus, de quibus paulò ante diximus, quoties illorum copia vel inopia corpus laborat, aut alioquin qualitates propriæ, aut loci commutatione patiuntur, ortum habere. Auxilia autem ab his, quæ causis istis contraria sunt petenda esse docet.

At ipsos morbos, quosdam esse acutos, quosdam longos, quosdam neque acutos neque longos. Acutos plerumque & à bile flaua & sanguine, maxime verò in ætate florenti, æstate item & aëre feruido, nasci.

Longos porro cum pituita tum atra bilis excitant, hosque senibus & hyemi esse peculiare. Qui verò dubij sunt, vtriusque causis coniunctis fiunt: atque ex his alios salutem, alios interitus periculum ostendere, docuit.

Qua de causa & præsensionem & prædictionem illorum ad artem necessariam esse, quanquam tamen non sint vna & eadem. Sæpe enim satis esset, vt medicus præcognosceret: sæpe certè aliquid prædicere potest. Præsensio autem illa triplex est: nam & ea, quæ antea facta sunt, & præsentis morborum casus, siquid latentis habent difficultatis, ad hæc futura diuinationem colligit.

Quinetiam iudicantes dies non censet negligendos: nam impares acutorum morborum plerumque esse iudices: æquales verò eorum, qui longo tempore egros conficiunt. Ad hæc illos ætate adolescentibus dextris incumbentibus partibus corporis adesse: æquales verò contrariis respondere.

Locos etiam, qui primario affectu corripuntur, animaduertendos admonet: nam rerum cognitionem & adiudicationem ad opem ferendam magno auxilio esse posse.

FINIS.



SVMMÆ DOCTRINÆ HIPPOCRA-
TICÆ ENARRATIO.

Quæ tanquam Polycleti nomina singularum sectionum Aphoristicarum explanationem præcedit. Primoque,

De corporis & facultatum Principiis. Cap. I.

HOMINVM, animantium & stirpium natura iisdem penè Principiis & elementis constat: principia ab analysi, elementa à synthesi eorundem naturæ docentur. Principia igitur (proxima, non physica intelligimus) aut sunt corporis, aut corporearum functionum: & rursus principia corporis subeunt vicem materiæ physicæ, sicut crassamentum & humores: aut vicem formæ, sicut spiritus & calor: crassamentū est duplex solida nempe substantia, seu stamen illud terrenum, per quod toti robur inest, & quo tanquam basi reliquæ innituntur substantiæ: carnosa, quæ vndiquè circumfluit infercitque spatia inter fibras vacua. Humores sunt quoque duplices, quorum alij secundarij aut similes, alij primarij vocantur: secundarij, qui in solida substantia reperiuntur sunt primigenij, qui verò in carnosa ali-

crassa materia 7d

mentarij: primigenij rursus duplex est ratio, aut enim eius interuentu partes crassamenti coherent firmaque in soliditate permanent, aut spiritus & caloris totiusque vitæ fundamentum est pabulum, ille aqueus siue elementaris, hic propriè primigenius ex generali nomine appellatur. Alimentarij quadruplex est ratio, aut enim solidis fibris adhærescens moles fit similis partis, aut tanquam proxima partis alimentum illi annectitur, aut in partis substantiam diffusus illi apponitur, aut ex exilibus venarum & arteriarum finibus in vacua partium loca se insinuat: prior concretus, secundus glutinosus, tertius roridus, postremus influens nominatur. Primarij humores aut sunt confusi aut secreti, confusi in venis & arteriis sanguis, bilis flaua & atra, item pituita: secreti illi sunt, qui propria habent receptacula, bilis flaua cystidem, atra lienem, serum vesicam.

Principia quæ subeunt vicem formæ sunt spiritus & calor: spiritus autem aut est elementaris aut æthereus: Elementaris originem ducit ex elemento aëreo in promiscua elementorum concursione: æthereus rursus est duplex insitus & influens, insitus est, qui tanquam vitalis aura & caloris insiti flabellum in singulis insidet corporis particulis: influens verò, è corde cerebro & iecore per nervos venas & arterias, tanquam caloris vehiculum in omne corpus permeat momento. Calor itidem duplex est elementaris & æthereus: elementaris originem ducit ex elemento igneo in promiscua elementorum concursione: æthereus rursus est duplex insitus & influens: insitus est, qui tanquam humanæ vitæ opifex singulas corporis particu-

*Humores secundi
no primigenii, sed ali
mentarij;*

las fouet atque viuificat: influens verò ortu recondito, primò ex æthere, mox ex corde per vniuersam corporis molem se insinuat.

Principia corporearum functionum sunt temperamentum & appetitus: temperamentum autem consistit in modo & modificatore: modus autem aut est in legitima quatuor primarum naturarum permixtione, aut in debita quatuor primarum qualitatum harmonia. Modificatores autem sunt interni aut externi: interni, calidum innatum è spiritu, calore æthereo, & humido primigenio constans: externi verò, Saturni stella, quæ crassamentum moderatur, sicut humidum elementare Luna, & primigenium Venus: spiritus autem modificat elementares Mercurius, & æthereos Iuppiter: denique caloris elementaris vim regit Mars, ætherei verò splendidum Solis iubar.

Alterum principium corporearum functionum est appetitus, cuius sunt modi & modificatores: modi sunt tres naturalis, vitalis, & animalis: naturalis, versatur in discretionem vtilium & inutilium, aut in motionem facultatis procreatricis in producendo & conformando: aut nutricis in attrahendo, expellendo, continendo & coquendo: aut auctricis in apponendo & assimilando. Prior producit è semine cuiusque partis substantiam; illique compagem & situm propriis vsibus idoneum confert, altera alimētum attrahit, idonea coquit & retinet, superflua eius excernit; postrema substantiam substantiæ apponit, alimentum alito assimilat per omnem dimensionis amplificationem. Vitalis appetitus quatenus partim est naturalis, partim animalis diuersas habet functionum facultates: nam qua-

tenus naturalis ducitur instinctu ad procurationem vitæ & declinationem mortis: item pulsu ad crassamenti fuliginem excernendam, humores attenuandos, spiritus reficiendos & calorem temperandum. Quatenus verò, vitalis est animalis, versatur in cognitione boni & mali, aut in motione facultatis concupiscibilis, unde spes & amor, aut etiam motione facultatis irascibilis, unde metus & odium, ad fugā rei incōmodę aut persecutionem cōmodę. Animalis appetitus versatur in sensu iucundi & iniucundi, aut in motione facultatis apprehēsiuæ aut progressiuæ ad locum: apprehensio est exterior, cuiusmodi sunt quinque sensus animæ nuncij, aut interior, cuiusmodi sunt discretio, iudicium, imaginatio, memoria, recordatio & ratio: functiones autem tam facultatis apprehensiuæ quàm progressiuæ ad assequendum vel fugiendum rem iucundam aut iniucundam spectant. Modificatores sunt duo interni & externi: interni sunt anima suis facultatibus instructa, quæ corpus secundum vniuersi leges moderatur. Huius perfectio est mens partim in materia degens, partim ab ea segregabilis: functio huius est ratio. Externi sunt natura ipsa vniuersi ad quam omnia referuntur. Huius perfectio est Deus omnino à materia segregatus, virtutis infinitæ, æternus, incomprehensibilis. Hæc de principiis, nunc de elementis.

De Elementis. Cap. II.

ELEMENTORVM doctrina pendet à synthesi: nam totum corpus è partibus organicis constat, partes organicæ similaribus, similes è semine & sanguine parentum, semen & sanguis parentum ex humori-

bus secundariis, humores secundarij è primariis, primarij ex alimentis, alimenta è concursu & commixtione quatuor primarum naturarum in hunc planè modum.

Cibi, quibus nutrimur, è quatuor primis naturis: nam nomine sanguinis quatuor humorum mixtam congeriem intelligimus: hanc verò esculenta potulentaque ingesta nobis innouarunt: hæc porro siue animantium carnes erant, siue pisces, siue terræ fruges & stirpium fructus à promiscua elementorum concursione aliquando sunt procreata eo sanè ordine, quem in singularum rerum productione obseruamus, siue artificiosa propagatione, siue naturali plantarum & animantium generatione, qualis visa est Empedocli sine præuio semine prima omnium rerum natiuitas, cum terra tempestiuis ex imbribus madefacta caloreque solis & aëre insinuato fruges & animantes produceret, è quibus singulæ animantes alimenta ab eo tempore capebant, mutuâque altera alterius internecione victitât. Quinetiam eodem spectat omnium interitus: quia natura rerum obitus conficiens, eò singula refert, vnde fuerunt accepta:

Humor ad humorem, terreno corpore terra

Crescit, & ignem ignes producant, aetherâque aether.

Humores primarij ex alimentis: nam mansum iam & ad nutritionem præparatum alimentum in ventriculum detruditur: itaque partim detrudente gula, partim suis rectis fibris attrahente ventriculo retentrix excitatur facultas fibrarum obliquarum ministerio. Interea concoquens facultas cibum omnem mutat & conficit proprio ingenitoque calore & spiritu, tum eo, qui tanquam lebeti ventriculo è vicinis infertur

partibus, iecore, liene, omento, corde & diaphragmate. Itaque perfectè planèque cibus concoctis os infernum ventriculus diducit, reiicitque transuersis fibris, quicquid alimenti in chylum confecerat, in intestina. Vt enim arboris tenuissimæ radices è terra succum trahunt, ita vena porta suis exilium venarum orificiis per mesenterium in intestina disseminatis, quantum chyli coctum est, absorbens in iecur trāsmittit. Quem igitur chylum ope radicum venæ portæ attractum iecur accepit, hunc mora & contagione vera sanguinis specie perficit. Nomine sanguinis quatuor humorum mixtam congeriem appellamus, nam in eo bilis flaua & nigra cum pituita continentur, non secus quàm in lacte caseus, butyrum & serum. Vena porta iterum ex eodem iecore velut radicibus sanguinem illis partibus, vnde chylum hauserat, suis ramulis rependit, vt qui modo rami erant, mox fiant radices, radices autem, qui prius rami. Quod superest, vena caua sanguinem è vena porta proliciens in totum corpus distribuit, per ramos sanè quam multos in omnes corporis particulas pertinentes.

Humores secundarij è primis: nam ex sanguine, qui in venis concluditur maioribus, quatuor humores secundarij consecutione quadam fiunt. Cum enim sanguis iam in extremis exilium venarum arteriarumque perductus proprietate circumstantis particulæ allicitur, primus fit similarium partium humor, diciturque alimentarius: alter, qui per media spatia similarium partium roris modo dispergitur, roridus. Tertius, qui crassior iam factus, fibrisque adhærescens agglutinatur. Postremus, qui in partis substantiam conuer-

fus illi perfectè assimilatur.

Semen ex humoribus secundarijs: nam seminis materia utilis atque sincera eius alimenti, quod partibus solidis attribuitur, portio quædam est, quæ vi testiculorum attrahente è singulis corporis partibus secreta discessit. Eius substantia crassa est, & spumosa, colore alba, pondere levis, natura aërea, temperamento calida & humida. Perfectionem autem & fecunditatem à spiritu vitali & calore æthereo omnimodè facultatis opifice è toto confluentibus accepit. Hic dum in utero efferuescit, quæ compressæ atque tacitæ in eo delitescabant facultates in actum erumpunt & viribus sese ostentant. Mox deinde suscitata vi conformatrice in semine delitescente, huius materiam variè distrahit, partesque similes secernit, quarum molem maternum semen necnon eiusdem sanguis augment atque amplificat.

Partes similes è semine & sanguine Parentum: nam è semine paterno partes solidæ, frigidæ, siccae & albæ caloris beneficio sunt genitæ: è sanguine verò materno molles, calidæ, rubræ, sanguineæ, ut caro, à sanguine mediocriter resiccato ad fibrarum vacua interstitia opplenda, ad musculorum item compositionem: sub istud genus veniunt glandulæ, viscerumque parenchymata &c. Partes autem similes, quæ è semine generantur crassiore portione, sunt ossa & cartilagine: ossium autem origo è calua aut ab osse sacro: *cartilago verò ex ossibus paululo perfusis humoribus.* Quæ generantur è portione tenaciori sunt ligamenta & tendines: ligamentorum autem origo est è cartilagine & portione ossis pingui, tendinum verò ecphy-

sis è fibrarum ligamenti & nerui. Quæ generantur è portione mediocri sunt nerui & fibræ: nerui oriuntur è cerebro, spinali medula & menynge duriori, fibræ è membranis & vice versa. Quæ generantur è portione lenta sunt membranæ & cutis: membranæ fiunt è fibris & menyngibus: cutis verò è neruorum & membranarum extremitatibus. Quæ generantur ductili portione sunt venæ & arteriæ: venæ procedunt è iecore simplici tunica instructæ omni villorum genere, arteriæ verò è corde prædeunt duplici tunica textæ ad sanguinis feruidissimi impetum sustinendum.

Organicæ partes è similaribus: nam vna aut altera paucis aut pluribus constant, omnesque simul velut propria corporis elementa in eius structuram concurrunt. Ossa enim velut pali & columnæ totius corporis ædificium sustentant. Cartilagines articulos ferè omnes incrustant & oblinunt: vincula nectunt atque alligant. Membranæ tanquam cortices singula vestiunt. Nerui seu funiculi membrorum vastissimas moles non sine admiratione contrahunt & remittunt. Venæ tanquam riui vniuersum corpus irrigant. Arteriæ velut tubi singulas partes spirituoso sanguine perfundunt. Carnes spatia vacua explent.

Totum corpus ex organicis: nam anima comitum stipata fiducia suos habet nuncios, satellites, tamias, coquos, coquorū ministros καὶ ἀεὶ ὄντας, simul etiam quadriiugum equorum apparatus habenis, stimulis, frænis, calcaribus instructissimum. Hæc enim in corporis excelsiore & nobiliori parte cerebro, tanquam in vehiculi commodiore loco aut in puppe quieta sedens sibi hinc inde sensus exteriores velut nuncios, interiores

ra sunt. Mercurialis Epicycli inclinatio meridionalis, Venerei septentrionalis existit. Flatus ab aquilone tanquam cœli scopæ aëra purificant, ab austro nubibus offundunt.

Dextra pars hominis robustior est sinistra & calidior, rubicundior etiam, quia in latere dextro iecur sanguinis & ruboris officina: lien in sinistro melancholiæ & nigredinis, unde sinistra dextris infirmiora, frigidiora & nigriora. Motus etiam & actiones animantium à dextris incipiunt & accubitus à sinistris: masculi mouentur in vteri dextro priusquam in sinistro, foeminæ contrà. Oculus dexter filium, sinister filiam: dentes dextri amicos, sinistri amicas, si Artemidoro credamus, significant. Pes dexter, manus dextra robustiores, grandiores & vegetiores sunt sinistris. Solus homo natura amphidexios, non mulier, quia imbecillior. Qui dextro incumbunt lateri acutis morbis sæpius corripiuntur diebusque iudicantur imparibus: contrà, qui sinistro incumbunt diuturnis corripiuntur paribusque iudicantur. Dextro hypochondrio tegitur hepar, sinistro lien & ventriculi maxima pars. Lumbis hærent renes, quorum dexter plerumque altior est, sinister depressior utriusque poli instar. Vas genitale dextrum è trunco caue secundum spinam repenis prodiens sanguinem fert depuratum egregieque percoctum: sinistrum ab emulgente leua subtus emergens non expurgatum, sed sero dilutum sanguinem haurit, hinc foeminæ, illinc mares generantur. Ilibus dextris intestinum cœcum, sinistris colon & iecunum. Cor è medio parum in sinistram declinat partem. Azygos à dextro latere in sinistrum transit infe-

riores costas suis furculis alitura.

Anterior mundi plaga orienti tribuenda est ob vniuersi motum ad occalum: proinde flatus inde emergentes syderumque irradiationes in oppositos regionum, montium, vrbium, domorumque situs, fontiumque scaturigines, paulò salubriores, tepediores & gratiores, quàm qui ex auerso cœlo proueniunt.

Anterior hominis pars venis & arterijs quamplurimis scatens calidior, transpirationique ob cutis raritatem accommodatior. Naturalis spiritus fauorabilis aura mammas veluti monticulos afflans irradiansque ex eorum spongoides substantia geminos fontes in lactis candorem excitat, mammaria vena thoracis musculos & mammas interluent. Contra posterior neruosa, ossæa, frigidior, cutèque densiore prædita, rigoribus, horroribus, ceterisque frigidis affectibus paratior.

Superior mundi plaga (media ambientis aëris regio) antiperistasi caloris frigida, humida, nubibus, pluuiis, niui, grandini generandis accommodata: hinc quò regionum situs sunt editiores eique viciniore, eò magis aëriis perfunditur iniuriis: quinetiam ex editioribus montium iugis fontes, è fontibus riui, è riuis fluuij in suos præcipiti lapsu admissi alueos, per agros & subiectam camporum planitiem in depressiora mundi loca deuoluuntur. Inferior contra mundi plaga, mediæ videlicet terræ viscera, antiperistasi frigoris calida, vaporibus, exhalationibus, fumis, flatibus, tremoribus, ibi concitatis inferiorem aëris regionem conturbat. Hinc quò regiones sunt depressiores, centroque terræ viciniore, eò magis infestantur prædictis incommodis: quinetiam è profundis terræ visceribus,

flammæ, termæ sulfureæ, lapides, metalla, flatus, nubes erumpunt, sursumque feruntur.

Superior hominis pars, cerebrum videlicet, frigida & humida pituitæ & fero generandis idonea per patentés meatus os, nares, fauces, œsophagon, aortam in subiectas corporis partes ventriculū & intestina, pulmonem & præcordia, frigidam vim & humidam pituitæ exonerat: hinc catarrhus, corysa, branchus, pleuritis, phthisis, asthma, diarrhœa, lenteria, colicus dolor: vel per occultos, venas, nervos & arterias in articulos, iecur & cor, vnde syncope, palpitatio, hæctica, cachexia, atrophia, leucophlegmatia, stupor, tremor, paralyfis. Inferior contrà calida & humida, vaporibus, exhalationibus, fumis, flatibusque generandis aptissima. Quò enim regio depressior aut particula iecori vicinior, eò magis flatibus generandis obnoxia: hinc tetto vapore cor & cerebrum feriuntur, quinetiam calidi & frigidi repugnantia in profundis renū & vesicæ lacunis calculus generatur & velut è fodinis eruitur. Ad vmbilicum colī & ieiuni portio, imo ventri longano, vesica & vterus sedent.

De morborum causis. Cap. IV.

C A V S A R V M in morbosa corporis constitutione quatuor sunt prima genera: Efficiens, quæ materiæ vim morbificam inducit: Materia, corpus scilicet & partes eius tam similes quàm organicæ: Forma, morbi species à vi morbifica in corpus impressa: Finis actionum læsio, excrementorum ametria, & simplices affectus, ab omnibus tandem corporis interitus.

Efficientis causæ duo sunt prima genera, quia principalis est aut adiuuans: principalis rursus aut est exte-

rior, aut interior: Exterior quę procatartica aliàs dicitur, aut est necessaria aut non necessaria: in necessaria classe se recipiunt quęcūque sunt impressa à superiori radice, noua nempe syderum cōmixtione & influētia, vnde aēr immutatur, spiritusque afficit aut qualitate manifesta frigore & calore, vel occulta, vnde Epidemij: ab inferiori, vaporibus videlicet & exhalationibus è terræ faucibus & locis palustribus, vnde aquarum & aëri insalubritas, morbi que Endemij. In eandē classē se recipit innata rebus non naturalibus, veluti aëri, quę inspiramus, alimentis liquidis & solidis è variis terrę frugibus & animantibus, item è variis aquarum originibus pariter qualitate aperta aut occulta corpus nostrum oppugnantibus. His adde somni & vigiliarum, motus & quietis, retentorum & excretorum, item perturbationum ametriam. Causa non necessaria sunt gladij aut lapidis ictus, bestiarum occurfus, casus, ruina, alięque fortuita, quę vix euitare possumus. Hęc de principali causa exteriori, nunc de interiori.

Interior duplex est antecedens & cōiuncta, siue sine qua non: antecedens consistit in humorum ametria aut cacochymia: humorum ametria in plethora, quam antecedit otium & crapula, eandem confecuntur torpor aut dolor grauis: item in humorum inanitione, quam præcedunt inedia & vehementior tam animi quàm corporis motus, eandem confecuntur macies & debilitas. Humorū cacochymiam præcedit genesis bilis ex alimentis biliosis, melancholię ex melancholicis, pituitę ex pituitosis: aut metaptosis sanguinis in bilem flauam, flauę in atram, pituitę inferum, spiritus in flatus, chyli in ichor, vermes, calculos.

Coniuncta causa aut est effusio cacochymiae vel plethorae ad aliquod membrum diadosi, metastasi, palindromè: aut cohibitio eiusdem cacochymiae in parte, quam occupauit.

Adiuuans rursus aut est aduentitia aut insita: aduentitia ab humorum ametria, unde partium distentio & resolutio: distentio, quam antecedit plethora, sequitur lassitudo: resolutio, quam antecedit inanitio; sequitur debilitas: item ab humorum cacochymia, unde partium intemperies & corruptio: intemperies, quam antecedit cacochymiae prouentus, consequitur cruditas pepasmi expers: corruptio, quam antecedit humorum degeneratio, consequitur materiae morbificae malignitas, tenuitas, crassities, &c.

Insita duplex est naturalis & praeter naturam: naturalis versatur in elementorum repugnantia, & insiti caloris efficientia, quae nos à naturali temperie non tantum remouent, sed etiam per accidenſ immutant & conficiunt. Causa praeter naturam in femine paterno aut sanguine materno quasi sopita à causis procatarteticis tandem excitatur & in actum prorumpit.

Haecenus de efficiente nunc de symptomate sub nomine causae finalis pauca & breuiter sunt dicenda. Finalis versatur in facultatum lésione, excrementorum ametria & simplicibus corporis affectibus: facultatum lésio aut est absoluta aut comparata: absoluta in anorexia, aepsia, asphyxia, apnoea, anœa, paralyſi, sterilitate, cæcitate, surditate: comparata in facultatis deprauatione aut remissione: deprauatur in cacotrophia, cachexia, citta, bulimia, dyspnoea, abortu, delirio, conuulsione, tremore, palpitatione, rigore, hor-

rore, tussi, sternutamento, pandiculatione, oscitatione, singultu, vomitu, ructu, strabismo, tinnitu & dolore. Remittitur bradypepsia, bradypnoea, mola, torpore partis aut mentis, vitio lufci vel surdaſtri.

Excrementorum ametria aut eſt in ſubſtantia, aut in quantitate, aut in qualitate: in ſubſtantia excretum aut retentum: excretum vt ramentum inteſtini in dyſenteria, caruncula pulmonis, renis, hæmorrhagia, gonorrhæa, &c. Retentum, carculus, arena, vermis. In quantitate rurfus excretum aut retentum: excretum, ſemen in gonorrhæa, ſanguis in menſtruis & hæmorrhoidibus, vrina in diabete, feces in diarrhœa, ſudor anglicus, &c. Retentum vt vrina in iſchuria, dyſuria, &c. In qualitate vrinæ nigræ, virides: deiection item nigra aut viridis, ſudor ſanguinolentus aut viridis.

Simplices corporis affectus aut ſunt Viſibiles, ſicut aurigo, fœdi virginum colores, cutis nigredo ſub carbone & gangrena, rubedo ſub phlegmone, flauedo ſub eryſipelate: aut Audibiles ſicut inteſtinorû rugitus, ſtertores, tinnitus, ſtridor dentiû, ſuſpiria: aut Guſtabiles ſicut oris amaror à flaua bile, acedo à melancholia, falſedo à pituita: Olfactibiles, fœtor corporis, ructus acidus, nidorulentus: Tractabiles cutis laxitas, durities, aſperitas.

De Morbis. Cap. V.

MORBORVM differentiæ petuntur aut à ſubiectis partibus, aut ab iſſis adiunctis morbis: à ſubiectis partibus ſimilaribus, organicis & communibus: morbi ſimilaris partis ſiunt à triplici genere intemperiei, videlicet ſimplicis aut compositæ, materialis aut immaterialis; æqualis aut inæqualis. Simplex intempe-

ries est calida, humida, frigida, sicca: composita calida humida, frigida sicca, calida sicca, frigida humida: materialis cum sanguine, pituita, aut alterutra bile: immaterialis phlogosis & congelatio: æqualis vt febris hæctica, quæ est intemperies totius corporis: inæqualis, vt febris lipyria & epiala: sub illa vruntur interiora, exteriora rigent, sub hac pars vna rigescit, altera æstuat. Morbi organici fiunt à vitio conformationis, numeri, magnitudinis & situs: conformationis vitia sunt in meatu & cavitare, itidem in figura, asperitate & lenitate: rursus meatus & cavitatis vitia sunt ex se aut aliunde: ex se quia meatus aut cavitatis est angustior aut amplior: angustior, vnde obstructio, à qua menstrui, hæmorrhoidon, lotij, fecum & sudoris suppressio, febris putrida, lenta, icterus vterque lienis & hepatis, apoplexia, dyspnœa, atrophia, tabes, mors repentina. Amplior, vnde diarrhœa, lienteria, hæmorrhagia, alui fluxus, vesicæ diabetes, mictus sanguinis, vterini menstrui immoderatio, è ventriculo sanguinis vomitio, è pulmone eiusdem excretio: alterum conformationis vitium est in figura, figuræ verò à causa interna, cuiusmodi sunt monstruosi partus, aut à causa externa, qualis luxatio membrorum à manu obstetricis: tertium conformationis vitium est partis asperitas, qualis in cute callus, in trachœa alteria rugæ, vnde raucedo: quartum conformationis vitium est læuitas, qualis intestinorum, vnde lienteria adiuuante humore pingui & viscido. Numeri autem vitia sunt in excessu aut defectu: in excessu cuiusmodi humores in plethora, membra in triorchis & sedigitis, excrementia in capite velut cornu, in naso polypus, in meatu urinario caruncula,

runcula, in cute verruca, in ano aut vtero condyloma, à quibus plerumque fit obstructio, ab obstructione morbus magnitudinis: in defectu mutilatio membri siue sit naturalis, siue sit è casu aut fortuna. Magnitudinis verò vitia sunt in augmento aut decremento: in augmento aut totius corporis, vt gigantea moles, qualis Nicomachi Smyrnei: aut partis, vt tanta linguæ magnitudo aut penis, quæ sit vsui incommoda: in decremento, vt corporis extenuatio, membri atrophia: à copia vel inopia materiæ utilis vel inutilis, & facultatis robore aut debilitate. Situs denique, in membrorum & ossium luxatione: in quo genere strabismus, hernia ab humida intemperie, aut violento aliquo casu. Morbi communes fiunt à causis externis aut internis, velut fractura in osse, conuulsio in neruo, diuulsio in ligamento, excoriatio in cute, cõtusio in carne, vltio & vulnus in omnibus: à causis verò internis tumores, cuiusmodi phlegmone, erysipelas, œdema, scyrrhus, & ab iisdem compositi, phlegmone erysipelatodes: &c.

Morborum diuisio ab adiunctis formis crissum theoriæ & menti Hippocraticæ magis consentanea est, idèo nobis discutienda in hunc proponitur modum. Morbus aut est in toto aut parte & in vtroque acutus, diurnus, mixtus & ex metaptoseos. In toto acuta febris primaria est aut epiginomene: primaria in sanguinis phlogosi, vnde synochos prima, item in bilis concitatione, vnde synochos secunda, in vtriusque efferuescentia, vnde causos: epiginomene peripneumoniæ vocatur crymodes, hepatidi typhodes, stomachi lipyria. In toto diurna febris aut est rursus pri-

maria aut epiginomene: primaria in pituita putredine, vnde epialos & quotidiana, item in melancholia exuperantia, vnde quartana, denique in vtriusque permixtione, vnde quartana notha: epiginomene locis affectis, pulmonibus, iecori & lieni nondum sibi nomen peculiare inuenit. Mixta in toto aut est primaria aut epiginomene: primaria rursus aut est confusa in vno loco, aut implicita in diuersis: confusa in vno loco fit à sanguine cum pituita, vnde synochus putrida: aut eiusdem cum atra bile, vnde febris adhuc anonymos: eadem etiam cōfusa in vno loco fit interdum à permixtione bilis cum pituita, vnde elcodes, aut cum atra bile admodum perniciofa & adhuc sine nomine. Implicita in diuersis locis aut est intermittens cum intermittente, aut intermittens cum continua: intermittens cum intermittente aut est vnius ideæ aut diuersæ: vnius ideæ duplex quotidiana, duplex tertiana, duplex quartana &c. diuersæ quotidiana cum tertiana, tertiana cum quartana, &c. Intermittens cum continua aut est rursus vnius ideæ aut diuersæ: vnius ideæ tertiana continua cum tertiana intermittente: diuersæ quotidiana continua cum tertiana intermittente. Epiginomene quarundam partium affectibus superuenit. Ex metaptosecos siue decidentia, quæ ex vno genere in aliud transit, sic acutus post vigesimum diem dicitur decidentia, post quadragesimum diurnus, mixtus &c.

Hactenus de morbo in toto, nunc qui fit in parte dicendum. In parte acutus morbus aut internus est aut externus: internus rursus aut simplex est aut compositus: simplex fit à sanguine, vnde phlegmone, cuius

quædã species nomen sibi inuenerunt angina, pleuritis, peripneumonia, stomachitis, hepatitis, nephritis, quædã non inuenerunt, venæ cauæ, vesicæ, columellæ, & tonsillarum: aut à bile, vnde erysipelas cuius species sunt phrenitis, lethargus & reliquæ sine nomine species. Cõpositus fit ex phlegmone & erysipelate, idque in partibus internis. In superficie autẽ corporis producuntur à sanguine bubones, parulis, parotis, carbunculus, furunculus, exanthemata, enchymoma & eius species: à bile phlyctides, herpes miliaris & exedens, impetigo, prurigo, &c. In parte morbus diurnus aut est interior aut exterior: interior rursus aut est simplex aut compositus: simplex à pituita, vnde œdema, caros, & aliæ species, quæ nomen peculiare nondum sibi inuenerunt: aut à bile, vnde scyrrhus iecoris, lienis, vteri & multialij. Compositus fit ex œdemate & scyrrho. In superficie autem corporis à pituita producuntur gangliõ, nodus, bronchocele, glandula, struma mitior, vitiligo, scabies, fauus, achor: à melancholia struma carcinodes, cancer, phagedena, verruca, thymion, lentigo, psora, lepra. Mixtus in parte fit è confusione quatuor humorum: ex metaptosecos verò cum humores alij in alios degenerant, sic pituita in serum, vnde ascites, spiritus in flatus, vnde tympanites, &c.

De temporibus morborum & coctionis materia morbificæ. Cap. VI.

MORBUS omnis aut est absolutè brevis aut longus, aut id comparatè: morbus absolutè brevis in quo crisis, vocatur acutus, cuius duo considerantur tempora in genere, vnum secundum longitudinem, alterum secundum latitudinem: longitudinis quatuor

sunt partes, principium, incrementum, status & declinatio. Principium morbi sumitur à primo febris paroxismo signatis die & hora. Incrementū designat paroxismi longitudo, horæ anticipatio, & symptomaton vehementia: ab hoc indicantur longitudinis & breuitatis termini, item futurane sit crisis in prima, secunda aut tertia ephodo, in statu an paulò ante statum, nam numero paroxysmorum incrementi numerus ephodon ferè respondet. Statum indicat horæ constantia, paroxysmorum æqualitas, symptomaton tenor: in statu crisis fieri consuevit, ab eoque, quàm longè sit abiturus, præuiso dicta est auspicanda. Declinationem demonstrat horæ retardatio, paroxismi breuitas, symptomaton remissio: totaque morbi historia intra diem decimū quartum, aut vigesimum, ad summum, si in principio non est valde acutus, absoluitur: acutissimus quarto, peracutus septimo, acutus simpliciter decimo quarto. Tempus secundum latitudinem versatur in periodis siue circuitibus, quorum vnus refertur ad conatum morbi, qui vocatur paroxismus, alter ad conatum naturę & vocatur ephodus à medicinæ magistris. Paroxismus est morbi insultus, cuius partes sunt ἐπισημασία, ἀνάβασις, ἀκμή, παραμύη, κατάρβασις, διάληξις: iracme, seu paroxismi vigore, si vincatur natura, moriendum. Ἀνέσις, vel remissio, est continuarum, sicut ἀπορροή, vel intermissio, intermitentium, in quibus paulò plenius nutrire conuenit. Febres ferè omnes, quarum aliæ sunt typicæ, aliæ erraticæ, suas habent periodos, item asthma, arthritis, colicus dolor, cephalalgia, & cardialgia. Paroxismi anticipatio signum est irritatę naturę, diurnitas absolutę putredinis, vehementia absoluti pepasmi. Epho-

dos verò est naturæ stimulatïo ad morbum superandum partim lunæ reliquorumque syderum beneuola irradiatione, partim etiã coctæ plus aut minus materiæ motu. Lunæ irradiatione quaternionibus aut septimanis: materiæ motu imparibus diebus ordinatè, paribus intempestiua crisis eruptione ab inordinato fluxu materiæ motu: in ephodo si vicerit natura bene agro & prosperè agetur.

Coctionis materiæ morbificæ duo sunt tempora, dies nempe indices & decretorij: indices coctionis sunt 4. 11. 17. aut sui intercidètes, nã in his signa coctionis morbum iudicandum fore in 7. aut 14. aut 20. aut suis proximis ante vel retro intercidentibus è morbi impetu & vehementia significatur: cruditatis etiam, quæ symptomaticè tantum mouetur in acutis aut per abscessum in diuturnis, quod vrina cruda & tenuis pariter coindicat. Decretorij sunt excretionis, quæ fit in morbis eucritis, quales sanguinei per quaterniones & hebdomadas, & biliosi per dies impares, sicut affectus in partibus dextris: dyscriti verò seu mixti per pares, sicut partes sinistræ. Morbus simpliciter longus, in quo lysis, vocatur diuturnus, à 40. die ad 100. in quibus vis dierum criticorum tantum est conspicua non vltius, vbi opus est mensium & annorum numero. Morbus comparatè longus & brevis est decidentia, nempe à vigesimo die ad 40. quia si conferatur cum acuto longus est, cum diuturno, brevis.

De signis. Cap. VII.

SIGNORVM summa genera versantur in recordatione rerum non naturalium, quibus iam ante vsus: in cognitione partis affectæ, causæ morbifi-

cæ, & præsentis morbi speciei: in futurorū euentuum
 prænotione à signis sphymicis, pepticis & crisimis.
 Primum genus vocatur ἀναμνηστικὸν antiquæ consuetu-
 dinis aut nouæ viuendi institutionis: consuetudo au-
 tem est in vsu aut abusu ambientis aëris, loci & aquæ:
 item alimenti substantia euchyimi aut cacochyimi,
 qualitate eupepti aut dyspepti, quantitate sobrij aut
 genialis, ordine legitimi aut inuersi. Item in edu-
 ctione aut retentione fecum, vrinæ, vomitus, sudo-
 ris, menstruorū, seminis. Item in moderatione som-
 ni, vigiliarum, motus, quietis, & animi pathematon:
 his adde idiosyncrasiam & peculiare affectus. Noua
 viuendi institutio in promptu est. Secundum genus
 vocatur diagnosticon partis affectæ, causæ morbifi-
 cæ & speciei affectus. Pars autem affecta deprehendi-
 tur situ ex anatomicis obseruationibus: affectu primò
 & per se, in quo temperamentum, conformatio,
 vsus, dignitas & situs sunt spectanda, aut per accidens
 siue cōsensum, in quo genere est affinitas, vicinia, opē-
 ris societas, cōmunio vasorum, positiuè aut priuatiuè.
 Causa pariter deprehenditur externa ab assumptis,
 admotis, educendis, faciendis: interior antecedens
 ametriā in excessu plethorā, in defectu inanitione,
 item cacochyimiā in genesi aut metaptofi humorum:
 interior coniuncta fluxione aut congestione, fluxio-
 ne per diadosin, metastasin, palindromē materiæ mor-
 bificæ. Morbus denique deprehenditur à subiecto aut
 adiuncto, subiecto quia similis, organicus, aut com-
 munis: adiuncto, quia acutus, longus, mixtus, ex me-
 raptoseos: item pars affecta, causa & morbus depre-
 henduntur à triplici genere symptomaton à postero-

ri: sic simplices affectus indicant excretorum ametriam, ametria verò functionis læsionem, & contrà. Tertium genus vocatur prognosticon, quod maxime excoluit Hippocrates, vt non immeritò genus ex Appolline duxisse credatur, quem vaticiniis præfecit antiquitas. Perficitur autem hoc genus Simiotices signis sphymicis, pepticis & crifimis: sphymicis vires ægri inquirimus à pulsu & respiratione: pepticis magnitudinem morbi à fecibus, vrina, sudoribus &c. Crifimis salutem aut mortem à motu materiæ morbificæ secundum tempus in quo fit pepasmus, & speciem morbi, in qua excretio.

Sphymicorum signorum differentia petuntur à motu, quem antecedunt quatuor, tria consequuntur. Antecedunt autem mouens, vitalis sc. facultas, à qua pulsus vehemens, languidus, mediocris: mobile, cor sc. & arteria, à quo pulsus mollis, durus, mediocris: spatium in quo fit motus, à quo pulsus magnus, parvus, mediocris: tempus circa quod systole & diastole, inspiratio & exspiratio mensurantur, à quo pulsus tardus, velox, mediocris, à motus & quietis remissione vel intensione. Consequuntur verò proportio, æqualitas, & ordo. Proportio, quando vires ægri & morbi magnitudo proportionantur secundum naturam & ætatem. Sic morbus acutus proportionatus est iuueni bilioso, improporionatus seni pituitoso. Æqualitas, quando eiusdem generis pulsationes equales percipiuntur, vt si pulsus febricitantis velox singulis pulsationibus sit peræquè velox, magnus peræquè magnus, & vehemens peræquè vehemens & sic in reliquis. Ordo,

quando seruatur series circuituum , vt si duo pulsus fiant magni, deinde duo parui, & sic deinceps per circuitus, huiusmodi quidem pulsus inæqualis est, sed ordinatus. Differentiarum autem causa efficiens vitalis est facultas, cuius cor & arteriæ sunt instrumenta: vsus siue finis reparatio vitalis facultatis, contemperatio caloris natiui, excretio fuliginis. Inter signa prognostica, ægri viribus cum morbi magnitudine comparatis, nihil æquè designat ac pulsus: nam vehemens & magnus robustam facultatem, sicut languidus & paruus debilem. Ita pulsus proportionatus, æqualis & ordinatus in bonis semper optandus, quia natura proportionem, æqualitatem & ordinem recreatur: in malis verò præstat nihil horum esse, ne bene malorum constituto imperio status reipublicæ corporeæ facilius dissoluatur. Hoc genus prognoseos videtur Hippocrates neglexisse, aut frigidè excoluisse.

Pepti corum signorum differentia petuntur ab vrina, fecibus & sudore: differt autem fex à fece substantia, quantitate & qualitate. In substantia spectandum purane sit an impura: pura mollis est compacta, cohærens & subrufa: impura, cruenta, flatulenta, spumosa & vermicosa. In quantitate multa ne sit an paucă, frequens an tarda. In qualitate colorēne alba an nigra, flaua an pallida: in odore fœtida, horrenda an abominabilis. Differentiarum causæ petuntur à substantia, quantitate & qualitate: nam liquida fit frequentiore vsu liquidorum & chyli palindrome ab obstructione mesenterij: contrarijs causis feces indurantur. Copiosa fit à cibi quantitate, dyspepsia, deriuatione vrinæ & sudoris: contrarijs causis parum deijcitur.

Qualitas

Qualitas spectatur in colore & odore: color fit alteratione aut permixtione alieni: alteratione, coctione videlicet, flavescent, vstione nigrescent, cruditate albescent: permixtione alieni, chyli sc. pituitæ, puris, muci, à quibus albescent, sanguine & bile rufa rubescunt, æruginosa virescent, atra nigrescent. In odore fœtor cruditatem & putredinem humorum significat. Signa petuntur è præcedentibus differentiis: nam liquida & aquosa præsertim in acutis mala, & quæ fertur præter sensum & voluntatem ægri. Spumosa quoque mala, quia multum flatum aut magnum intus incendium ostendit. Vermis cruditatis & putredinis soboles in principio morbi mortem aut morbi longitudinē portendit, idque maximè in magnis febribus. Pingues sunt lethales, quia colliquari totum corpus indicant. Nigræ in morbi principio malæ, in statu aliquando criticæ. Versicolores varios humores, morbi que longitudinem portendunt, nisi tales sint à catartico. Insigniter fœtidæ, nisi in vacuatione critica, nihil boni significant.

Vrinarum differentiæ petuntur pariter à substantia, quantitate & qualitate. In substantia spectandum purane sit an impura: pura consistentia est mediocris, colore citrina & clara, non naturalis contrà. Impura aut permiscetur homogeneis aut heterogeneis: homogenea sunt sedimentum, eneorenia, & nubecula: heterogenea sanguis, pinguedo, pus, arena, furfur, caruncula. In quantitate paucane sit, an copiosa, frequens an rara eiusdem profusio. In qualitate color & odor: color, quia alba aut nigra. Ad albam aquea, palida & lactea, ad nigram rubra, viridis & liuida referun-

tur: citrina autem flava & rufa mediæ sunt. Odor fœtore indicatur. Differentiarum causæ petuntur à substantia, quantitate & qualitate: non est enim vna eademque causa consistentiæ & contentorum in vrinæ substantia: nam consistentia tenuis à cruditate & obstructione producitur, quia solû tenue percolatur crasso remanente, quales sunt hepaticorum, stomachicorum, & nephriticorum: contrariis causis vrinæ crassescunt. Turbantur autem in matula aëris ambientis frigore, quæ si non admotæ igni clarescant, confusæ seu turbidæ nominandæ, quales in malignis febribus adesse consueuerunt. Continentur in vrinæ substantia homogenea aut heterogenea: homogenea sunt sedimentum & eneorema: sedimentum est in sanis crudior alimenti portio puri analogæ, alba; æqualis, vi caloris secreta, coacta & subsidens: at in ægris materiæ morbificæ portio, rubra sanguineæ, flava biliosæ, nigra melancholiæ, inæqualis & diuulsa: eneorematis eadem est materia, quæ sedimenti, & idem efficiens, minus tamen cocta, caloris debilis index, à quo non potuit de medio in fundum deturbari. Heterogenea sunt sanguis à venæ anastomosi, diabrosi aut diapedesi: pinguedo à calida renum intemperie aut totius corporis colliquatione: pus ab abscessu rupto aut vlcere renum aut vesicæ: arena à frigido causâ materiali & calido causâ efficiente: furfures à vesica scabiosa aut summo in sanguine ardore: caruncula ab vlcerosa renum intemperie. Causa quantitatis copiosæ à vini aut aquæ largâ portione, dyspepsia, diureticorum acrimonia, deiectionis & sudoris deriuatione petenda est: paucitatis verò ab excretionem criti-

ca aut symptomatice: nam criticè per sudores transcolatur ferū, aut per deiectiones deriuatur: symptomatice verò interdū vacua est vesica aut plena: vacua ob consumptionem extremam feri à calore præter naturam, aut propter obstructionem renum & meatuum vrinariorum ad vesicam: plena nec se exonerare potis eiusdem corpore refrigerato, aut collo tumefacto phlegmone, scyrrho &c. aut compresso à tumore vteri, longanoni, aut meatu conuiiente aut obstructo, conuiiente à siccitate, vt in causo, aut exulceratione parastatæ oleoso deficiente humore: meatu obstructo carne fungosa, callo, verruca, grumo, pure, pituita, calculo. Causa denique qualitatis petenda est ab alteratione & mixtione alieni: ab alteratione, nam coctione citrinus, vstione niger, cruditate albus color euadit: à mixtione verò alieni, chyli, videlicet, feri, puris, seminis, pituitæ & priuatione bilis vrina albescent, bile flaua flauescunt, atra nigrescent. Odor cruditatis & putredinis soboles est. Ex his omnibus signa petuntur, primoque à substantiæ consistentia & contentis: substantiæ consistentia tenuis & aquea cruditatis & obstructionis est soboles, atque in indicationibus principium morbi significat, in acutis delirium, in delirio mortem, in diuturnis abscessum sub diaphragmate: crassa humorum conturbationem, capitis dolorem vel adesse vel futurum. Contenta aut sunt homogenea aut heterogenea: homogenea positiue signant aut priuatiue: positiue diuturnos morbos aut acutos: nam diuturni sedimento multo soluntur, eneorema infirmam naturam arguit, nubecula magis adhuc debilem: priuatiue, quia morbi sunt pe-

riculosi, in quibus neque sedimentum, neque enema, neque nubecula apparet. Heterogenea, qualis pinguedo innatans vrinis à corporis colliquatione, funesta sunt: arenæ albæ in vesica, rubræ in renibus generantur. Secundò, signa petuntur ab vrinæ quantitate: nam copiosa sine causis manifestis morbus terminatur: pauca etiam sine causis manifestis mors in acutis portenditur, in diuturnis morbi longitudo. Tertiò à qualitate: nam colores siue per se sint, siue cum substantia, quemadmodum & odores, semper aliquid significat: per se velut inter colores extremos, albus, qui cruditatem, niger vstionem, & qui ad illum accedunt, viridis summum incendium, liuidus caloris extinctionem: medij citrinus, subaureus & flauus coctionem. Cum substantia extremi aut medij: extremi albus & niger: nam albus cum tenui substantia cruditatē, obstructionem, bilem aliò raptam significat, cum crassa cruditatis & pituitæ dominatum, morbi que longitudinem portendit: niger verò cum tenui substantia lethalis est, aut caloris vredinem eiusque extinctionem demonstrat: at cum crassa humoris criticus est melancholici. Medij autem, qualis ruber cum tenui substantia flammeus est, causeri indicat & hepaticum, tandemque, si perseverat. corporis interitum: cum crassa verò synochon & sanguinis phlogosia. Rufus idem penè, quod ruber, significat. Odores foetidi ubique cruditatis & putredinis sunt indices.

Sudoris differentie, quemadmodum in precedentibus, à substantia, quantitate & qualitate petuntur: nam substantia purus est aut impurus: purus, cuius con-

sistentia est mediocris (naturalis autem debet esse copiosus, generalis, calidus, rufus) impurus verò humore permiscetur viscido aut incinerato. Quantitate multus aut paucus (in quo genere est ephidrosis) generalis aut particularis est. Qualitate frigidus aut calidus, dulcis aut salsus, flauus, rufus, ruber, viridis, foetidus, odoratus, criticus aut symptomaticus. Differentiarum causæ petuntur primò à substantia, cuius consistentia tenuis à sero tenuiore & crudiore promanat, quemadmodum crassa à coctione aut humoris permixtione, viscida à colliquatione aut humore viscido, fiabilis ab humorum assatione aut incineratione. Secundò à quantitate, quia sudor copiosus fit à libera & geniali potione aut seri biliosi exhalatione. Tertiò, à qualitate, quia calidus à calore febrili, frigidus à caloris extinctione, foetidus ab humorum putredine: his adde symptomaticon, qui in principio morbi semper fit ab humorum morbificorum copia, aut virium exolutione. Signa, quæ ex his consequuntur, sunt huiusmodi: sudor frigidus aut in principio morbi superuenit aut in vigore, si in principio morbi longitudinem significat, si in vigore aut est syncopticus aut diaphoreticus: syncopticus virium exolutionem significat: diaphoreticus in acutis mortis prænuncius est, in mitioribus longitudinis morbi.

Crisimorum signorum differentia petuntur à motu materiae morbificæ, mouetur autem tripliciter natura, morbo & arte. Naturæ motus criticus est, fit que cum delectu materiae morbificæ pepasmi in tempore capacis, aut excretionis de loco. Morbi motus symptomaticus est sine delectu & pepasmo materie mor-

bificæ, aut loci affecti refocillatione: in motu critico
 fit *ἐκκρίσις* materiæ morbificæ, in symptomatico *σύνληξις*
 humoris benefici. Artificiosus ad imitationem naturæ
 instruitur, coctione artificiosa materiam præparans,
 præparatam è loco affecto medicamentis deturbans.
 Duobus posterioribus prætermiſſis ad motum criti-
 cum nostra reuertitur oratio: in critico igitur humo-
 rum pepasmus & excretio consideranda veniunt, pri-
 mòque pepasmusne tempore breui aut longo perfici-
 ciatur & in utròque tempùsne sit vniuersale princi-
 pium, incrementum, status & declinatio in morbis:
 aut particulare, qualis ephodus in diebus criticis, aut
 periodus in paroxysmis, quarù alia est typica alia non.
 Secundò excretionè fiat de loco publico an priuato,
 publico cuiusmodi est prima regio, in qua stoma-
 chus, lien, mesenterion, & venæ à porta: item secun-
 da è jecore & venis à caua deriuata: postremò tertia
 è toto corporis habitu constans. De loco priuato seu
 de parte affecta, de quibus paulo inferius, vbi de om-
 ni excretionè dicemus. Causæ critici motus sunt lunæ
 cum reliquis sideribus beneuola irradiatio: naturæ seu
 calidi innati efficientia: item materia eupeptos. Cau-
 sa verò symptomatici motus est morbi magnitudo,
 materiæ orgasmus, & caloris naturalis impotentia.
 Denique artificiosi motus causa est medicamēti cum
 calore naturali conspiratio, materiæque debita præ-
 paratio. Signa petuntur è præcedentium considera-
 tione in diebus indicatorijs & decretorijs: nam in in-
 dicatorijs futuræ crisis præludia in coctione fecum,
 vrinarum & sudoris apparent: item iisdem diebus
 ephidrosis, sanguinis è naribus stillæ, parum sputi co-

eti, urinae hypostasis cocta, levis, minimèque diuulsa diebus decretorijs futuramcrisin de nunciant. In diebus autem decretorijs, quæ corporis regio sit materia morbifica exoneranda ex ijs, quæ sequuntur, facile percipietur: nam si prima regio exoneranda est vomitu, præcedet labri inferioris motus, vertigo tenebri-cosa, visus deprauatio circa obiecta, viscerum conuulsio: si alui solutione, onera ventris, murmura intesti-norum, punctiones permeantes morbum breui iudi-candum fore prænunciant. Secunda regio exoneratur causa morbifica sanguinis profluuium aut urinarum effusione: sanguinis profluuium per hæmorrhagiam aut menstrua: hæmorrhagiam præcedunt viscerum conuulsio, splendoris in oculis obuersatio, item pul-sus magnus & vehemens: menstrua imminens men-strualis periodi terminus, urinae rubrae & ferè cruentæ. Tertia regio exoneratur sudoribus: sudores præcedunt cocta urinae sedimenta, quæ sublimius feruntur, item icterus criticus, urine fulvae, deiectiones pallidæ. Hac-tenus de excretionem critica è loco publico & ad tem-pus, satis superque compendiosa breuitate dixisse mihi videor: nunc qualis sit è loco priuato & ad speciem morbi, quisve eius finis & exitus, videndum.

De excretionibus. Cap. VIII.

EXCRETIONIS materiae morbificae ad speciem morbi & de loco priuato duplex est genus eccrasis & metastasis: in eccrasi cocta est materia, in metastasi verò coctionis contumax. Eccrasis igitur perficitur deriuatione per loca naturæ commoda, siue humor sit catar-rhops siue anarrhops: quemadmodum metastasis reuulsione per loca incommoda siue humor intrò vel

extrà se conuertat. Materia autem morbifica deriuatur in eccrifi per primam corporis regionem, si fuerit anarrhops oris expulsione, vomitu sc. aut spuito: vomitu bilioso, quo cauæ iecoris partes exonerantur, febris ardens & tertiana iudicantur, quemadmodum pituitoso quotidiana. Sputis thorax & pulmones expediuntur, pleuritis curatur. Si materia fuerit catarrhops, alui solutione biliosa deiicietur, è bile flaua hepatis cauæ partes exonerabuntur, febris ardens & tertiana curabuntur, è bile verò atra quartana soluetur. Solutione autem alui pituitosa quotidiana cessat, biliosa & pituitosa simul hæmitriteos, lethargus, reliquique similes corporis affectus discedunt. Deriuatur etiam materia morbifica in eccrifi per secundam corporis regionem si fuerit anarrhops hæmorrhagia, qua caulos, phrenitis, & aliquando pleuritis, item lienis & hepatis & reliquæ sub præcordijs inflammationes soluuntur, à dextra quidem nare *καὶ ἐν* *πατιν*te iecore, è sinistra liene cum locis vicinis. Si autem humor fuerit catarrhops menstruis, hæmorrhoidibus & vrinis viscera liberabit: menstruis, iecur, lienem, vterum, fædi virginum colores febresque symptomaticas: hæmorrhoidibus quartanas reliquosque lienis affectus: vrinis copiosis iecoris conuexas partes, loca renibus & vesicæ propinqua. Eadem quoque materia deriuatur in eccrifi per tertiam corporis regionem sudore, ictero, & horrore: nam sudoribus multis & calidis ex vniuerso corpore diffluentibus omnes febres in genere iudicantur, ictero & horrore summo continuæ. Hætenus de eccrifi, nunc de metastasi.

Metastasis materiæ morbificæ fit reuulsione eiusdem

dem per loca incommoda siue humor intro vel extra se conuertat: extra conuersus ἐπιφανής est, sicut intro κρυπτός: epiphanes rursus aut calidus est aut frigidus: calidus per anaclisin fertur ponè aures sicut parotides à sanguine, aut ad cutem, velut icterus & erysipelas à bile. Frigidus per cataclisin in virtute debili ad adenas, circa alas & inguina, vbi bubones febri epiginomeni, cæteraque ἀποσκέμματα in virtute forti ad articulos femoris, tibiæ, pedum, humeri, brachij, manus, vnde chiragra, & pedis, vnde podagra. Intro conuersus humor cryptos est, in quo genere sunt ἀποστήματα nouum à crisi morbi genus, periculosum, iterumque iudicandum tanquam acutum. Excernitur autem huius materia purulenta per vrinas aut deiectiones è natura loci & partis affectæ. His omnibus communis est palindrome, anadrome, anastrophe à fronte & à tergo, sursum deorsum, à dextris à sinistris.

Qua de causâ omnis excretionis motus secundum terminum à quo & ad quem, excreti ideam, & quantitatem perpendendus est: sanguinis autem in primis (qui proptiè hæmorrhagia) fertur è naribus aut palato: è naribus per venas iugulares, nam dextra in dextrum, sinistra in sinistrum durioris membranæ sinum sanguinem effundunt. Ex horum sinuum syndrome tertius enascitur, qui per futuræ sagittalis longitudinem excurrens ad narium extrema fertur. Ab hoc venæ quam plurimæ, item venæ carotides, per quas hæmorrhagia, diuaricantur. Per palatum autem excernitur diapedesi in os & fauces. Secundò, sanguis excernitur è thorace illic profluens per venas azygos, mammarias & intercostales in pleuritide: è pulmone

pervenam arteriosam in phthisi: è faucibus & larynge per ramulos à iugularibus & carotidibus ortos. Terziò, vomitu in ventriculum profluens per supremum ramum splenicum, aut è iecore per venam portam, aut è liene per breuem venam à summo propeliem ramo ad ventriculi fundum pertinentem. Quartiò, deiectione cruenta aut hæmorrhoidali: cruenta è iecore per venas mesaraicas in intestina, aut diapedesi à ventriculo deorsum: idem esto iudiciùm de liene quod de iecore. Hæmorrhoidali interna, è ramo splenico venæ portæ per mesenterium circa colon & intestinum rectum extensa, terminataque in musculis ani & intestino interiore, cui occurrit circa lumbos arteria: hac lien & prima corporis regio cacochymia liberantur. Hæmorrhoidali externa vterius ad cutim vsque è vena caua triplici diuarcatione cum suis arterijs pertinente: hac hepar totaque secunda corporis regio plethora exoneratur. Quartiò, mistu critico aut symptomatico: critico per hæmorrhoidas è cauæ ramo crurali siue iliaco excurrente in vesicam, pudendum & vterum: symptomatico, si modicè fluat, ex vteris, si verò largè, è renibus aut è musculis vesicatorijs, è renibus fluens vrinæ miscetur, è musculis matulæ fundo grumescit. Quintiò, menstruis ex vtero per crurales in ceruicem vteri: per cotyledones in fœtus vmbilicium. Postremò mulsione è papillis per cõsensum mammarum cum vtero. Lac educitur per papillas, vterum & vesicã, quod prius mammæ è mammaria vena attrahentes in candorem verterunt: nam mamme nutriuntur sanguine, qui per thoracicam accedit non per mammariam. Puris deriuatio est occul-

ta, quæ è corporis habitu, thorace, pulmone, corde, hepate in vesicam profluit: manifesta è renibus, vtrete, vesica & pene. Immixtum vrinæ & grauiter olens vesicæ vlcerationem significat: mixtum æqualiter nec olens pulmonum suppurationem: inæqualiter, remissè olens renum vitium. Aquæ deriuatio manifestè ab hepatis caua per venas mesaraicas in intestina, à gibba per emulgentem in vesicam: à liene per venas omento disseminatas in intestina, per arterias in vesicam. Occultè ab abdomine in intestina & vesicam: à regione secunda in pectus & pedes: à tertia per anastomosin in habitum, vnde anasarca.

Excreti autem sanguinis, lactis, puris, aut aquæ idea non parum ad effecti loci cognitionem conducit ratione contentorum, non secus ac venæ aut arteriæ, ventriculi, vesicæ, & vteri ratione continentium: quapropter in primis idea excreti aut motio peruestiganda est, cuius rei proponitur sanguis in exemplū: nam è cerebro illapsus sine spuma est: è thorace emergens paucus, niger, grumosus cum tussi & dolore, vnde pleuritis: è pulmone spumofus, purpureus, multus, sine dolore, sed cum tussi. In phthisi & peripneumonia mittendus sanguis, in pleuritide cautè, ne frangantur vires: è faucibus & larynge paucus, syncerus, cum tussi & dolore. E ventriculo non prodit conglomeratus. In suppressione mensium fertur è naribus cum thrombis, vt in deiectione cruenta. Motio excreti aut est substantiæ, qualis hæmatosis, aut quantitatis sicut plethora, aut qualitatis sicut metaprosis vnius humoris in alium, aut denique ad locum, in quo genere est metastasis, palindrome, diadosis. Continentium affectio-

nes sint diabrosis, anastomosis & diapedesis: item consensus generis similitudine, operis societate, vasorum cōmunionē: sic fœtus alligatur cotyledone vmbilico, cotyledon vtero, vterus venis epigastrij, venæ epigastrij mamillaribus, mamillares rursus papillis, è quibus infans recens natus lac proleat.

Excretorum quantitas aut est moderata aut immoderata, cuius rei proponitur menstruum in exemplum. Menstruum igitur aut moderatè excernitur aut retinetur: excernitur ante conceptionem purgationis gratia, post conceptionem non tam excernitur, quàm in aliàm naturam se transfert, dum primò in typosin embryi feminei per xxxv. masculi per xxxv. dies se transformat, reliquum tempus in alimentum. Ante conceptionem fluxus & copia sunt spectanda: fluxus periodicus menstruorum est xxviii. paroxifmus mulierosissimis vij. mediocribus v. viraginibus iij. dierum: copia ad heminas duas atticæ, id est, ad libras ij. ferè per crurales ad cervicem vteri excernitur. Retinentur autem pro masculo, auctore Hippocrate, sanguinis libræ xxij. pro femella xxx. per cotyledones in fœtus vnbilicum transfusæ, cuius rei fidem faciet, qui lancibus infantē recens natū cum aquis & lochiis appendet. Immoderata excretio aut est diminuta, deprauata, aut abolita: diminuitur venarum angustia & obstructione, item sanguinis crassitie & frigore: deprauatur è modo fluendi & tempore: è modo, quia guttatim vel ἀποσπῶς, ab hoc cachexia, hydrops, paralysis, è tempore, quia citiùs vel tardiùs præfinita periodo: aboletur aut ad tempus aut ad speciem morbi, ad tempus, si tres ad minùs aut sex longiùs menses

menstrua defecerint, ad speciem morbi, si menstrua vtero hēreant, fit febris, phlegmone, erysipelas, scyrrhus. Si transferantur in caput mania & apoplexia: si in thoracē pleuritis, peripneumonia, phthisis, angina: in crura, pedes, & coxas, emphysema: in habitum, anasarca. Idem iudicium esto de hæmorrhoidibus. Causæ maximè omnium efficientes tam multiplicis hæmorrhagiæ, de qua superius, sunt spiritus naturales, inde plethora à suppressis mensibus, hæmorrhoidibus, membri mutilatione, iecoris imbecillitate, renum potentia, vasorum amplitudine, calculi attritu. Finis siue vsus ad salutem aut ad mortem.

De Remediis. Cap. IX.

REMEDIORVM legitima administratio therapeutice nominatur, cuius partes sunt scopi & instrumenta. Scopus autem perficitur contrariorum vsu in morbis, & similium in sanitate. Contrariorum vsu tollitur causa morbifica, similium verò sanitas conseruatur, unde non immeritò Hippocrates definiuit medicinam ablationem & adiectionem ad therapeutice[m] prospiciens. Ablatio fit remotione causæ euidentis & educatione causæ abditæ: remouetur autem causa euidentis abstinentia & cautione: abstinentia est aëris pestilentis, cibi cocochymi, aquarum corruptarum, somni & vigiliarum immodicarum, otij & laboris immodici, excretorum, retetorum, & perturbationum in modo peccantium. Cautio verò est in occurssu fortuitorum, telorum, ferarū, ruine, precipitij, veneni. Educitur causa abditā antecedens phlebotomia in plethora, purgatione in cacochymia: causa verò abditā coniuncta partis corroboratione, quæ intemperiem aut corru-

ptionem aut aliud huiusmodi senserit. Adiectio fit ad-
mouendo causas sanitatis effectrices aëra bonum, ali-
mentum eupeptum, aut euchyimum & cæterās res nō
naturales vsu & experientia comprobatas, ad quam
rem comparandam non inutilis erit naturæ idoneo-
rum electio. Item inducendo pro plethora humo-
rum mediocritatem, pro cacochoymia eorumdem bo-
nitatem, in parte temperiem, in toto sanitatem. Hæc
de scopis in genere.

Instrumenta autem sunt triplicia diæta, chirurgia
& medicamentum: diæta rursus triplex *φάυλη, ὑποφάυλη,*
ἀκριβής. *Φάυλη* est quælibet facilis ac vulgaris nec ma-
gni negotij diæta, simplex, sūsq̃ue déque habita, quæ
modo falsis vel insipidis, modo assis vel elixis vtitur:
aut cum modò saturi aut semisaturi. *Ἐ* mensa aut ad
mensam recedimus aut nos recipimus. *Υποφάυλη* siue
μετῆ in media inter accuratam & vulgarem, quæ ptisa-
na, oleribus, piscibus, cucurbitula, & obsoniis liquidis
constat, non valida naturâ sed vulgaris, attamen cum
delectu, vt si tantum bis in die cibum capiamus, si se-
misaturi de mensâ discedamus. *Ακριβής* seu *σκέλε* de-
betur acutis, cuius triplex est genus: primum, tenuis
simpliciter, quæ debetur illis morbis qui in decimum
quartum diem, vel etiam illis, qui ad quadagesimum
ὁ μεταπώσιος appellati, excurrunt, ptisana his integra
dicata est. Secundum genus, magis tenuis, præscribi-
tur illis, qui septimo die suam absoluunt historiam.
Hæc vtitur melicrato, oximelite & succo ptisanæ. Ter-
tium genus, exquisitè tenuis, debetur his morbis, qui
quarto die finiuntur, & quibus omninò abstinendum
est à quocunque cibo & potu. Alterum therapeutices

instrumentum versatur in manuum operatione, quæ modo disiunctas partes contra conuenientem naturæ statum adducit, modò coniunctas diuidit, modò res noxias in corpus immittas aut genitas extrahit. Postremum medicamentum est simplex aut compositum: ad simplex pertinent, quæcunque in hac elementari regione continentur: ad compositum, quæcunque chymiâ & pharmacia perficiuntur, quibus postremis supersedeo ne in immensum crescat oratio.

De Methodo Hippocratica. Cap. X.

ARISTOTELES septimo Topicorum, post Platonem in Sophista, scribit, vnum esse è principiis humanæ sapientiæ rerum dissimilium similitudines & similitum dissimilitudines cognoscere: cognoscuntur autem arte & Methodo distributiva, quam rursus ipse Plato in Philebo scripsit esse donum Deorum, vnâ cum Promethei lucidissimo igne in terra demissum. Vnde cum tres sint præcipua rationis instrumenta definitio, diuisio & syllogismus, his omnibus antecellere diuisionem non est dubium, sine ea etenim nec genus nec differentia statim, quibus opus est ad definitionem moralem, in mentem veniunt: neque etiam materia & forma, per quas physici res naturales definire solent. Cum autem propositiones: quarum structura constat syllogismus, sint aliæ *κατα τὴν φύσιν*, aliæ *κατὰ διάνοιαν*, nec aliunde cognosci possint post simplicem rerum apprehensionem, quàm diuisione singularum à confuso genere, vt aliquid certi, similia similibus, dissimilia dissimilibus & similia dissimilibus comparando, coniungendo & separando concludamus. Pari ratione neque Methodus sine distributione constare po-

est siue per *καταβάσιν* feramur à genere ad species, à speciebus ad res singulas, aut à toto ad partes, à partibus ad elemēta cæteraque sensibus abstrusiora, siue rursus per *ἀνάβασιν* ascendamus à rebus singulis ad species, à speciebus ad genus, siue ab elementis ad partes, à partibus ad totū. Vt autē ista exemplo illustrētur, sit nobis proposita ea animi perturbatio, quā iram ex simplici eius apprehensione vocamus, velimusque eā definire: primò, genere opus est aut materia: secundò, differentia aut forma, quæ non aliunde petūtur, quàm ex quarto ordine qualitatum, cuius sanè sunt perturbationes animi, dicemusque iram esse perturbationem animi: at quia plures sunt perturbationes animi, propriam iræ distinguemus ab alijs, si addamus cum libidine vlciscēdi. Similique modo medicus loco pro materia, & contēto pro forma, iram definiet, si dixerit eam esse in corde sanguinis efferuescentiam, quæ definitio parum recedit ab ea, quæ de febre solet efferri synocho appellata, nisi quod ira furor brevis est, facile spiritus incendens, vnde ephemera, ab ephemera synochos, à synocho hectica per causarū & morborū metaptosin. Pari ratione si effatū illud, ira debet parere rationi, velimus ex præceptis moralibus concludere, à distributione appetitū inueniemus medium: nam cum sint duo appetituum summa genere rationale & brutale ex utroque composito hanc eruemus propositionem: omnis appetitus brutalis debet parere rationali; ira est appetitus brutalis, ergo ira debet parere rationi. Rursus si effatum illud, ira est effectrix morborū, velimus ex præceptis physicis concludere, à distributione affectuum inueniemus medium: nam cum sint duo affectuum

affectuum cordis summa genera lene & violentum, altero seiuncto hanc eruemus propositionem: quicquid violenter cor afficit, est efficiens morbi: ira violenter cor afficit: ergo ira est effectrix morbi. Minor non indiget probatione, quia sensibus confirmata, qui nisi sint veri, ut inquit Lucretius, ratio quoque falsa sit omnis. Quare cum ratiocinandi via ex distributione pendeat, non mirum videri debet, hanc ex sententia Platonis donum Deorum esse, eiusque gratia Aristotelem suos libros de demonstratione analyticos appellasse. Eo quoque animo Hippocratem fuisse in simplici rerum appræhensione certum est, exactaque rerum distinctione singula in suas classes digessisse, ut demonstro, ex quibus velut præmissis aphorismos concluderit.

Quare Aphorismorum ordo ea conscriptus est methodo, & si prima fronte lectorem fugiat, quam nemo alius verbosæ orationis philosophos in tam multiplici rerum explicatione & dispositione posset assequi: tantum abest, ut nulla sit methodus ab Hippocrate observata, dum Summam medicinæ in Epitomen contraheret, quum & pro simplici, quam tantopere efflagitant, quintuplicem illis subiecta synopsi demonstramus mirabili causarum, morborum, signorum, excretionum & remediorum consecutione, è quibus, velut locis, singulas sectiones ita disposuit & contemperavit, ut nulla sit, quæ non causæ morbi, signi, excreti & remedij aliàs aliter sine molestia rerum repetitione doctrinam contineat.

Quoniam verò finis theoriæ est cognitio, praxeos verò cognitionis executio, parum videbatur Hippo-

crati, si post tam multiplicem rerum cognitionem ille curandi morbi methodum non instituisset, idcōque qua ratione id faciendum quinque in locis docet, quorum primus est in prima sectione pro acutis: secundus in secunda ab aphorismo xxviii. ad finem eiusdem pro morbis è decidentia: tertius à principio quartæ vsque ad xx. pro morbis dubiis: quartus ab aphorismo 64. quintæ ad finem vsque pro locis affectis: postremus ab aphorismo 59. ad finem vsque septimæ pro affectibus epiginomenis, qui licet quintuplicem methodum instituerit pro ratione diuersorum affectuum, nihil tamen supra Epitomes breuitatem repetit, nihil etiam eorum, quæ ad generalem rerum cognitionem pertinent prætermisit: quamuis aliàs aliter sit visum nonnullis, qui aphorismos tanquam folia Sybillæ mandatos, multisque in locis imprudenter repetitos, cuiusmodi secundum primæ sectionis cum ultimo affirmant: item vndecimum cum decimo nono eiusdem: rursus primum quartæ sectionis cum vigesimo nono quintæ. Sed quod ad primam abiectionem attinet, Hippocrates nihil aliud significare voluit, quàm debitam præmissorum aphorismorum conclusionem in hunc modum: si medici ministerium instituatur ad naturæ imitationem, quæ cruda coquit, cocta excernit, conferet corpori sanitatem, sin minus cōtrà: Atqui à secundò aph. ad vltimū vsque docetur, quibus modis ad naturæ imitationem medici ministerium instituatur, vt cruda coquantur, cocta excernantur: Ergo si qualia purgari debent, purgentur, conferet, sin minus contrà. Præterea non est eadem ratio vndecimi cum decimo nono: nam cum

fit duplex periodus, siue circuitus, vna morbi, in qua causa morifica conatur naturam, symptomaton ingruente violentia obtrudere, quæ vocatur Paroxysmus: altera in qua natura nititur morbum superare, ad id conspirante auxiliari medicorum manu, quæ vocatur Ephodus, nec liceat in paroxysmis obsessam naturam à suis defensione, nec in Ephodis ab expugnatione, quam contra morbum instituit, ad ciborum coctionem reuocare, non mirum videri debet, si Hippocrates duplicis periodi alteram partem in vndecimo, alteram in decimo nono rejecerit, ita postulante rerum & verborum serie: idem planè iudicandum de primo aphor. quartæ sect. & vigesimi octauæ quintæ: in quarta enim eo vsus est tanquam familiari exemplo cautionis, quam debet habere medicus in quauis personarum conditione, in quinta verò eo vsus est è re nato, vt suis locis videbitur, atque ita in ceteris repetitis intelligetur.

Itaque Hippocrates medicinam ablationem vel adiectionem definiens, nomine ablationis causam & morbum, quæ è corpore cedunt excretionem, & indicantur signis: additionis autem remedia ad triplicis substantiæ conseruationem aut reparationem intellexit, atque ita mutuis nexibus colligauit, vt nulla sit sectio, in qua causæ, morbi, signi, excretionis & remedij non eluceat tacitè vel expressè tam præclara per ordines dispositio, vt vnum sine altero vix sciungi potuisse dicere queas. Ne autem vanis rerum ambagibus videamur propositum confecisse negotium, sequentem synopsis ereximus, in qua quintuplici rerum & verborum disquisitione generalè medendi methodum

ab Hippocrate obseruatam omnibus tamēn retro fa-
culis inauditam demonstramus, eamque per singulos
aphorismos rimando ad Hippocratis & Galeni, cete-
rorumque post Hippocratē & Galenum principum
medicorum mentem peruenimus, qui methodi
huius licet inscij, scitē tamen hanc naturā du-
ce in commentarijs suis indicarunt,
ne nos credas sine auctoribus
Hippocratem inuitum ad
sensum nostrum
perduxisse.

(.)

SYNOPSIS ENARRATIONIS,
*quæ tanquam regula Polycleti septem aphorismorum
 sectionibus accommodatur, atque ē rerum varietate sin-
 gularum argumenta multipliciter oculis subiicit, nam:*

			Vigentem morbum inducit praua victus ratione. <i>sectione I.</i>
		Dietæ	Superatum reciduum facit materia succrescente aut superstite morbifica. <i>sect. II.</i>
	Procatartica vitio	Spiritus	in quo mutationes temporum & ætatum crisin promouent, aut interturbant, aut novos morbos procreant. <i>sect. III.</i>
Efficiens		Antecedens	humorum ametria, plethora, inanitio, caco-chymia genesis, <i>sect. IV.</i>
	Inter-na	Coniuncta	effusio caco-chymia aut plethoræ ad aliquod membrum diadosi, metastasi, palindrome, cohibitione eiusdem in parte, quam occupauit, unde partis robur aut infirmitas spectatur. <i>sect. V.</i>
Causa		Partium	intemperies, formæ corruptio, materiae ametria. <i>sect. VI.</i>
	Finalis	Functionum	læsio, excrementorum immoderatio, simplices corporis affectus. <i>sect. VII.</i>

Morbus	Acutus qui distingu- tur ra- tione	Status	In humore, in biliosos aut sanguineos, qualis vtraque synochus, caufus, &c.	
			In parte, in phlegmonen aut erysipelas, qualis pleuritis, phrenitis, peripneumonia, lethargus, &c. <i>sect. I.</i>	
		Decidētia	In superstita materia ab imperfecta crisi, ita ephemera degenerat in synochon, synochos in hecticen: pleuritis in tabem: apoplexia in paralyfin.	
	Dubius qui distingu- tur ra- tione		In succrescente materia, qualis recidiuus morbus, &c. <i>sect. II.</i>	
			Temporum & ætatum, in acutum, longum, & mixtum. <i>sect. III.</i>	
			Humorum, in febres continuas, intermittentes, confusas aut implicitas. <i>sect. IV.</i>	
Epigynomenus, qui distinguitur ratione			Partium, in similem, organicum & communem. <i>sect. V.</i>	
			Causæ superuenientis vitio dietæ aut aëris, qualis intemperies frigida cerebri, ex intemperie læsio facultatis concoctricis & excreticis, ex vtriusque læsione catarrhus. <i>sect. VI.</i>	
			Effectus superuenientis vitio retenti, qualis epilepsia a catarrho obstruente interiores ventriculos cerebri, aut vitio excreti, quale asthma catarrho illapsa in pulmones. <i>sect. VII.</i>	

Si-
gnū

- In Perfecta excretionē, Euphoria. *sect. I.*
- Crisimū { In imperfecta, Dyphoria. *sect. II.*
- { Vtriusque promotio aut remoratio
temporum & ætatum conductione. *sect. III.*
- Pepticū. { Quale obseruatur in fecibus, vrina, &
sudore secundum substantiam, quan-
titatē, qualitatem & tempus. *se. IV.*
- { Quale obseruatur in sputo, pure, mē-
struo, hæmorrhoidē, & aliis excre-
tis, quatenus partis continentis affe-
ctum indicant. *sect. V.*
- Sphygmicum frigidè excoluit Hippocrates, pro
quo substituenda sunt signa pathognomonica
à priori & posteriori. A priori, siue à causa ad
morbum, siue à morbo ad symptoma progre-
dimur. *sect. VI.*
- Contrà, à posteriori, videlicet, à symptomate ad
morbum & à morbo ad causas. *sect. VII.*

Ex- cretio	Critica	Perfecta, in qua vi naturę materia mor- bifica excernitur secundum tempus & speciem morbi. <i>sect. I.</i>
		Imperfecta, in qua materia morbifica superstes est, aut prauo succrescit vi- ctu. <i>sect. II.</i>
		Opportunitas temporis anni & æta- tum ad promotionem aut detrimen- tum crīsum. <i>sect. III.</i>
	Artifi- ciosa	Vniuersalis, quę ad naturalis seu critice imitationem & ad symptomaticę cautionem refertur, & quę causam antecedentem tollit è publica cor- poris regione. <i>sect. IV.</i>
		Particularis, quę eccrisin imitatur cau- sam coniunctam è singulis corporis humani partibus arte remouendo. <i>sect. V.</i>
	Sym- ptoma- tica	Causę antecedentis, quando euacuan- tur, quę euacuari non debent, cruda pro coctis, anarrhopa pro catarrho- pis, foras vel intro, per loca incom- moda & contrā. <i>sect. VI.</i>
		Causę coniunctę, quando pars affecta humoris morbifici naturam induta corrumpitur, corruptionemq; fluore syncretico testatur. <i>sect. VII.</i>

Remedium.

- | | | |
|--------------------|--|---|
| Dieta | Absumendo inedia materiam mor-
bificam vigente adhuc morbo, & quæ
sint inediæ conditiones. <i>sect. I.</i> | |
| | Reficiendo vires ægri morbo iam su-
perato, & quæ sint refectionis le-
ges. <i>sect. II.</i> | |
| | Opportunitas inediæ & renutritionis
secundum tempora anni & ætates
ægri. <i>sect. III.</i> | |
| Re-
me-
dium | Phar-
macia | Educendo causam antecedentem pur-
gatione ad exemplum excretio-
nis naturalis, vbi de cautione in
omni excretionem symptomatica.
<i>sect. IV.</i> |
| | | Digerendo & resoluendo causam
coniunctam, vbi de topicorum
vfu. <i>sect. V.</i> |
| | | Reuellendo materiam mor-
bificam indicatione sumpta à priori, id est,
à motu causæ antecedentis ad locum
affectum. <i>sect. VI.</i> |
| Chirur-
gia. | Deriuando indicatione sumpta à po-
steriori, id est, à coniunctione ma-
teriæ morbigicæ in parte affecta.
<i>sect. VII.</i> | |





*METHODI HIPPOCRATICÆ
E REGVLÆ POLYCLETÆ AD LESBIAM
Rekursus in quo præcedentis Synopses res distinctæ
per capita in singularum sectionum argumentis mira-
bili ordine permixtæ iam deliteſcunt.*

IN prima, agit Hippocrates de cauſa efficiēti procatartica vitio dietæ, quæ antecedentem in humores & coniūctam in partes inducit, vnde morbi acuti, ſynochos, pleuritis &c. ad quos criſis propriè reſertur, cuius finis & expectatio eſt euphoria, ſi perfectè & vi naturæ materia morbiſica excernatur ſecundum tempus & ſpeciem morbi. Quare remedia maximè debent à diætâ inſtitui, cum inediâ partim materia morbiſica abſumatur, partim etiam coquat̃ur ad facilitiorem naturæ efficiētiā.

In ſecunda de materia morbiſica ſuperſtite aut ſucceſcente & de degeneratiōe eius, vnde morbi decidentia & recidiui, quorum imperfectam criſim teſtatur dyſphoria & virium exolutio. Reſciciendæ ſunt igitur vires certis legibus, quas hîc Hippocrates commemorat.

In tertia de causis procatarcticis à vitio spiritus, item ab ætatum & temporum conditione, quæ crisin promouent aut interturbât in acutis, quorû est crisis, & in longis, quorum est lysis, aut ex vtrisque mixtis. Opportunitas igitur inediæ & renutritionis captanda est à tempore anni & ætate ægri, tam in morbis longis quàm mixtis aut acutis.

In quarta agit de causa antecedente plethora, videlicet, & cacochymia humorum, vnde febres continuæ, intermittentes, cõfusæ aut implicitaë oriuntur: humorum autem cacochymia obseruatur in fecum, vrinæ, sudoris cæterarumque excretionum cruditate aut coctione, quibus debetur vniuersalis purgatio ad imitationem naturæ, & cautionem symptomaticæ secundum ægri vires & magnitudinem morbi.

In quinta, de causa coniuncta, effusione scilicet cacochymiaë aut plethoræ ad aliquod membrum diadosi, metastasi, palindrome, cohibitione eiusdem in parte quâ occupauit, vnde triplex morbi genus emergit, partis similis, organicæ & communis: partis autem robur aut infirmitas spectatur in coctione aut cruditate excreti particularis, sputi, puris, feri, menstrui, hæmorrhoidis, quatenus vitium partis affectû detegunt. Excernitur autem artificiosa molitione ad exemplû naturalis eccriseos composita: tum etiam medicamentis apposis ad digerendam aut resoluendam causam coniunctam.

In sexta de causa finali, videlicet, symptomate epiginomeno, ratione causæ, morbo aut alteri symptomati: quando facultas aliqua læsa excernit cruda pro coctis, anarrhopa pro catarrhopis, foras vel intro per

metastasin ad loca incommoda. In quibus reuulsio
materiæ morbificæ requiritur indicatione sumpta à
priori, id est à motu causæ antecedentis, purgatione,
& sanguinis missione.

In septima rursus de causâ finali videlicet sympto-
mate epiginomeno ratione effectus morbo aut alteri
symptomati: quando facultas aliqua potens excernit
causam coniunctam per loca commoda, vt iecur, cor
& cerebrum per sua emunctoria inguina, alas, pone
aures &c. ad loca commoda, in quibus deriu-
tio causæ coniunctæ requiritur indicatione

sumpta à posteriori, id est, à termino

causæ antecedentis, medica-

mento, igne, ferro, &c.

&c.

DE UTILITATE DEMONSTRATÆ

methodi eiusque fine.

VTilitas autem quam ex obseruata ab Hippocrate
methodo medicinæ studiosi capiēt tā multiplex
est, vt longis commentariorum ambagibus non sit in
posterū opus: nā vnico synopses intuitu mirabilis do-
ctrinæ Hippocraticæ facies emergēs tenebras ex animo
discutiet, atque multiplici rerum intelligētia mentē il-
lustrabit siue genus & differētia ad definiēdū, siue rerū
distributio per dichotomiā ad diuidendum, siue ea-
rumdem connexio ad ratiocinandum, requirantur.

His adde, quod non secus ac illi, qui totius mundi exemplar circumferunt tutius nauigant, ita studiosi tuto, citò & iucundè per amplissimū medicinæ Oceanum nauigabunt, qui eius exemplar in paucas chartas ab Hippocrate contractum, & à nobis Lesbïæ regulæ restitutum, artificiosisque variegatum coloribus circumferent: his etiam adde quod delineata synopsis singula ad suum genus referens cœca reget mentis tenui vestigia filo, eaque ratione memoria erit ad capiendum expeditior, recordatio ad explicandum dexterior, aphorismorum auctoritas in ore frequentior, quorum crebra citatio ita antiquis medicos commēdabat, ut pro ignaro haberetur, qui non singulis rationibus aphorismum accommo daret. Rursus quia nullus ferè est aphorismus, qui non referri possit aut ad causam morbificam aut ad morbi aliquot genus, item signi, excretionis & remedij, quotiescumque inter legendum occurreret difficultas aliqua, non alienum erit ab Instituto, si numerum aphorismi numero synopsis accommodet, tanquam Lesbïæ regulæ, ibique rimetur ad quodnam genus prædictorum capitulum referri possit, deinde translato genere ad caput congenue præcedentis enarrationis, tanquam ad Polycleti normam, veram aphorismi intelligentiam percipiat.

SYNOPSIS
METHODI
DOCTRINAE
HIPPOCRATICÆ

IN PRIMAM
SECTIONEM APHO-
RISMORVM.

*MORBIS ACUTIS VIGENTIBVS QVID
agendum? materia morbigica est auferenda.*

Proœmium operis siue exhortatio vt diligentiam, iudicium & experientiam adhibeamus. 1.

In or- gafmo	<p>Cacochymiz artificiofa purgatione ad exemplum criticae proinde theorema imitationis, siue decifio controuerfiz antiquorum inter humorum ecctifin & syntexin per Euphoriam & Dysphoriam. 2.</p> <p>Pleithoræ sanguinis miffione. Proinde præceptum cautionis in partium solidarum euexia & cachexia. 3.</p>
Quo- modo?	<p>Ante diem decretorium, vide fequentem fynopfim aphorifmorum, 4. 5. 6. 7. 8. 9. 10. 11. 12. 13. 14. 15. 16. 17. 18. quam in Typographi commoditatem infra rejecimus. Vide *</p>
In pe- palmo.	<p>In fieri alimen- torũ sub- ductio- ne.</p> <p>In die decretorio, & indicatorio, id eft, in ephodis. Per vndecimum non eft reuocandus calor à pepafmo ad pepfin in die Paroxifmi: per præfentem vero neque à pepafmo ad pepfin, neque ab excretionẽ critica ad artificiofam. 19.</p>
	<p>In facto, critica excretionẽ. Vide α</p>

Genus nam triplex est, facilis, mediocris & exacta.

Dietæ

Mo-
dum

Compa-
ratione

Dietarum cum morbis, 4.
Dietarum inter se, 5.

Correctio præcedentis comparationis. 6.

Remedium, sic aliquando utilis erit diætâ quàm tenuissima,
pharmacia fortis, crudelis chirurgia. 6.

Nutri-
di diffi-
cultas
secun-
dum

Genus, sunt enim quinque præcipui, phrenitis, pleu-
ritis, peripneumonia, causos, synochos.

Morbi

Mag.
ex intē.
& re-
missi.

Per sua
tempo-
ra, ubi.

Tec-
maris
nutri-
tionis.

A morbi magnitudine: In
principio. 7. vigore. 8.

Ab ægri viribus. 9.

Adscriptio graduum diætæ gradib⁹
morbi. 10.

In paroxysmis morbi. 11.

per suos
circui-
tus.

Paroxysmorum & status morbi in-
dicia 12.

Per æ-
tates.

Singulas. 13.

Ratio superioris. 14.

Vires

Per anni tempora. 15.

Ægri.

Cōsue-
tudinē

In cibi

Qualitate, cuiusmodi febricitatibus
esse debet, frigidus, humidus, im-
becilliss, sitis expers, coctus facil. 16.


Frequentia per sanitatē aut morbu.
17.

Copia 18.

In reliquis rebus non naturalibus. &c.


* Ante diem Decretorum.

Nutri-
di op-
portun-
itas
secun-
dum



APHORISMORVM HIPPOCRATIS

SECTIO PRIMA.

1  Ita brevis, ars longa, occasio præceps, experimentum periculosum, iudicium difficile: Nec solum seipsum præstare oportet opportuna facientem, sed & agrum, & præsentem, & exteriora.

2 In turbationibus ventris, & vomitionibus sponte factis, si quidem talia purgentur, qualia purgari oportet, confert, & leuiter egriferunt: sin minus, contrà. Sic verò & vasorum inanitio, si quidem fiat, qualis fieri debet, confert, & bene tolerant: sin minus, contrà. Inspicienda itaque est regio, & tempus, & ætas & morbi, in quibus conueniat, aut non.

3 Habitus athletarum, qui ad summum bonitatis attingunt, periculosi, si in extremo constiterint, neque enim possunt in eodem permanere, neque quiescere. Cum verò non quiescant, neque possint proficere in melius, reliquum est, ut recidant in deterius. His ergo de causis pleniorẽ habitum statim soluere expedit, ut corpus rursus nutriri incipiat: neque vasorum confidentiæ ad extremum ducendæ (periculosum enim) sed qualis natura fuerit eius, qui perferet, ad hoc ducere conuenit. Sic & vacuationes quæ ad extremum deducunt, periculosæ: & rursus refectiones, cum extremæ fuerint, periculosæ.

4 Victus tenuis atque exquisitus, in morbis quidem longis semper, in acutis verò, ubi non conuenit, periculosus. Et rursus qui ad extremum deuenit tenuitatis, grauis est.

Nam & repletiones ad extremum progressæ, graues sunt.

5 In tenui victu agri delinquant: quò sit ut magis laedantur. Quicunque enim error committitur, maior in tenui sit, quam in paulò pleniore victu: propterea etiam sanis periculosus est valde tenuis & status ac exquisitus victus: quoniam errores grauius ferunt. Ob hoc igitur tenuis victus & exquisitus, eo qui sit paulò plenior, maxima ex parte periculosior.

6 Extremis morbis extrema exquisitè remedia optima.

7 Vbi morbus peracutus est, statim & extremos habet labores, & extremè tenuissimo victu necessariò utendum est: Vbi verò non, sed pleniorē victum licet exhibere, tantum à tenui paulatim recedendum est, quanto morbus remissior extremis fuerit.

8 Quando morbus in suo vigore constiterit, tunc victu vel tenuissimo uti necesse.

9 Coniectari autem simul oportet, an ager eo victu perdurare possit vsque ad morbi vigorem: Et utrum prius ille deficiat, nec eo victu durare queat, aut morbus antè deficiat atque hebescat.

10 Quibus igitur statim vigor est, eos protinus tenuiter cibare oportet: quibus verò posterius vigor futurus est, iis & in ipso statu & paulò antè subtrahendum: prius verò vberius cibandum ut ager sufficiat.

11 In accessionib. abstinere oportet: nam cibum dare, nocuum, Et quibus per circuitum fiunt accessiones, in ipsis accessionibus abstinere oportet.

12 Accessiones verò & constitutiones morbi indicabunt, Et anni tempora, & circuituum successiua incrementa, siue quotidie, siue alternis diebus, siue maiore intervallo fiant. Sed Et ex his quæ mox apparent, indicia

sumuntur: quemadmodum in morbo laterali laborantibus, si initio statim sputum appareat, breuem fore nuntiat: si uerò postea appareat, longum. Et urinae, & alui excrementa, & sudores, cum apparuerint, indicatu faciles, vel difficiles, & breues aut longos fore morbos ostendunt.

13 Senes facillimè ieiunium ferunt, secundo loco qui ætatem constantem agunt, minus adolescentes, omnium minimè pueri, præsertim illi qui inter ipsos sunt uiuidiores.

14 Qui crescunt, plurimum habent calidi innati: plurimo igitur egent alimento: alioqui corpus absimitur. Senibus uerò parum calidi innati inest: paucis propterea fomitis egent: quia à multis id extinguitur. Hanc etiam ob causam febres senibus non similiter acutæ fiunt: frigidum enim eorum corpus.

15 Ventres hyeme & vere natura calidissimi sunt, & somni longissimi: quare per ea tempora alimenta copiosiora sunt exhibenda. Etenim tunc calor innatus plurimus est: ideo pluribus egent alimētis indicio sunt ætates & athletæ.

16 Victus humidus febricitatibus omnibus confert, maximè uerò pueris, & aliis qui tali victu uti consueuerunt.

17 Et quibus semel aut bis, plurā-ne an pauciora, aut particulatim oporteat offerre, considerandum. Dandum autem aliquid tempori, & regioni, & ætati, & consuetudini.

18 Æstate & autumnno cibos difficillimè ferunt, hyeme facillimè, secundum locum uer habet.

19. His qui per circuitus accessiones habent, nihil dare oportet, neque cogere, sed subtrahere adiectioni ante iudicationes.

20 Quæ iudicantur, & iudicata sunt integrè, neque mouere, neque innouare aliquid, siue medicamentis, siue

aliis irritamentis, sed sinere.

21 Quæ ducere oportet, quò maximè natura vergit, per loca conferentia eò ducere.

22 Concocta medicari atque mouere, non cruda, nec in principiis, nisi turgeant: plurima verò non turgent.

23 Quæ vacuantur, non copia sunt aestimanda, sed si qualia oportet vacuentur, & ægri facile tolerant. Atque ubi usque ad animi defectionem expedit ducere, faciendum id quoque, si æger par esse possit.

24 In acutis morbis rarò, & in principiis, medicinis purgantibus utendum, & hoc cum exacta præmeditatione faciendum.

25 Si qualia oportet purgari, purgentur, confert, & facile ferunt: si contraria, difficulter.

VSVS PER EXEMPLA METHODI

PRIMÆ SECTIONIS.



N primo Aphorismo ceterorum præmio duas rationes affert Hippocrates, cur vniuersam artis medicæ cognitionem per numerosa suorum librorum volumina longè patentem in breuissimam rerum & verborum summam compendiosè contraxerit: primam, tēporis penuriā, quia teste Horatio. Vitæ summa brevis nos ipē vetat inchoare lōgā: *ἡμῶν γὰρ ὁποῖε ἀρχόμεθα ἔν τολε ἀποθνήσκομεν*, dicebat Theophrastus, ad quæ verba respiciens Cicero scripsit libro tertio Tusc. quæst. Theophrastus autē moriens

accusasse naturam dicitur, quod ceruis & cornicibus vitam diuturnam, quorum id nihil interesset, hominibus; quorum maximè interfuisset, tam exiguam vitam dedisset: quorum si ætas potuisset esse longinquior, futurum fuisse, vt omnibus perfectis artibus omni doctrina hominum vita erudiretur. Secundam, artis difficultatem propter irreparabilem elapsæ occasionis iacturam: periculum in experiendo: ambages rerum in iudicando: opinionum pugnam in artificibus: morum improbitatem in ægris: negligentiam ministrorum: penuriam rerum domesticarum: nam fieri non potest, vt in vno aut altero, pluribus aut omnibus simul non rarò offendatur. Vnde non immeritò Hippocrates artem longā vocauit tot difficultatibus inuolutam. Quibus ex aduerso respondent, summa in medendo promptitudo, omnium medicamentorum, quibus tot morbis corpus humanum incurfantibus, mederi commodè possit notitia: similium & dissimilium morborum, corporum, signorum & remediorū distinctio: eximia scientia prædictionis, & remediorum constantia: exquisita egrorum cum medico aduersus morbum conspiratio: denique summa in pharmacopœis, chirurgis & clinicis omnia abundè suppeditantibus observatio. Quibus simul ad salutem egri conspirantibus nullum est theorema aut præceptum in diuini senis operibus, quod non amplissimam certitudinis fidem faciat, sin vno aut altero pluribus aut paucioribus delictū sit, certitudinis etiam magis aut minus ducta ratione fidē infirmabit. Vnde non immeritò Cornelius Celsus scripsit in nullo morbo minus fortunam sibi vindicare quàm artem posse

tot difficultatibus inuolutam, vbi præsertim repugnat natura, & causæ contumacia.

Ergo cum occasio sit velut curationis anima, in præcipiti morbo debent omnia medico comperta esse, quæ ad tecmar sin pertinet, quibus illico resistat morbo, ne medendi occasio illabatur. Hinc causa fuit, cur in prima statim sectione & sequenti ab acutis morbis auspicatus fuerit: his enim breue spatium est, intra quod, si quod auxilium non oportune datum, aut datum non profuit, æger extinguitur. Diuturnis verò, quos posterius subiecit, deliberationi & mutationi remediorum tempus patet: adde etiam quod febres sint morbi totius, totique prius providendum esse quam parti, & ægrotanti quam ægrotare metuenti: & primario morbo, quam eo, qui fit per consensum, quam etiam methodum prudētissimè vbiq̃ obseruauit. Quod autem in secunda sectione morbos decidentia, recidiuos & mixtos, item acutos sine febre distulerit, ex eo factum est, quod, auctore Celso acutus quo vetustior, longus verò quò recensior, eò facilius curatur. Est autem duplex acutorum natura, vt docet Galenus, vel enim in humoribus calidis solis, qui nullum obsedere locum, sed æqualiter in omnibus animalis partibus apti sunt ex sua natura generari, vt vtraque synochus & causus: vel loco aliquo patiente fiunt, vt inflammatis pulmonibus crymodes, hepate typhodes, stomacho lypiria, musculis laryngis angina, menyngē phrenitis, pleura pleuritis, cerebro lethargus, item vena caua, renes, vesica, columella & tonsillæ proprijs laborant inflammationibus, quibus omnibus febris epiginomene & continua succedit.

succedit. Rari enim sunt, quibus statim in principio febres non adsint apoplexia & conuultio, & eorum de generes paralytis apoplexię, epilepsia cōuulsionis: in hunc numerum recenset Aretęus, hysteritin, satyriafin, ileon, colicon, syncopen, hæmorrhagiam, quibus singulis è præscripto aphorismo est tutò, citò & iucunde opitulandum.

Itaque tempori penurię & artis difficultati hoc philosophantomo verbosę orationis compendio bene ab Hippocrate prouisū est, velut enchiridio aut promptuario rerum à medicis gerendarum: nam qui totius terrę exemplar circumferunt nauigant tutius.

Medicina secundum Hippocratem fit additione vel ablatione materię morbificę, acuti morbi pendet à materia auferenda, aufertur autem tripliciter pharmacia, phlebotomia & dieta: quomodo verò & quando ista materia sit auferenda indicant eius due præcipue affectiones, nempe ferocia siue orgasmus, & cruditas à qua pepasimus. Orgasmus debet tolli statim in principio per 24. aph. huius sectionis, & per 29. aph. Secundę sect. & per 10. aph. 4. sect. Quomodo verò docent huius sectionis 2. & 3. purganti nempe medicamento, si materia pepasmi expers, quasi furore percita modo huc modo illuc feratur, ob malignam qualitatem: aut ob copiam, phlebotomia, si inconcinno humorum & spirituum motu illud contigerit. Cruditas vero domatur pepasmo, idest coctione, coctio autem perficitur dieta legitimè instituta, de qua in sequentibus aphorismis nempe à 4. ad 19.

Sunt varię cruditates, quot enim sunt genera coctionum, tot genera sunt cruditatum: quædam enim

cruditas pepsi corrigitur, quædam pepasmo. Pepsin fanis, pepasmo in ægris: in illis singuli humores, in his materia morbifica capax coctionis, ut sanguis in synocho & plegmone, bilis in causo aut erysipelate. Qui verò sunt coctionis inexpertes, si valido pharmaco trahantur morbos efficient lethales: quare dieta sapientissimè instituta tantum periculum vitare licet.

Instituetur autem legitimè, si dietarum species morborum speciei convenienter accommodetur, ut exquisitè tenuis exquisitè acutis, pertenuis peracutis, simpliciter tenuis simpliciter acutis. Deinde si confectur dieta dietæ, morbus morbo, & morbus dietæ, item dietarum quæ periculo vacet, & quæ potissimum urgente necessitate usurpanda. ut in 4. 5. & 6. præsentis sectionis aph.

Cum verò naturæ sit studendum & morbus oppugnandus ante dietæ præscriptionem morbi magnitudinem ex eius intensione & remissione in principio 7. incremento & vigore. 8. perspicere oportet eumque cum virium ægri robore aut infirmitate pariter in principio, incremento & vigore conferendam esse monet ut utriusque habita ratione & magnitudinis morbi & virium ægri prudenter dieta modificetur, ne agro iniuria inferatur, aut morbo nimis indulgeatur 9. 10. ea tamen lege ut semper maxima habeatur vigoris & paroxysmi ratio, in quibus omnino nihil exhibendum est, ne auo cetur calor naturalis à pepasmo ad pepsin. 11.

At quia morbi magnitudo & ægri vires non aliunde peti possunt, quàm à proprijs suis signis tecmerijs, ideo

monet qua ratione ea magnitudo, quæ in vigore & paroxysmis sese ostendat sit peruestiganda, vt statim illis dieta decernatur conueniēs. Peruestigatio autem illa ducitur ab affligentis morbi specie, anni tempore, periodorum statis vicibus, & signis epiphenomenis, 12. Parique ratione ægri vires ab ætate 13. 14. anni tempore. 15. & consuetudine in cibi quantitate, 16. frequentia 17. copia. 18. Hæc igitur de dieta extra ephodis instituenda, in ephodis verò quomodo abstinendum sit, docet 19.

Perfecto absolutoque pepasmo, id est, coctione materiæ morbificæ, facultatis excreticis est suas partes agere solius naturæ motu, virtutisque illius ope, quæ Oceani æstus reciprocationesque moderatur per singula meabilis, neimpe solis & lunæ reliquorumque syderum motus & influentiæ dierum criticorū moderatrices, & quæ materiam morbificam è corpore deturbant. Non mouendi itaque humores, quos nunc natura magno conatu expellere studet, ne scilicet illius actionem turbemus, atque adeò per viam minus conuenientē noxios vacuemus humores. Totum igitur naturæ permittendum erit, neque quicquam à medico agendum, nisi vt victum conuenientem, quemadmodum in iis, que precedunt, sententiis expositum est, instituat, interim excretionis criticæ splendidum faciens iudiciū.

Nam perfecta, quæ in morbo nihil reliqui facit, firma, fida, secura, quæ non amplius redit. Tuta, quæ sine periculosis symptomatis accessit. Manifesta, cui excretio vel abscessus insignis. Laudabilis, quæ cum laudabilibus signis accessit & ab indice præindicata

est. Bona, cuius finis *εὐπορία*, sanitas corporis, virium integritas. Contrà verò imperfecta, cum ex morbo fuerit quippià relictum. Infida seu incerta, cum morbi recidiua continget. Periculosa quæ cum grauibus symptomatis. Obscura, quæ citra excretionem vel abscessum quempiam euidentem continget. Illaudabilis, quæ sine signis, aut à nullo priore die fuerit iudicata.

Itaque imperfectè iudicato nihil impedit, quin ea, quæ relictæ sunt educere medicus possit: imò cessare non debet, quin ea vacuet, nam quæ relinquuntur post iudicationem recidiuam facere consueuerunt, vt docet Hippocrates in sequentis sectionis aph. 12.

Sunt tamen huiusmodi euacuationis artificiosa post imperfectam crisin certæ leges, partim ab humoris inclinarione, quam sequi debet medicus, nisi loca ex euentu incommoda prohibeāt, 21. & coctione, cui medicamentum debet esse analogum, ne si fortius fuerit crudum cum cocto simul educat. Hoc genus euacuationis vocatur epicrasis, cum sensim coctum educitur, crudo iterandæ coctioni & subductioni remanente, idque tam diu donec materiæ morbificæ nihil supersit, 22. Partim à morbi causâ & conditione, dixit enim priùs cocta educenda, nunc verò an coctio illa causæ respondeat morbificæ videndum, nam acuti à bile & sanguine, longi à pituita & melancholia, mixti à permixtione humorum: itaque in acutis sanguinis aut bilis coctio expectanda est, in longis pituitæ aut melancholiæ, in mixtis confusionis humorum, 23. A conditione morbi, nam acuti morbi non purgatione, sed critica euacuatione finiuntur:

præterea rarò orgasmo concitantur, sæpiùs phlegmonem, obstructionem, crudos, lentos, crassos succos, flatibus distenta hypochondria comitantur, in quibus abstinendum est à purgatione, nisi tenui & blando pharmaco, clysmis & id genus aliis aluus exoneretur, 24. Tandem concludit eiusdem planè sententiæ artificiosa repetitione quatuor præcedentes

Aphorismos, qua doctrinam Aphoristicam inceperat. Proinde Theorema imitationis naturæ, siue decisio controuersię

antiquorum inter *ἐκχυσις* & *συντήξις*

in cacochymia & Euchymia

per *εὐφορίαν* & *δυσφορίαν*, 25.

σφορίαν, 25.



*MORBIS ACUTIS SVPERATIS QVID
agendum? reficiendus est ager. Quomodo? obferuatis fignis.*





SECTIO SECVNDA.

I N quo morbo somnus laborem facit, mortiferum: si verò somnus iuuat, non mortiferum.

2 Vbi somnus delirium sedauerit, bonum.

3 Somnus atque vigilia, utraque si modum excesserint, malum.

4 Non satietas, non fames neque aliud quicquam bonum est quod naturæ modum excesserit.

5 Spontaneæ lassitudines morbos prænuntiant.

6 Quicumque dolentes parte aliqua corporis, ut plurimum dolorem non sentiunt, his mens ægrotat.

7 Quæ longo tempore extenuantur corpora, lentè rescere oportet: quæ verò breui, breuiter.

8 Si à morbo cibum assumens quis non corroboratur, copiosiori alimento corpus uti significat: quòd si non assumenti cibum, hoc accadat, scire oportet id indigere vacatione.

9 Corpora, quacunq; purgare quis voluerit, oportet fluida facere.

10 Impura corpora quantò plus nutriueris, tanto magis lades.

11 Facilius est refici potu quàm cibo.

12 Quæ relinquuntur in morbis post iudicationem, recidiuâs facere consueuerunt.

13 Quibuscunq; crisis, id est iudicatio, fit, his nox grauis ante accessionem: quæ verò subsequitur, plerunq; lenior existit.

14 In profluuijs alui mutationes excrementorum inuuant, nisi ad mala mutatio fiat.

15 Vbi fauces ægrotant, aut tubercula enascuntur in corpore, excretiones inspicere oportet. Nam si biliosa fuerint, corpus unâ ægrotat: si verò similes sanis sint, tutum est corpus nutrire.

16 Vbi fames, laborandum non est.

17 Vbi cibi præter naturam plus ingestum est, morbum id facit: quod ostendit etiâ sanatio.

18 Eorum quæ confertim *Et* celeriter nutriunt, celeres quoque fiunt excretiones.

19 Acutorum morborum non omnino sunt certa prædictiones, neque mortis neque salutis.

20 Quibus adhuc iuuenibus aluus humida est, iis senescentibus siccatur: quibus verò iuuenibus adhuc aluus sicca est, iis senescentibus humectatur.

21 Famem vini potio soluit.

22 Quicumque morbi ex repletione fiunt, vacuatio curat: *Et* quicumque ex vacuatione, repletio: *Et* cæterorum contraria sunt remedia.

23 Acuti morbi in quatuordecim diebus iudicantur.

24 Septenorum quartus est index. Alterius septimana octauus principium. Est autem *Et* undecimus spectandus: ipse enim quartus est alterius septimana. Rursus verò decimus septimus spectandus: ipse siquidem est quartus à quartodecimo, septimus verò ab undecimo.

25 Æstiuæ quartana magna ex parte breues sunt: autumnales verò longæ, *Et* maximè quæ hyemem attingunt.

26 Febrem conuulsioni superuenire melius est, quam feбри conuulsionem.

27 His quæ non cum ratione leuant, non oportet fide-

re, neque multum formidare mala quæ præter rationem eueniunt: plurima enim horum stabilia non sunt neque valde durare, neque diu permanere consuevere.

28 Febricitantium non omnino leuiter corpus permanere & nihil minui, vel etiam plus quam ratio postulat, emacrescere malum: illud enim morbi longitudinem, hoc verò imbecillitatem significat.

29 Morbis incipientibus si quid mouendum videtur, moue: vigentibus verò melius est quiescere.

30 Circa initia & fines omnia imbecilliora: circa status verò & vigores, vehementiora.

31 Eius qui à morbo bene cibum capit, nihil proficere corpus, malum.

32 Omnes ferè qui malè se habent circa initia bene cibum capientes, neque quicquam proficientes, circa finem rursus cibum non appetunt: qui verò circa initia cibum vehementer fastidiunt, & postea bene appetunt, ij melius euadunt.

33 In quouis morbo mente constare, & bene se habere, ad illa quæ offeruntur, bonum: contrà verò se habere, malum.

34 In morbis minus periclitantur, quorum natura, aut ætati, aut habitui, aut tempori magis congruit morbus, quam quibus secundum nihil istorum congruit.

35 In omnibus morbis partes ad umbilicum & imum ventrem attinentes crassitudinem habere, melius est: multum verò extenuari ac contabescere, prauum. Sed & hoc quoque ad infernas purgationes periculosum.

36 Qui salubritatem corporis habent, per medicamenta euacuati, citò exoluuntur, & qui prauo vtuntur cibo.

37 Qui bona sunt corporis valetudine, difficulter ferunt purgationes.

38 Paulò deterior *Et* potus *Et* cibus, suauior autem, melioribus quidem, sed minus suauibus, est præferendus.

39 Seniores iuuenibus plurimum agrotant minus: qui verò morbi ipsis accidunt longi, maxima ex parte comitantur ad mortem.

40 Raucedines *Et* grauedines in valde senibus coctionem non admittunt.

41 Qui frequenter ac vehementer absque causa manifesta exoluuntur, derepente moriuntur.

42 Soluere morbum quem apoplexiam vocant, vehementem quidem impossibile; debilem verò, non facile.

Strangulati atque dissoluti, at nondum mortui, non se recolligunt, quibus spuma circa os fuerit.

44 Qui natura admodum crassi sunt, citius intereunt quam qui graciles.

45 Quicumque pueri morbo comitiali laborant, mutationes maximè ætatis, *Et* temporum, *Et* locorum, *Et* vitæ quoque eos liberant.

46 Duobus doloribus simul non eundem locum instantibus, vehementior alterum obscurat.

47 Dum pus conficitur, dolores ac febres accidunt magis quàm eo iam confecto.

48 In omni corporis motu ubi fatigari cæperit, quies statim lassitudinem aufert.

49 Consueti solitos labores ferre, et si fuerint imbecilles aut senes, non consuetis, fortibus licet atque iuuenibus, facilius ferunt.

50 Ex longo tempore consueta et si deteriora sunt, insuetis minus molestare solent. Oportet igitur ad insueta transire.

51 Plurimum atque repente vacuare, vel replere, vel cale-

facere, vel refrigerare, siue quouis alio modo corpus mouere, periculosum, quoniam omne nimium est nature inimicum: sed quod paulatim fit, tutum est, & praesertim si quis ab altero ad alterum transierit.

52 Omnia secundum rationem facienti si non succedant secundum rationem, non est transcundum ad aliud, stante eo quod à principio visum est.

53 Quicumque aluos humidus habent, siquidem iuuenes fuerint, melius degunt his qui siccas habent: in senectate verò deterius degunt: nam senescentibus magna ex parte siccantur.

54 Magnitudo corporis iuuentutis quidem liberalis nec indecora: senectate verò inutilis, deteriorque breuitate.

VSVS PER EXEMPLA METHODI

SECVNDÆ SECTIONIS.



N præcedenti sectione de morbo acuto triplicem oppugnante corporis substantiam, videlicet solidam, humidam & spirituosam egit Hippocrates: Nunc verò qua ratione deprehendimus perfectam ne an imperfectam eiusdem morbi eliminatio suo more breuiter explicat, ut succrescente materia morbifica, unde recidui, aut superstiti, unde producti, legitima cum victus ratione, tum materiae euacuatione pristinae valetudini corpus restituatur. Accedit etiam morborum ἐν μεταστώσει, siue decidentiae, & eorum, qui permixtione pituitae aut melan-

cholia inter acutos & diuturnos ambigunt; nec non acutorum, qui sine febre primigenia aut coniuncta corripunt, qualis apoplexia, conuulsio, syncope, ileosis, colicus, hysteritis in hanc classem receptio. Nam vt longissimus acutorum terminus quarto decimo die vel ad summum vigesimo terminatur, ita qui semel hos fines superauerint, intra quadragesimū diem, nouo victus genere coquendi nouisque crisi- bus iudicandi coercentur, aut in longos, siue diuturnos, ægri aut medici culpa abeunt, iterumque degenerant ex vna specie in aliam. Cui sanè incommode sapientissimè prouisum est hac secunda sectione ab Hippocrate simili pene methodo, quæ fuit in superiore. Itaque cum duæ auctoris scopi occurrant reparandi nempe triplicem in corpore substantiam, cui calor febrilis viua intulerat & curandi affectus, quorum iam memini, & quorum postea dicendum, in primis, quæ sit illius reparationis opportunitas & quæ sit difficultas breuiter recenset: auspiciatur autem oportunitatem à rebus non naturalibus, quibus modo vice causarum in morbis efficiendis, modo vice signorum anamnesticorum utitur: nam vnum & idem diuersa ratione diuersa significat, vnaque fidelia, vt est in veteri prouerbio, duos dealbat parietes. Cum igitur in declinatione paroxysmi, talis sit somni conditio, quales fuerunt vapores ad cerebrum eleuati, vapor acrior parens erit somni pauci, vel tumultuosi: copiosus vel crassus laborem morbo, i. blandus superstitem vim naturæ, 2. immoderatus metastasin materiæ morbificæ, exhaustos spiritus cerebri à vigiliis, cruditatum occasionē præbere subiectis cerebro.

partibus, & contra vigiliæ, denunciabūt, 3. Quemadmodum præcedentibus aphorismis somni & vigiliarum, ita nunc satietatis & famis exemplo omnia immoderatiores esse noxia ostendit. Satietatis autem nomine deiectam appetentiam magis intelligit quam repletionem, vt sit illa satietas analogæ spontaneæ lassitudini: nam satietas à cibo & lassitudo à labore & dolor ab inæquali intemperie sanorum sunt symptomatica, sicut deiecta appetentia, spontanea lassitudo & ἀνασθησία ægrorum: est autem triplex lassitudo, ἐλαύδης cacochymię, πονώδης plethorę, & phlegmonodes vtriusque. Simili etiam ratione quę sanis dolorem inferunt inæqualis intemperies & continui solutio, siue sit phlegmone, siue erysipelas, siue vulnus corpori inflictum facultatum animalium integritatem, contra verò ἀνασθησία eorundem peruersionem, 4. 5. 6. significat. Itaque his præfatis rebus non naturalibus partim succrescentis materiæ à crisi perfecta, partim superstitis à crisi imperfecta causę & signa depræhenduntur, quibus quid sit agendū tacitè indicatur, purgandum, videlicet, at quomodo postea dicetur. Hinc à rebus non naturalibus ad naturales digressus corporis functiones, neutram dispositionem explorando, quomodo sit à morbo reficiendum & recidiua vindicandum docet. Fit autem illud duobus modis nempe modificatione cibi & potus conuenientis naturę & renutritioni 7. & cautione inter renutriendum superstitis aut succrescentis materię, 8. 9. 10. 11. à crisi perfecta aut imperfecta, 12.

Hactenus Hippocrates de reparandæ triplicis substantię opportunitate victo iam morbo absoluta que

crisi & de ablatione materię superstitis aut succrescentis post quartum, septimum, aut quartum decimum, item septimum decimū, aut vigesimum. Nunc verò non qualis sit futura crisis, sed qualis præcesserit in præfatis diebus exponit, vt inde totius negotij difficultas re intellecta paucis explanetur, in cuius rei notitiam repetenda sunt quæ ad 24. Aphorismum primæ sectionis è Galeno. exposuimus. Crisi igitur imperfectę superstes est materia morbifica, non secus ac perfectę illa quę increfcit à praua victus ratione. Quare vtriusque criseos, perfectę inquam & imperfectę, materię superstitis & succrescentis rationes paulo altius sunt repetendę, quo certior instituaturnum dietæ, tum purgationis modus, singulis morbis, quorum genera summatim perstrinximus, initiumque ducemus à crisi, à qua signa ducuntur crisima appellata à materię motu & temporis ephodo, quibus quid factum & futurum sit operę prætium cognoscimus.

A primo igitur aphorismo ad septimum Hippocrates signa à rebus non naturalibus cum obseruasset, quibus indigere corpora euacuatione ante renutritionē collegit: subinde illa quomodo sint euacuationi præparanda & reficienda ab 8. ad 11. explicauit: nunc causam cur illa vacuanda sunt expositurus metum recidiuæ proponit, tum maximè, quod vel ipsa materia in die decretorio fuit minùs ad expulsionem idonea, tum etiam quod ipsa natura nimis imbecilla per morbum effecta, vniuersos humores noxios expellere non potuit, 12.

Itaque cum in præcedenti aphorismo, quid ca-

quæ post iudicationem relinquuntur efficiant, docuerit, signa vtriusque crisis à motu materiæ ad speciem morbi & ad tempus decretorium proponit, ut medicus certo sciat recidivam ab iis, quæ à iudicatione relicta sunt factam esse. Præcedunt autem motum materiæ ad speciem morbi delirium, dyspnæa, caligo oculorum, splendores ob oculos versantes, lacrymæ inuoluntariæ, temporum gravitas, cervicis & capitis dolor, anticipatio, longitudo & vehementer accessio, comata, dolor stomachi, aurium sonitus, tremor, labrum inferius agitaturn, estus & sitis vehemens, nox item absque ratione molesta, 13. Consequitur motum materiæ excretio aut abscessus: excretio fit viis patentibus ad expulsionem materiæ per defectionem, urinas, sudores, vomitum, hæmorrhagiam, in quorum singulis differentiæ à substantia, copia & qualitate, item differentiarum causæ & signa sunt notanda in morbis præsertim acutis, quorum motus materiæ excretionem perficitur, abscessu nunquam nisi imperfectè, 14. E principalibus membris humores malos euacuans, aliàs foras per patentes meatus, de quibus in præcedenti Aphorismo, aliàs ad cutim, de quibus modò hîc suo ordine loquitur Hippocrates, viam affectat sibi materia. Ad cutim vi naturæ humores propelluntur, qui si pauci, tenues & biliosi, ut in ictero nonnèquâ, perfectam crisin absolvent: si verò crassi, multi & pituitosi, in cute reponuntur, atque hoc modo abscessus nascuntur in corpore, quorum differentiæ petuntur à substantia, magnitudine & qualitate: item differentiarum causæ & signa explicantur, 15.

Præceden

Præcedentibus Aphorismis, quo pacto opportuna iudicatio, quæ per excretionem fit, item altera, quæ per abscessum, dignoscantur, docuit. Nunc in sequentibus Aphorismis à 16. ad 22. difficultatem ostendit in perfectæ crisis expectatione, vbi medici aut ægri culpa, assidentium & aliorum irritatur natura atque aliò diuertitur, quod Hippocrates in ipso statim Aphorismorum principio complectitur his verbis: nec satis est medicum suum fecisse officium, nisi suum quoque ægrotus, suum astantes fecerint, sintque externa ritè comparata. Ac si dicat, vis nostrorum scriptorum explorare veritatem, tu primùm medice, omnia ritè gere, deinde ægrotus in omnibus se tibi præbeat morigerum, nihilque præ intemperantia peccet. Assidentes ne iram concitent aut intempestiuè aliquid nuncient: quin apparatus omnes ante criseos tempus promptè & expeditè fiat, obsonia pulchræ parentur iuxta medici præscriptionem. Hæc igitur, quæ multiplicia sunt, particulatim, dum naturæ motus impediunt, frequenter circuituum ordinem (de quibus mox dicendum) & crisin interturbant.

Proinde ita vnde quaque admirabilis Hippocrates dicebat naturam omnino sufficere morborumque esse medicatricem, externo tantum egere auxilio, coadiutore medico, qui beneficio artis salubrium & insalubrium ipsa præeunte & viam monstrante morbum profligat & sanitatē restituat: qua ratione medicum, qui re vera medicus sit, naturæ ministrum appellat, non pharmacopolam è triuio. Tantum enim hic à iusta ministri appellatione abest, vt docet Galenus, vt etiam maximè contrarium nomen ipsi conueniat, di-

catúrque vere hostis & inimicus cum naturæ tum egrotantium, ubi præsertim nihil dignum à se gestum esse putat, nisi vnixerit, fouerit, enema iniecerit, venam secarit, cucurbitulas admouerit, confricuerit, cibum exhibuerit, nutruerit, vel aliquid eiusmodi fecerit. Licer igitur intelligere, idem Galenus ait, non alium esse, qui accuratè prædicat & qui rectam victus rationem instituit, sed in vnum & idem ambo coire necesse est, futurum alioqui, vt alterum ab altero corrumpatur. Hæc enim mutuis fulciuntur auxilijs bene vel malè rationem victus instituere, & bene vel malè futuræ crisis diem prædicere. Victus autem ratio non in assumendis tantum, sed in admouendis, educendis & faciendis, & in summa, in vniuersi morbi curatione & œconomia consistit.

Cum in morbis exactè acutis omnino abstinentum sit, corpus exhaustis diæta viribus valde sub ipso excretionis tempore conturbetur, ideo paulò plenior victu opus est, vt labori tolerando eger par esse possit semper ad nonum & decimum primæ sectionis aphorismum respiciendo, quin etiam à crisi imperfecta non statim fraudandus est æger suo alimento, nec succrescentes humores aut superstites venæ sectione, purgatione aut sudoris prouocatione statim euacuandi: reficiendę enim sunt vires modico incommodo ad deterius fugam 16. Quia vero vsus in mediocritate, abusus in excessu aut defectu rerum, quę administrantur, consistunt, in vtróque tempore, & quod crisin præcedit, & quod crisin consequitur, referenda est semper cibi sumpti mediocritas ad naturam eius, cui adhibetur 17. Præterea *duo sunt* alimentorum agi

non sunt fatigandi, quæ alienam qualitatem aut perturbationem ventriculo adferunt, sed præscribendi sunt à medico *εὐπεπτοί*, & meabiles, quique faciliè coquantur, distribuuntur & excernantur, 18. Hæc itaque ritè à medico præscripta suam difficultatem partim ex morbi, partim ex naturæ conditione habebunt, quominus possit optimus quisque medicus futurum morbi euertum prædicere, aut sedula diligentia crisin promouere. Quocircà tacitè monet, vt naturæ triumphantis aut triumphatæ argumenta firma & constantia medicus teneat, constetque illi de morbi specie, parte affecta, humorum motu ac quiete, trium facultatum robore, & de diebus criticis, de quibus nobis statim dicendum, 19. Ex naturæ autem conditione altera difficultatis emergit occasio: natura enim hominis eiusdem non est semper vnâ & eadem: sic varia corporis conditio varias etiam excitat crises & in eadem specie morbi, quia quo natura vergit eo maximè crisitum sunt inclinationes, eidemque morbi nunc ad salutem nunc ad lethum properent, 20. Cibi deiectione appetentiæ canimus appetitus opponitur, quæ plerumque corripitur, qui febre laborât, proinde symptoma frigide & sicce stomachi intemperiei à iecore præcalido illi suum calorem, surripiente exortum, cuius nonnunquam tanta inest ciborum auuiditas, vt plerumque etiam moribundis, quæ sanis par esse posset, quantitas, non possit sufficere, imponâtque imprudentibus futuræ spem salutis, cum breuî sint plerumque morituri. Hoc docuit alibi Hippocrates exemplo mulieris, quæ septimo die plenè iudicata, cum se eodem die plenius inuitasset, postridie obiit:

nam calor naturalis partium solidarum infirmitate laborans, strangulatur. Hac de causa hîc monet non temerè cibum illis exhibendum, sed symptoma mitigandum vini potione generosi: cuius humido calore intemperies illa frigida & sicca corripiatur & emendetur, 21. Ratione ducta à contrariorum similitudine: nam si morbi, qui à repletione eueniunt euacuatione curantur, non dubium est intemperiem stomachi frigidam & siccam calidis & humidis cibis ad mediocritatem reduci posse, 22.

Absoluta iam crisi, quæ ad speciem morbi excretionem aut abscessu fieri consuevit, ad alteram, quæ ad tempus refertur, & quæ sine priore consistere non potest digreditur. Morbi acuti ab humore calido & tenui cum febre continua & essentiali diuiduntur in legitimos & spurios: legitimi sunt quinque numero ab Hippocrate enumerati in libro de ratione victus in morbis acutis, phrenitis, peripneumonia, pleuritis & causos, quibus synochon tacitè enumerat, in quos frequentes & magnæ cadunt mutationes, proinde breui iudicandi, nisi eretismis, vt paulo ante memini eorum impediatur cursus, qui sanè quartumdecimum diem non excedit, si ab eo die, quo se morbus in vehementiam erigit numerauerimus. Hæc autẽ vehementia interdum primo die, nonnumquam quarto, aliquando septimo exilit, hinc est quod quidam decimosextimo, alij vigesimo die ad crisin perueniant. Quamobrem si à die, qua ceperunt esse acuti ad exitum vsque numerare libeat, totus eorum decursus quatuordecim dierum deprehendetur. Spurij, qui alieno humore permixti remissione vehementia ad

quadragésimum perueniunt. Horum duo sunt genera: primum eorum, qui è confusione humorum partim calidorum, partim frigidorum in mediocri consistunt materia. Secundum eorum, qui ἐκ μεταπτώσεως, per iudicationes imperfectas ab vna specie in aliam mutati sunt, sic è pleuritide empyema, ex empyemate tabes, ex inflammatione gangrena, è gangrena sphacelus. Sincope autem, apoplexia, conuulsio & similes, quæ acumen habent ob principem partem sub crisin non cadunt. 25.

Vt ordinatè respiciendo ad futuram crisin imparium dierum naturam obseruamus, ita ad præteritam crisin non negligimus, de quibus in epidemiis, illos tanquam decretorios & perfectionis, hos tanquam intercidentes & imperfectionis: vt autem decretoriorum alij alijs sunt fortiores, ita de intercidentibus opinandum est, qui omnes à 20. die ad 40. paulatim suam vehementiam remittunt 24. Acuti iudicantur dierum numero, intermittentes periodorum ephodo, quidam vt quartana mensium & annorum decursu: imo etiam humanæ vitæ spatium. 25. Apoplexia, quæ in paralyfin, & conuulsio in epilepsiam, & similes acuti, diebus non iudicantur decretorijs sed beneficio externo accedente febris videlicet, aut aliquo signo pathognomonico. 26. Hunc tractatum de crilibus claudit imposturarum cautione, quæ ab ἀγορεύσει, sine ratione effutiuntur. 27.

Hæc de signis anamnesticis sc. pepticis & crifimis. nunc de diagnosticis ab antecedentibus, vt de mali cibi vsu & lassitudine vltro aborta, quibus febris succedit: coniunctis symptomatibus propriis humori mor-


bifico & parti affectæ, sic cutis densitas & humoris tenuitas virium imbecillitatem. Consequentibus iuvantibus & lædentibus, sic cuti densitati balnea conveniunt, raritati litus oleorum: humoribus crassis attenuans victus, tenuibus increffans, vtrisque euacuatio. 28.

Aboluta signorum doctrina, vnde perfectane fuerit crisis an imperfecta, percipitur, vt opportunè conualescentibus & vivendi ratio, & si qui sint superstitites aut succrescentes humores morbifici, à medico, velut naturæ coadiutore medicamentorum ope deturbari e corpore possint, iam quæ sit euacuandæ vtriusque materiæ opportunitas aut difficultas à 29. ad 38. exponit.

Prima huius sectionis pars fuit in reparatione triplicis substantiæ & excretionis materiæ morbificæ, quæ superstes aut succrescens fuit acutis illis, quos febris semper comitatur: nunc sequitur secunda quæ est de spuris illis, qui sunt sine febre essentiali, & quibus tamen nonnumquam accedit epiginomene siue symptomatica. Itaque quoniam sint morbi spurij sine febre à trigesimo-nono aphorismo ad 43. explicat. Inde Tecmar sin legitimæ curationis subiicit, ab aphorismo 44. ad 54. à beneficio interno, externo: à legitima mitigatione symptomaton: cognitione causarum & curatione morborum: à consuetudine laborum: à remediorum moderatione & constantia: denique à corporis excretionibus & statura.

SYNOPSIS
METHODI
DOCTRINAE
HIPPOCRATICÆ
IN TERTIAM
SECTIONEM APHO-
RISMORVM.

INTER CVRANDOS MORBOS ET REFICIENDVM ÆGRVM
 quid agendum cauendum à causis procatartichis per prognosin
 temporum & alatum. Quomodo?



In genere mutationis sunt obnoxia victus ratio, humorum crasis, & causa morbifica.

Calidi innati,
immutatione
dieta: nā qua-
lis dieta tale ca-
lidum innatū,
quale calidum
inuatum talis
actio partium
organicarum
facultatumque
animæ præstan-
tia.

In spe-
cie vi-
ctus im-
muta-
tur per
vin

Mani-
festam
statum
in

Anaba-
si calo-
ris.

Stasi ca-
loris.

Cataba-
si calo-
ris.

Tenellis pueris à natali die ad
dentitionem, quæ fit vt plu-
rimum septimo mense, non ūn-
quam quarto. 24.

Mediæ à dentitione ad septi-
mum annum. 25.

Firmæ à septimo annq ad quar-
tum decimum. 26.

Pubertati à quarto decimo ad
decimum septimum annū. 27.

Anterior pars à deci-
mo septimo ad vi-
gesimum primum.

Apotelesma criticum
29.

Posterior pars à vige-
simo primo ad vige-
simum octauum an-
num.

Anterior pars à vige-
simo octauo ad tri-
gesimum quintum
29.

Posterior pars à trige-
simo quinto ad qua-
dragesimum secun-
dum.

Crudæ senectuti, siue homogeru-
siæ à quadagesimo secundo ad,
quadagesimum nonum.

Anterior pars à qua-
dragesimo nono ad
quingagesimum sex-
tum. 30.

Posterior à quingae-
gesimo nono ad quin-
quagesimum sextum.

Anterior pars à sexa-
gesimo tertio à septua-
gesimum tertium. 30.

Posterior à septuag-
esimo ad finem vitæ.

occul-
tata { A repugnantia quatuor qualitatum,
{ Ab efficientia coloris in siti.

SECTIO TERTIA.



MUTATIONES temporum potissimum pariunt morbos: Et in temporibus magnæ mutationes aut frigoris, aut caloris; Et alia pro ratione eodem modo.

2 Naturarum quædam ad æstatem, aliæ verò ad hyemem bene malève se habent.

3 Morbi quoque alij ad alia bene vel male se habent: Et quædam ætates ad tempora, Et loca, Et victus genera.

4 In temporibus quando eodem die modò calor, modò frigus fit, autumnales morbi expectandi sunt.

5 Austri auditum hebetant, caliginem inducunt, caput grauant, pigros Et languidos reddunt. Quando hæc tempestas præualuerit, talia in morbis patiuntur. At si Aquilonia fuerit, tusses fiunt, fauces asperæ, alui dura, difficultates urinae, horrores, laterum dolores, Et pectoris. Quando hæc tempestas præualuerit, talia in morbis expectare oportet.

6 Quando æstas fit veri similis, sudores in febribus multos expectare oportet.

7 In siccitatibus febres acutæ fiunt: Et si annus magna ex parte talis fuerit, qualem fecerit constitutionem, tales ut plurimum quoque morbos oportet expectare.

8 In constantibus temporibus, quum tempestiue tempestiua redduntur, morbi constantes Et boni iudicij fiunt: in inconstantibus autem inconstantes Et mali iudicij.

9 Autumno morbi acutissimi atque perniciosissimi

maxima ex parte: Verò verò saluberrimum, & minime exitiale.

10 Autumnus tabidis malus.

11 De temporibus autem, siquidem hyems sicca & aquilonia fuerit, verò verò pluuiosum & australe, necesse est æstate febres acutas, & lippitudines, & intestinorum difficultates fieri, præcipuè vero mulieribus, & viris natura humidioribus.

12 Si verò hyems australis, & pluuiosa, & placida fuerit: verò autem siccum & aquilonium, mulieres quibus partus in verò incidit, ex quacunque occasione abortiunt: quæ verò pariunt, imbecilles & morbidos infantes edunt: ut vel statim intereant, vel tenues & valetudinarij uiuant. Ceteris verò mortalibus difficultates intestinorum & lippitudines sicca fiunt: senioribus autem destillationes quæ citò interimunt.

13 Si verò æstas sicca fuerit & aquilonia, autumnus verò pluuiosus & australis, dolores capitis hyeme fiunt, & tusses, & rauedines, atque grauedines, quibusdam autem & tabes.

14 Si verò aquilonius sit & siccus, his quidem quina-tura sunt humidiora, & mulieribus conferet: reliquis autem erunt lippitudines sicca, & febres acutæ, & grauedines diuturnæ, nonnullis verò & atra biles.

15 Ex anni autem constitutionibus, in uniuersum siccitates imbribus sunt salubriores & minus mortifera.

16 Morbi in pluuiarum assiduitate quidem magna ex parte fiunt, febres longæ, alui profluvia, putredines, morbi comitiales, & attoniti, & angina: in siccitatibus autem tabes, lippitudines, articulorum dolores, stillicidia urinae, & difficultates intestinorum.

17 Quotidianæ autem constitutiones, æquiloniæ quidem corpora densant, & firmiora & bene mobilia, & coloratiora & melius audientia reddunt, & aluos exsiccant, & oculos mordent, & si pectus dolor aliquis antè obsederit, eum adauget: at austrinæ dissoluunt corpora & humectant, capita aggrauant, auditum obtundunt, & vertigines faciunt, & oculis atque corporibus difficilem motum præstant, & aluos humectant.

18 Per tempora verò anni, vere quidem & prima æstate pueri, & qui hos sequuntur ætate, optimè degunt, & sani sunt maximè: æstate verò & autumno aliquò vsque senes: at reliquo autumno & hyeme, mediam ætatem agentes.

19 Morbi omnes quidem in omnibus temporibus fiunt, quidam tamen magis in quibusdam ipsorum, & fiunt & exacerbantur.

20 Vere enim furores, & atræ bilis, & morbi comitiales, & profluvia sanguinis, & angina, & grauedines, & raucedines, & tusses, & lepra, & impetigines, & vitiligines, & pustula ulcerosæ plurimæ, & tubercula, & articularum dolores.

21 Æstate autem nonnulli horum, & febres continuæ, & ardentes, & tertiana plurimæ, & quartana, & vomitus, & alui profluvia, & lippitudines oculorum, & aurium dolores, & oris ulcerationes, genitalium putredines, & sudamina.

22 Autumno verò & plurimi æstiu morbi fiunt, & febres quartanæ, & erraticæ, lienis dolores, aquæ intercutem, tabes, stillicidia vrinæ: læuitates & difficultates intestinorum, coxæ dolores, angina, anhelationes, voluuli, morbi comitiales, furores, & atræ bilis.

23 Hyeme verò morbi laterales, pulmonis inflamma-

tiones, lethargi, grauedines, rauedines, tusses, dolores pectoris & laterum, ac lumborum, capitis dolores, vertigines & apoplexia.

24 In aetatibus autem talia contingunt, paruis & nuper natis puerulis oris ulcera, vomitus, tusses, vigiliae, paoures, umbilici inflammationes, aurium humiditates.

25 Ad dentiendi verò tempus accedentibus gingivarum pruriges fiunt: febres, conuulsiones, alui profluvia, & maximè quum caninos edunt dentes, & his praesertim pueris qui crassissimi sunt, & aluos duras habent.

26 Quum verò iam magis adoleuerint, tonsillae, vertebrae in occipitio ad interiora luxationes, crebri anhelitus, calculi, lumbrici rotundi, ascarides, verruca pensiles, satyriasmus, strumae, & alia tubercula, sed praecipuè antedicta.

27 Grandioribus autem adhuc & ad pubertatem accedentibus, plurima ex his, et febres diuturnae potius, et ex naribus profluvia sanguinis.

28 Plurimi autem morbi pueris iudicantur, nonnulli quidem in quadraginta diebus, nonnulli verò in septem mensibus, nonnulli in annis septem: nonnulli pubertati proximis. Qui verò pueris permanserint, nec circa pubertatem finiti fuerint, aut faeminis quum menstrua erumpunt, inueterascere consueuerunt.

29 Iuuenibus autem sanguinis spuitiones, tabes, febres acutae, morbi comitiales, et alij, sed praecipuè antedicti.

30 Ultra hanc aetatem progressis crebri anhelitus, morbi laterales, pulmonis inflammationes, lethargi, phrenitides, aidentes febres, alui diuturna profluvia, cholerae, difficultates intestinorum, leuitates eorundem, hamorroides.

31 *Senibus spirandi difficultates, distillationes cum tussi, urinae stillicidia, urinae difficultates, articulorum dolores, renum vitia, vertigines, apoplexia, mali habitus, pruritus totius corporis, vigiliae, alui, oculorum & narium humiditates, visus obtusus, glaucescences, auditus graues.*

VSVS PER EXEMPLA METHODI

TERTIAE SECTIONIS.



Via à spiritu & dieta omnes procreantur affectiones in primis duobus libris, quæ ad dietam pertinent executus est, in hoc verò tertio, quæ à spiritu procreantur: nam qualis aër tales spiritus, quales spiritus tales humores, quales humores tales partes solidæ corporisque robur atque temperamentum, talis morbi similis conditio. Similique modo, qualis dieta tale calidum innatum, quale calidum innatum talis actio partium organicarum facultatumque animæ præstantia, qualis denique facultatum animæ præstantia, talis morbi organici conditio.

Ad hæc in genere mutationi sunt obnoxia aëris ambientis amplitudo, temperamentum corporis & morbi conditio per vim manifestam temporum aut occultam influentiarum: ita mutationibus sunt obnoxia victus ratio, humorum crasis & causa morbifica per vim manifestam ætatum aut occultam caloris insiti. Erit igitur mira aëris analogia cum victus ratione, temperamenti partium solidarum cum humorum crasi,

morbosæ constitutionis cum causâ morbificâ, vis manifestæ temporum, cum vi manifesta ætatum, denique vis occultæ influentiarum cum vi occulta calidi innati, ut sit summus consensus vitalis facultatis cum igne & aëre, naturalis cum terra & aqua, animalis cum virtute cœlesti. A quibus duæ causæ omnium præcipuæ morborum efficientes pendent, una videlicet sensibus imperceptibilis, quæ partim à superiori radice, nempe noua syderum commixtione & influentia, partim à radice inferiore, vaporibus, & exhalationibus pestiferis: altera sensibus peruiâ, nempe alimenta è variis terræ frugibus & animantibus: item potus è variis aquarum generibus, ex quibus, etiamsi Aesculapius ipse, aut Deus aliquis legitimum usum præscriberet, fieri tamen non potest, quæ ex illis percipitur utilitas tandem naturæ nostræ vim non inferat, Luna præsertim quæ terris propior est & claritatis conspicuæ vim suam efficacissimam post Solem in hæc inferiora dimittit, ac potissimum in aquas & animalium humores. Adde quod ipsa celestium velut index suffragiorum, & quasi vna quædam & conceptaculum suos radios cum solaribus coniungit, ac propterea mutationes siue periculosas siue salutare efficaciùs in hæc inferiora promit. Sol etiam aëris moderator, oriens ab ortu ventos, occiduus ab occasu excitare solet, cum verò declinat ad austrum australes, cum ad aquilonem recurrit aquilonios, cum equatoris circulum subit subsolanos & fauonios ciere consuevit: denique venti à dextris ad sinistra Solis in modum feruntur, ut Oceanus vniuersus ad motum ordinarium Lunæ. His motibus concitatus aër, siue à nobis inspiratus, siue etiam tran-

spiratus siue etiam inspiratus, qualitate sua nos immutat vel: manifesta, calore, frigore, siccitate vel humore ab aquis vel ventis contracta, siue aliunde, vt à maligna syderum cōmixtione, vnde morbi epidemij, qui passim in vulgus grassantur. His adde concitatos è terræ speluncis halitus, item aquarum stagnantium tetros vapores, qui suis inquinant aëra qualitatibus exitiosis, vnde inspiratione & vsu vita oppugnatur, carpiturque vario morborum genere, & illo maxime, quod aliquibus incolis est familiare, vt Hispanis strumæ, Alpinis bronchocele, Occitaniæ tabes, ob id endemij appellati. Obseruadē igitur aëris differentiæ, item differentiarum causæ & signa, vt iusto moderamine spiritus nostros à tanta labe puros vindicemus.

Aëris igitur differentiæ aliæ à substātia, alię à qualitate & motu distinguntur: à substantia dicitur crassus, tenuis aut mediocris: à contentis nubibus, pluuijs, grandine, niuibus & fumis, nubilofus, pluuiosus, grādinofus, niuofus & fumidus: à qualitate manifesta, calidus, frigidus, temperatus, item siccus, humidus, moderatus: ab occulta pestilens, venenatus, contaminatus: à motu & quiete ventosus, tranquillus &c. Causæ aëreę crassitudinis sunt, distantia solis à vertice, vt in hyeme, tenuitatis vicinitas eiusdem verticis vt in æstate. Nebulæ, fumi & pluuiæ à vaporibus vi Lunæ fursum sublatis: calor & siccitas à Sole & Marte: frigus & humiditas à Saturno & Luna: motus à Sole & Mercurio: serenitas à Venere. Signa mutationis aëris alia sunt proxima, alia remota: proxima apud Virgiliū reperies & Misardū. Remota subiecta patebunt tabella.

in qua aspectus planetarum inter se & ad Lunam pro aëris mutatione è Schonnero adiunximus.

	☾	☿	♂	♂	♂	♂	
☿	Tur um. Nub.re. c. Neb. prui. Nix.	Vent. plu. Ven. Imb. Ven. imbr. Vent. nix.	Plu. frigus Imbres. Pluuias. Frig. niues	Plu. frig. Gran. ton. Prui. frig. Nubes nix	Plu. turb. Ton. gran. Plu. turb. Re. fri. tur	Turbida. Gr. to. tēp Ven. piuu. Tur. nebu.	Veris. Aest. at. Autum. Hyem.
♂	Aëris tēp.	Vēt. mag.	Tēp. aëris.	Ven. tonit. Fulgura Venti. Rem. frig.	Turb. ven. Ton. temp Turb. ven. Rem. frig.	Veris Aest. at. Autum. Hyem.	
♂	Tonat & fulg. in æ- stat. minuit frigus hye.	Vent. nub. in æstate tonat.	Pluuias. Imber- Pluuias Remif. fri	Ven. sicc. Ton. fulm. Ven. sicc. Rem. frig.	Veris. Aest. at. Autū. Hyem.		
♂	Alterat aë- ra pro na- tura tēpo- ris	Ven. aliq. cū hum. in fig. hum. in plu. plu.	Plu. & to- nubes plu. cum humi- ditate.	Aëris Aest. at. Autū. Hyem.			
♂	Hum. vel neb. remis. cal. nebul. turb. velni.	Ventos hu- midos vel saltem ne- bulas	Veris Aest. at. Autū. Hyem.				
♂	Aliquādo ventos nu- biferos.	Veris Aest. at. Autū. Hyem.					

Vfus præcedentis tabellæ talis esse debet. Sume aspectus planetarum coniunctionis, oppositionis, aut quadraturæ ex ephemeride, quorum virtutem super aëre scire desideras in quouis tēpore, hos quære in angulo communi, in quo inuenies quæ futura sit aëris mutatio secundum tempus anni in dextris designatum quadrangulis.

Quocirca si in morbis humorum & spirituum motum aut quietem ex aëris mutationibus scire desideras, præcedenti vtere tabella in qua aëris mutationes non tantum è Luna & Sole, sed etiam è reliquis planetis, quorum vi & influentia quæcunque sunt in cor-

corporibus nostris reguntur. Qualis autem & humorum & spirituum sit motus docebit in hac sectione Hippocrates. 1.

Ab aëre Hippocrates ad temperamentum & crasim humorum, quam naturam vocat, transit. Sunt autem nouem temperamentorum genera, quæ permixtionis elementaris differentias & proprietates consequuntur. Vnum temperatissimum, quod paribus conflatum portionibus extremorum medium possidet: intemperata octo, simplicia quatuor, totidem composita. Differentiarum causa efficiens primigenia natura tum ætas, quæ illi comes est indiuidua, materia ex elementari permixtione, forma ex eorundem qualitatum concentu, vel forma est temperamentum totius ex multis conflatum particulis. Horum signa in singulis corporis humani partibus inuenies apud Galenum in libro de arte. Communes temperamentorum affectiones sunt mutatio per ætates: nam vitæ ingressus, ut omnis animans ex semine & sanguine fluxis humidisque rebus nuper genitus est, ita & humidissimus videri potest. Hinc in dies longius procedens plus plusque siccatur & arescit, ut cum extremam senectutem attigerit non modo ossa arida sint & humoris expertia, sed etiam caro nervosa atque dura. Vnde intelligitur, quod in medio extremorum situm est tempus, id quoque humoris summæque siccitatis esse particeps. Quod verò alterius est oppositionis, animal statim cum in lucem editum est ingenti calore affluit & quodammodo immutabile persistit ad medium vitæ cursum, hinc sensim languescit in extremum, quod est omnium frigidissimum & iam morti simile.

Craſis humorum ita pene ſe habet, vt qualitates temperamentum, nam per primum tempus & ætatis & anni, vtpote in pueritia verèque ſanguis abundat, in ætatis autem progreſſu & æſtate bilis flaua, in prouecta & autumnò atra, ſenectuti autem & hyemi pituita.

Horum dux & moderator calor æthereus in humido primigenio & ætatum curſu & anni temporibus & regionum varietate ſimili ferè mutationi obnoxius eſt: etenim hyeme copioſa in nobis ſubſtantia caloris affluit, æſtate verò diſperſa decidit. Ver & autumnus iſtorum moderationem quandam inuehunt. Item quantò ad austrum & medium illum circulum, qui Solis ardore torretur accedunt homines, tantò illis in eſt parcior calidi innati ſubſtantia: contrà quantò ad aquilonem vergunt, tantò ſuis corporibus abundant innati calidi ſubſtantia. Conſimili ratione calido innato excellunt infantes, quod tamen paulatim marceſcit, donec in extremo ſenio languidum contabefcat. 2.

Idem nunc de morbis & ætatibus docet Hippocrates; quod præcedenti aphoriſmo de natura, vnde nomenclaturæ epidemicorum morborum affatim ſuppeditantur: nam alij dicuntur verni, æſtiu, autumnales & hyemales ab anni partibus: alij pueriles & ſeniles ab ætate: alij Hiſpanici, Anglici, à regione: alij pituitoſi, bilioſi ab humore prædominante: & cuiuſque generis ruruſ alij ſunt acuti, alij diuturni: alij incrementales & alij ſyntrophici, vt fuerit cuiuſque hominis natura, ætas, ſoli & cœli conditio, tum etiam victus ratio. 3.

Et hæc in genere de aëre, temperamento & conditione morbi Hippocrates docuit. nunc verò in specie à 4. aphorismo ad 23. quomodo aër immutetur per vim manifestam temporum præpostero naturæ motu aut ordinato. Præpostero à 4. ad 17. ordinato è 18. inclusiue ad 23.

Vfus sequentium aphorismorum ad decimum vsque erit in prædicendo ex inæqualitate temporis inæqualitatem symptomaton, paroxysmorum, periodorum, & crisiū in morbis acutis: nam in quinto, quid vi morbi, quid vi causarum externarum consuevit euenire docetur discernere, ne veri & falsi similitudine decipiamur in crisiibus, in quibus similia plerumque symptomata solent accedere, quare ingruentibus aquiloniis aut australibus ventis talia sunt prædicenda non à motu materiæ morbificæ, sed à motu aëris, qui nihil aliud est quam ventus. Sextus externi beneficii commoditatem in febribus indicat, quæ sudoribus iudicantur. Septimus prædicit procreationem bilis, vnde febres acutæ & essentielles, vel pituitæ, vnde morbi longi ex anni constitutione ad talem generationē disposita. Octauus ab anni temperie aut intemperie, qui morbi sunt secūdi aut sinistri iudicii. Nonus, quæ in præcedenti generali sententia complexus est, hîc sigillatim exponit & veri autumnum opponit, vt oppositi iuxta sepositum virtus magis elucescat. Exitiosos autem fieri morbos in autumno cōtingit propter inæqualitatem temporis, affatos humores, virium infirmitatem, palindromen morbificæ materiæ in profunditatem corporis, & fructuū ferè omnium esum. Damnavit Hippocrates in præcedenti aphorismo autumnī naturam ob generationem prauæ ma-

teriarum, in presenti ob paroxysmorum violentiam, quæ non parcat extrema macie consumptis. Quinque præcedentes aphorismi nempe 6. 7. 8. 9. & 10. ad promotionem crisis respiciunt, quatuor sequentes ad futurorum morborum prænotationem: quæ sigillatim in præcedentibus exposuit generaliter concludit in 15. 16. & 17. In 18. de consentaneis valetudini & ætatibus: nam similia similibus foueri, & contraria contrarijs temperari axioma est Hippocraticum, unde fit, ut qui sunt temperamento calido & humido, ut pueri, verno tempore se bene habeant similique conseruentur: qui verò frigido & pituitofo, quæ ad morbosam corporis constitutionem accedunt, æstati, ut senes, se melius habent, iuuenes autem hyemi. Sic maximè contraria sunt bonis pessima, malis vero optima. In 19. continetur præfatio ad sequentes quatuor aphorismos, quibus peculiare cuique tempori morbos enumerat.

Descripsit hæc morbos tempestatibus familiares, nunc à 24. ad finem sectionis, qui in diuersis ætatibus fiunt, ab infantibus seu puerulis auspicatus ordine recenset. Huius autem ordinis constitutio est in anabasi caloris insiti ad illius stasim, in qua omnium facultatum præstantia consistit, à qua mox per catabasim caloris insiti ad senectutem deuoluitur. Hæc autem anabasis ad catabasim septenariis dierum, hebdomadon, mensium & annorum iudicatur, in quibus maximæ fiunt corporum mutationes & ætatum nomenclaturæ. Quinetiam morborum per singulas ætates noui exortus & occasus certis naturæ legibus intercedunt. Plurimi autem, ut à pueris incept, morbi diuturni iudicantur, nonnulli quidem in quadraginta diebus: nonnulli verò in septem mensibus, quidam in


septem annis. Ex diebus autem quadragesimus, primus est morborum diuturnorum decretorius, ultimus verò eorum, qui ἐξ μεταπτώσεως sunt acuti: sicuti etiam supra notauimus. Quicumque verò hunc transcendunt numerum, secundum septenarij habent iudicium: non septem iam diebus connumeratis, sed primum quidem mensibus, deinde annis. Qui hoc tempus transcendunt, ad quatuordecimum annum peruenire manifestum est: nam secundus septenarius hoc continetur tempore: & aliæ cum pubertate magnæ fiunt corporis commutationes, in fœminis maximè propter menstruorum eruptiones. Quare si cui morbi ne hac quidem ætate finiuntur, vsque ad longum tempus perdurare consueverunt. Hæc Galenus.


Vfus præcedentium aphorismorum versatur in cautione morborum, qui per singula anni tempora & vitæ humanæ ætates contingunt: nam in priori parte, quæ fuit de mutationibus per singula anni tempora ætiologice explicat, idest causas efficientes, quæ magnam vim habent in corporibus nostris afficiendis, secundum materiæ in eis dispositionem, sine qua efficientes causæ, quantumvis validæ, nihil aut parum nocere possunt. In secunda, vbi de morbis, qui per singulas ætates corpora inuadunt, prophylactice, quæ est de præcautione euentuum, explicat, vt non tantum, quid singulis anni partibus faciendum aut euitandum sit intelligamus, sed etiam, qua victus ratione naturam nostram regere per totum vitæ nostræ tempus possimus. Quia verò neque præcauere causas morborum effectrices sine prænotione non possumus, ob id in principio maximè Prognosticen in futuras crises & euentus morborum explicauit.


SYNOPSIS
METHODI
DOCTRINAE
HIPPOCRATICÆ

IN QVARTAM
SECTIONEM APHO-
RISMORVM.

QVĪD CONSEQVITVR CAVSARVM PRO-
satarcticarum prognosin? Internarum diagnosis, excluduntur
autem excretionē. Quomodo?







SECTIO QVARTA.

VTERVM gerentes medicamentis purgare, si materia turget, quarto mense, & usque ad septimum: sed has minus: Iuniores autem & seniores vereri oportet.

2 In medicamentorum purgantium usu talia educere è corpore, qualia & sponte prodeuntia utilia: contrario verò modo prodeuntia, sistere oportet.

3 Si qualia oportet purgari, purgantur, confert, & leuiter ferunt: contraria verò, grauiter.

4 Medicamentis purgandi æstate quidem superiores magis ventres, hyeme verò inferiores.

5 Sub cane, & ante canem, difficiles sunt purgationes.

6 Graciles & facile vomentes purgare oportet per superiora, cauentes hyemem.

7 Vomentes verò difficulter, & mediocriter carnosas, per inferiora, cauentes æstatem.

8 Tabidos verò, cauentes purgationes per superiora.

9 Melancholicos plenius per inferiora, eadem ratione contraria apponentes.

10 Medicamento purgante utendum in valde acutis, si materia turget, eadem die: tardare enim in talibus, malum est.

11 Quibus tormina, & circa umbilicum cruciatus, & lumborum dolor, qui neque à medicamento, neque aliter soluitur, in aquam intercutem siccam firmatur.

12 Quorum alui intestinorum leuitate laborant hyberno tempore hos sursum purgare, malum.

13 Ad elleboros qui non facile sursum purgantur, co-

rum corpora ante potionem largiori cibo atque quiete præhumectanda sunt.

14 Quum biberit quis elleborum, ad motiones quidem corporum ducendus magis est, ad somnos verò atque quietem minùs. Indicat autem & nauigatio motione corpora turbari.

15 Quum volueris magis ducere elleborum, moue corpus: quum verò sistere, somnum concilia, nec moue.

16 Carnes sanas habentibus elleborus periculosus: ingenerat enim conuulsionem.

17 Si febrem non habenti cibi fastidium & oris ventriculi rosio, & vertigo, & oris amaritudo affuerint, purgatione indigere per superiora significant.

18 Supra septum transversum dolores quibus purgatione opus est, purgatione indigere per superiora significant: quicunque verò infra sunt, per inferiora.

19 Qui in medicamentorum potionibus quum purgantur, non sitiunt, non desinunt priusquam sitiant.

20 Non febricitantibus si tormina acciderint, & genuum grauitas, & lumborum dolor, deorsum purgari oportere significant.

21 Deiectiones nigrae, qualis est sanguis niger, sponte prodeuntes, siue cum febre, siue sine febre, pessimae: & quanto colores fuerint plures, eo peius, cum medicamento verò melius, & quanto colores plures, non prauis.

22 Morbis quibuscumque incipientibus, si atra bilis vel supra, vel infra exierit, lethale.

23 Quibuscumque ex morbis acutis, aut diuturnis, vel ex vulneribus, siue quouis alio modo extenuatis, bilis nigra, aut velut sanguis niger subter exierit, postridie moriuntur.

24 Difficultas intestinorum, si ab atra bile incipiat, le-

thalis est.

25 Sanguis quidem suprà excretus, qualiscunque fuerit, malus: infrà autem, si niger exeat, bonus est.

26 A difficultate intestinorum vexato, si veluti carunculae exierint, lethale est.

27 Quibus in febribus sanguinis copia fluxerit quacunque ex parte, quum reficiuntur, alui his humectantur.

28 Quibus biliosa deiectiones sunt, superueniente surditate cessant: & quibus surditas, superuenientibus biliosis cessat.

29 Quibus in febribus sexto die rigores fiunt, mali sunt iudicij.

30 Quibus accessiones fiunt, quacunque hora febris dimiserit, si eadem postero die repetat, indicatio difficilis.

31 Quibus lassitudinis sensus est in febribus, iis ad articulos & iuxta maxillas potissimum abscessus fiunt.

32 Quibus ex morbis conualescentibus pars aliqua laborat (vel dolet) illic abscessus fiunt.

33 Sed & si ante morbum pars quæpiam laborauerit, in eam morbus decumbit.

34 Si febre detento suffocatio repentè superuenerit, nullo faucibus apparente tumore, lethale.

35 Si febre detento repentè collum peruersum fuerit, ac vix deglutire possit, sine villo tumore, lethale est.

36 Sudores febricitantibus boni, qui manare cæperint die tertio, quinto, septimo, nono, undecimo, decimoquarto, decimo septimo, vicesimo primo, vicesimo septimo, tricesimo quarto: ij enim sudores morbos iudicant. Qui verò non ita fiunt, laborem, & morbi longitudinem, & recidiuas significant.

37 Frigidi sudores, cum febre quidem acuta, mortem:

cum mitiori autem morbi longitudinem significant.

38 Et qua corporis parte sudor est, ibi significat morbum.

39 Et qua parte corporis inest calor aut frigus, ibi morbus.

40 Et ubi in toto corpore mutationes fiunt, & si corpus refrigeretur, vel vicissim calefiat, vel color alius ex alio oriatur, longitudinem morbi significant.

41 Sudor multus ex somno factus absque aliqua causa manifesta, copiosiore cibo corpus uti significat: quod si cibum non accipienti hoc accadat, quod egeat vacuatione significat.

42 Sudor multus, frigidus, calidusve semper fluens, frigidus maiorem, calidus minorem, morbum significat.

43 Febres quae non intermittentes die tertio vehementiores fiunt, periculosiores: quoquo modo autem intermiserint, periculum abesse significant.

44 Quibus febres longae, ijs tubercula ad articulos, vel dolores fiunt.

45 Quibus tubercula ad articulos, vel dolores post febres diuturnas fiunt, ij cibis pluribus utuntur.

46 Si rigor incidat febre non intermittente in aegrum iam debilem, lethale est.

47 Excretiones in febribus non intermittētibz liuidae, cruentae, foetidae, biliosae, omnes male: bene tamen si exeant bonae: Sic & quae per aluum excernuntur, & quae per urinas. Si quid verò eorum quae non iuuant per haec loca excernatur, malum.

48 In febribus non intermittētibz si partes externae frigidae sint, internae urantur & sitiant, lethale est.

49 In febre non intermittente si labrum, aut superci-

lium, aut oculus aut nasus peruertatur, si non videat, si non audiat, debili iam corpore, quicquid horum euenerit, in propinquo mors est.

50 Vbi in febre non intermittente difficultas spirandi & delirium acciderit, lethale est.

51 In febribus abscessus qui ad primas iudicationes non soluuntur, longitudinem morbi significant.

52 Quibus in febribus vel in alijs morbis voluntarie illacrymant oculi, nihil absurdi est: quibus verò præter voluntatem, absurdus.

53 Quibus in febribus circa dentes lentores obnascuntur, ijs vehementiores fiunt febres.

54 Quibus plurimum tussis sicca, leuiter irritantes, in febribus ardentibus fiunt, ij non multum siti infestantur.

55 Ab inguinum (seu glandularum) tumoribus febres omnes male, præter diarias.

56 Febricitanti sudor superueniens, febre non deficiente, malum: prorogatur enim morbus, & multam humiditatem in esse significat.

57 A spasmo aut tenano vexato febris si accesserit, morbum soluit.

58 Febre ardente occupato rigor si superueniat, solutio fit.

59 Tertiana febris exquisita septenis ad summum circuitibus iudicatur.

60 Quibus febricitantibus aures obsurduerint, iis sanguis è naribus profluens, aut alius perturbata, soluit morbum.

61 Febricitatem nisi diebus imparibus febris reliquerit, solet reuerti.

62 Quibus febricitantibus morbus regius superuenerit ante diem septimum, malum.

63 Quibus in febribus quotidie rigores repetunt, quotidie febres soluantur.

64 Quibus in febribus morbus regius die septimo, vel nono, vel undecimo, vel decimoquarto, superuenerit, bonum, nisi dextrum hypochondrium obduruerit: alioqui minimè bonum.

65 In febribus circa ventriculum vehemens æstus & cordis (vel stomachi) morsus, malum.

66 In acutis febribus conuulsiones & circa viscera vehementes dolores, malum.

67 In febribus ex somno timores vel conuulsiones, malum.

68 In febribus spiritus offendens, malum: conuulsionem enim significat.

69 Quibus febris non expertibus urina sunt crassa, grumosa, pauca, si post has copia tenuis succedat, iuuat. Maxime verò tales prodeunt, quibus ab initio, vel paulò post sedimentum inest.

70 Quibus verò in febribus urina perturbata, quales iumentorum, iis dolor capitis vel adest, vel aderit.

71 Quibus die septimo morbi indicantur, iis urina rubram die quarto nubeculam habet, & alia pro ratione.

72 Quibus pellucida & alba sunt urinae male: maxime verò in phreniticis apparent.

73 Quibus hypochondria suspensa murmurant, lumborum superueniente dolore, iis alui humectantur, nisi infernè flatus erumpant, aut urinae multitudo prodeat: hac verò accidunt in febribus.

74 Quibus spes est ad articulos abscessum futurum,

abscessu liberat urina multa, crassa, & alba reddita, qualis in febris laboriosis quatuor die quibusdam prodire incipit, si verò etiam ex naribus sanguis fluxerit, tum breui admodum solutio fit.

Si sanguinem aut pus quis meiat, renum aut vesicæ exulcerationem significat.

76 *Quibus cum urina crassa parua caruncula, aut veluti capilli vnà exeunt, ijs à renibus excernuntur.*

77 *Quibus cum urina crassa, furfurea quædam simul minguntur, his vesicæ scabiæ laborat.*

78 *Qui sponte sanguinem meiant, ijs à renibus venulam ruptam esse significatur.*

79 *Quibus in urina subsident arenosa, ijs vesicæ calculi laborat.*

80 *Si quis sanguinem & grumos meiat, & stillicidio urina laboret, & dolor ad imum ventrem & interfemineum incidat, ea quæ circû vesicam sunt, laborant.*

81 *Si sanguinem, & pus, squamulas meiat, & grauis odor adsit, vesicæ exulceratio significatur.*

82 *Quibus in fistula urinaria tuberculum nascitur, ijs, suppuratione & eruptione facta, solutio fit.*

83 *Mictio noctu multa si fiat, parcam alui deiectionem significat.*

VSUS PER EXEMPLA METHODI

QUARTAE SECTIONIS.



Via homines acutis laborantes morbis in summo versantur vitæ discrimine nisi tutò citò, & iucundè, illis prouisum sit, ideo Hippocrates in duabus primis sectionibus statim de morbis acutis breues sententias conscripsit, quibus partim vigenti morbo prouideamus, vt in priore, partim superato aut recidiuo materiam superstitem aut succrescentem rescindamus, vt in secunda: in priore de primogenijs, quorum maior est vrgentia, in altera de spurijs, in quibus minus laborandum, vt qui sint minus periculosi. Vt autem connectuntur duæ priores per acutorum distributionem, quorum primigenij ad primam, è metaptoseos ad secundam, ita tertia sectio prioribus connectitur subiectarum rerum non naturalium affinitate. Vocamus autem res non naturales, quæ extra corporis nostri constitutionem existunt, nempe alimenta, quibus vescimur, & aëra, quem inspiramus, quorum vsu & abusu corpus nostrum non leuiter de sua decedit integritate, cum humorum fluxus ab alimentis & spirituum exhalatio ab aëre veluti pabulis proportionatis reficiantur, & quorum prauitate non parua illis inferatur iniuria, non secus ac bonitate utilitas. Ideo cum in prima sectione victus rationem vigente morbo, in secunda reficiendi occasionem eodem superato, aëris quoque

inspirationem & expirationem in tertia subiecit sectione: nam qualis aër tales spiritus, quales spiritus tales humores, quales humores, talis corporis nostri constitutio per anni partes & ætates. Ergo ut à proposito negotio non recedamus, quæ fuit præcedentium sectionum connexio, talem in sequentibus comperiemus, maximè autem quartæ cum præcedentibus, in qua genus omne materiæ morbificæ explicatur. Nam cum triplex sit causa efficiens, principalis, adiuuans, & sine qua non: principalis siue procatarctica ea erit, quæ alimentis, quibus vescimur, & aëre, quem inspiramus, corpus nostrum afficit, de qua in præcedentibus sectionibus: adiuuans verò ea est, quæ humorum plethora aut cachochymia, tenuitate aut crassitie corpus labefactat, de qua in præfenti sectione: sine qua non, partis conditio robore aut debilitate metienda, de qua in quinta. Itaque efficientem morborum causam partim extra nos positam, nempe vim per vniuersam naturam diffusam, quæ manifestis aut occultis qualitatibus, velut instrumentis, sanitatem nostram oppugnat, manifestis in aëre & alimentis, occultis in elementorum repugnantia & caloris insiti efficientia: partim intra nos positam, in qua efficiens incumbens, secundum variam, quam habet dispositionem, partes corporis oppugnat, aut facultatum læsione, aut excretorum ametria, aut simplicibus affectibus. In tertia ergo sectione, quibus modis illa materia de corpore deturbetur, siue vi naturæ morborum curatricis, siue vi medicamento naturam auxiliantis, siue vi morbi naturam expugnantis. Ergo præclare Hippocrates causarum effi-

cientiam in quatuor præcedentibus sectionibus explicauit. Quia verò appulsu morbificæ materiæ febres generantur, & eiusdem exclusione depelluntur, data occasione, quam in primis duabus sectionibus explanationem de febribus susceperat, hîc miro doctrinæ artificio transtulit, parcè vel nihil de acutis, quia de his satis in principio, nisi quatenus est quædam continuatum cum intermittentibus consecutio. Adde etiam quod signa materiæ peptica & crisima hîc non omiserit, cum de morè illis sua scripta siue per præcepta, siue per theoremata inferciat, non minus ad doctrinam facere arbitratus, quam ad vitam sanguinem per vniuersam corporis molem diffusum, sed etiam pathognomonica & prognostica, quibus partim febres dignoscuntur, partim suum exitum manifestant. In quinta ab vniuersali ad particularem doctrinam se cōferens de morbis *κατὰ τὸ πᾶν* breuiter & summariè quasi præuius summa illorum indicat genera seu formas. Conuertitur autem cum quarta sectione causarum affinitate, quæ sub eodem genere continentur, quia illic de causa antecedente, hîc de coniuncta: illic rursus de causa adiuante, hîc de ea, sine qua non: illic denique de morbis totius, febre videlicet, hîc de partium affectionibus. Hactenus de primigenijs, in quo genere sunt febres & partes affectæ: nunc in posterioribus sectionibus de omni affectu epiginomeno siue morbus morbo, symptoma symptomati, aut morbus symptomati & contra superueniat. Differt autem sexta sectio à septima, quia in ea est causarum consecutio à priori, in septima affectuum à posteriori: sic intemperies ventriculi frigida & humida causa

est cruditatis, cruditas verò lienteriae: contra lienteria est affectus cruditatis, cruditas vero intemperiei frigidae & humidæ ventriculi. Item in sexta partium robur aut infirmitas spectantur, in septima functionum læsio: rursus in sexta humoris motus, in septima motionis exitus: in sexta denique causarum impetum, in septima symptomatum urgentiam.

Vsus præcedentium talis esto. Prima huius sectionis diuisio est in molitionē & cautionem: molitio est artificiosa aut nō artificiosa: artificiosa perficitur axiomatibus & præceptis. Axiomata sunt tria, quorum primum est cautionis, secundum imitationis, tertium exclusionis. Quod ad primum attinet, non videtur primus aphorismus ea ratione hīc positus, qua 29. quintæ sectionis, quia illic specialem fœminarum cautionem spectauit Hippocrates, hīc verò generalem, eo tanquam familiari exēplo vsus ad humorem peccantem, affectum & peculiarem naturam eius, cui medicina adhibetur. In secundo aphorismo sectionis primæ secundi haud absimili, nobis proponitur natura imitanda, nec ab re repetitur, cum illic quid agendum esset in morbis acutis, hīc verò, quid fieri debeat in longis, doceatur. Ad hæc, in disquisitione triplicis euacuationis criticæ, symptomaticæ & artificiosæ opus erat certis differentijs, quibus vnā ab aliā distingueremus: hoc aphorismo ergò distinguitur artificiosa à symptomatica, quemadmodum sequenti, cuius eadem est ratio cum tertio primæ sectionis, critica à symptomatica, nempe ex notis rediuidantium humorum & tollerantia.

A quarto ad vigesimum continētur præcepta mo-

litionis artificiosæ, quibus quid in ægris, & neutris purgandis fieri debeat dicetur, & in singulis quid præcedere, quid consequi oporteat, quid præterea opportunè aut cum difficultate moliendum. Itaque de modo & occasione purgationis, item de cautione & præparatione humorum ante purgationem, de refrenatione aut concitatione medicamenti post purgationem ampliter differit. Quinetiam aliam esse sanorum, aliam ægrorum, aliam neutrorum purgandi rationem & scopum, ijsque artificiosam euacuationem absoluit modis.

Cautio inter moliendum altera huius sectionis pars à morbi magnitudine & ægri viribus signa perscrutatur, quibus futuros euentus prænunciat: nam mortis & salutis signa magna ex parte consistunt in comparatione morbi & naturæ: nam si morbus intendatur, vires minuantur coniectura est ægrum moriturum, si verò naturæ victoria ex virium robore declaretur breui conualiturum. Itaque medicus certantis naturæ cum morbo spectator, primū observabit naturam & conditionem materiæ excretæ bilis-ne an sanguis, excrementi aut alterius rei sit portio, quomodo 21. quando, 22. quo 23. 24. & vnde 25. 26. 27. recursus ne sit, siue palindrome 28. an metastasis per decubitus, 29. 30. per abscessus appertos, 31. 32. 33. latentes, 34. 35. ut certam de illis possit proferre sententiam; morbi que magnitudinem arguere. Nam omnis excretio symptomatice mala, cōtrā verò, quæ critica siue naturali motu & virium robore perficitur, optima. Distinguntur autem ab inuicem præclaris illis duobus axiomatis è principio primæ sectionis fa-

pietissimè in huius principio repetitis. Vt autem oppositum iuxta sepositum magis elucescit, sic excretio symptomatica criticæ collata.

Conferat igitur medicus, sudore pro exemplo proposito, siue sanguis, siue vrina, siue feces naturali spōte ferantur, materiæ ἐκκρίσειν & λύσει, criticam cum symptomatica συνηξί, & μεταίτασι: item criticorum dierum naturam 36. cum genere morbi. His adde excreti qualitatem 37. quantitatem è toto aut parte, pauca, 38. 39. 40. an copiosa 41. 42. febris ne sit acuta an intermittens 43. Item sit ne facta metastasis abscessu an decubitu, per febres 44. an post febres 45. His etenim sic perpenſis, nunquam à ianua, vt dici solet, aberrabit.

Quinetiam vtrique excretioni epigenomena signa, siue sint lethalia siue salutaria nunquam erunt prætermittenda. His enim plurimum morbi vehementia & intentio, item lenitas & remissio significari possunt. In lethaliū genere annumerari possunt, quæ certę & indubitatę sunt prænuncia mortis, veluti à simplicibus affectibus frequentes rigores, 46. spūti in odore & calore improbitas 47. sitis cum ardore 48. Item à facultate deprauata conuulsio aut resolutio musculorum in facie 49. dyspnœa cum delirio 50. Item ab excretis aut retentis, sed non ita certæ & indubitatę mortis, abscessus in partem materiæ minimè capacem 51. lacrymæ inuitæ, præsertim in causo 52. lentores dentium nigri 53. tussis sicca 54. bubo epigenomenus feбри 55. sudor perennis 56.

In salutarium genere annumerari possunt, quæ certę & indubitatę prænuncia sunt salutis in intermit-

rentibus, veluti proportio morbi & symptomatis 57.
 58. cōstantia theorematon criticorum ad tempus 59.
 60. 61. ad speciem 62. 63. 64. Item dubiæ salutis 65.
 66. 67. 68.

Hactenus de prima cautionis parte, quæ fuit à morbi magnitudine. Altera sequitur quæ vires ægri diligenter explorat à robore aut imbecillitate facultatis animalis, vitalis, naturalis. Animalis à sensu & motu: vitalis à pulsu & respiratione: naturalis ex appetentia & coctione. Animalis facultatis robur aut imbecillitatem primò indicabit somnus & vigilia, de quibus in principio secundæ sectionis, item motus arbitrarij spontanea lassitudo, aut ultro aborta, de qua in eodem loco: vitalis facultatis robur indicabunt signa σφυγμικὰ à pulsu moderato, æquali, ordinato: imbecillitatem à pulsu immoderato, inæquali, inordinato, de quo genere nihil, aut parum Hippocrates: nam quem nos summis digitis, ille sola visus acie dicitur explorasse, in cæteris admirabilis ob incredibilem in rebus naturalibus peruestigandis diligentiam, admirabilior sanè in tanta re neglecta. Naturalis robur & imbecillitatē peptica signa à sputis, deiectionibus, sudoribus & urinis, quatenus illa ad salutem vel mortem spectant à 69. ad 74. aut quatenus sunt notæ partium unde manant, venarum, renum & vesicæ. à 75. ad 83.


SYNOPSIS

SYNOPSIS
METHODI
DOCTRINAE
HIPPOCRATICÆ

IN QVINTAM
SECTIONEM APHO-
RISMORVM.

R

Molito	Artificiosa	Ante conceptionem. 28			
		Post conceptionem. { Purgatione. 29 Phlebotomia 30 In morbis praesertim acutis. 31			
	Spontanea	Ante coeceptionem. { Per loca incommoda. 32 Per loca commoda. 33			
		Post coeceptionem. { Alui pro fluuiio. 34 Erectismo naturali. 35			
Cautio	In molitione artificiosa	In educendis	Pharmacacia.	Consilium. 36	
				Cautio ab extenuatione { Mammaz vtriusque 37. Mammaz alterius. 38 Cum pepasmo, vnde lac. 39 Sine pepasmo, vnde strumaz carcinomata, furor. 40	
			Chirurgia	Conf. ab anadrome sanguinis { Cōceptione. { In genere. 41 In specie 42	
				Cautio à coniectura { Periculi { Moris à magnitudine morbi. 43 Abor. { Tenui. 44. ab habitu corporis. { Medio-cri. 45 crasso. 46	
				In apponendis	Naturali
		Embryi. 48			
		Ptarmico. 49			
		cucurbitula. 50			
		oris vterini. 51			
		Mammaz. 52			
	Symptomati- ca	Ametria	excretotum	Mammaz. 53	
				oris vterini. 54	
				Coacervatione humotis in maioribus venis. 55	
				menstruotium { Per sympathiam. 56. Per anadosin. 57. Vrinae per communione vaforum. 58.	
				Lesio facultatis { Consilium expetientie. 59. Deprauate { Expultricis. 60. Retentricis. 61. Abolite. 62.	



SECTIO QUINTA.

Onuulsio ab elleboro, lethalis.

2 Conuulsio vulnerei superueniens, lethalis.

3 Vbi copiosus sanguis fluxerit, conuulsio aut singultus superueniens, malum.

4 A purgatione immodica, conuulsio aut singultus superueniens, malum.

5 Si ebrius quispiam repente obmutescat, conuulsus moritur, nisi febre corripiatur, aut ubi ad horam peruenerit qua crapula soluuntur, vocem recuperet.

6 Qui distentione corripiuntur, intra quatuor dies intereunt: si verò hos effugerint, sani sunt.

7 Comitiales morbi quibus fiunt ante pubertatem, mutationem recipiunt: quibus autem post vicesimum quintum annum, ferè commoriuntur.

8 Qui morbo laterali laborant, nisi intra dies quatuordecim sursum purgentur, iis ad suppurationem transitio fit.

9 Tabes iis maximè ætatibus fit, quæ sunt à decimo octauo anno ad tricesimum quintum.

10 Quibus ab angina liberatis ad pulmonem mali fit conuersio, ij intra dies septem moriuntur: si verò hos effugerint, suppurantur.

11 Iis qui tabi infestantur, si sputum quod extussiunt, grauiter olet carbonibus iniectum, Et capilli à capite defluunt, lethale.

12 Quibus tabe laborantibus capilli defluunt à capite, ij alui profluvio superueniente moriuntur.

13 Qui spumantem sanguinem expuunt, iis è pulmone eductio eiusmodi fit.

14 Tabes detento profluuium alui superueniēte, lethale.

15 Qui ex morbo laterali suppurantur, si intra dies quadraginta ex quo ruptio facta est, sursum purgentur, liberantur, sin minus, transeunt in tabem.

16 Calidum utentibus frequentius hæc adfert incommoda, carniū effeminationem, neruorum incontinentiā, mentis torporem, profluvia sanguinis, animi defectiones: hæc quibus mors.

17 Frigidum verò, conuulsiones, distentiones, denigrationes, & rigores febriles.

18 Frigidum inimicum ossibus, dentibus, neruis, cerebro, spinali medulla: calidum verò amicum.

19 Quæ refrigerata sunt, exalfacere oportet, exceptis iis quibus sanguis fluit, aut fluxurus est.

20 Frigidum ulceribus quidem mordax, cutem obdurat, dolorem insuppurabilem facit, nigritiem, rigores febriles, conuulsiones & distentiones neruorum.

21 Est tamen ubi in distentione sine ulcere iuueni torpento, æstate media, frigida multa perfusio calorem reuocat, calor autem hæc sanat.

22 Calidum suppurationem faciens, non in omni ulcere, magnum ad securitatem indicium: entem molliat, extenuat, dolorem sedat, rigores, conuulsiones, & distentiones mitigat: capitis grauitatē soluit: ossium verò fracturis plurimum confert, sed nudatis præcipue: iisque maximè qui in capite ulcera (vulneraue) habent: iis etiam quæ emoriuntur aut ulcerantur à frigore, herpertibus denique exedentibus, sedi, pudendis, utero, vesica, his omnibus calidum amicum & iudicans: frigidum inimicum & perimens.

23 Frigido verò in ijs uti oportet, unde fluit aut fluxus sanguis est, non quidem supra ipsa, sed circa ea loca unde influit, & si quæ inflammationes aut efferuescentia ad rubrum subcruentumve colorem vergunt recenti sanguine, iisdem ipsis adhibito: nam veteribus nigredinem adfert. Erysipelas etiam non ulceratum iuuat: siquidem ulceratum ledit.

24 Frigida, qualis nix & glacies, pectori inimica, tussis mouent, sanguinis fluxiones, & destillationes efficiunt.

25 Articulorum autem tumores atque dolores absque ulcere, atque etiam podagricos, & conuulsiones, horum plurima, aqua frigida largè effusa lenat, & extenuat, soluitque dolorem, nam modicus torpor dolore soluere potest.

26 Aqua quæ citò calefit, & citò refrigeratur, leuissima est.

27 Qui noctu bibere appetant, iis admodum sitientibus, si obdormierint, bonum est.

28 Suffitus aromatum muliebria ducit: sæpius verò & ad alia utilis esset, nisi capitis grauitatem induceret.

29 Gravidas purgare cōuenit, si materia turget à quarto mense ad septimum usque: sed has minus: iuniore autem & seniore sæui; vereri oportet.

30 Mulierem gravidam morbo quopiam acuto corripi, lethale est.

31 Mulier uterum gerens secta vena abortit, eoque magis si sit fœtus grandior.

32 Mulieri sanguinem exōmenti, menstruis erumpentibus, solutio fit.

33 Mulieri menstruis deficientibus, sanguis e naribus profluens, bonum est.

Mulierem uterum gerenti si alius multum profluat, pe-

riculum est ne abortiat.

35 Mulieri uteri strangulationibus infestata, aut difficulter parienti, sternutamentum superueniens, bonum.

36 Mulieri menses decolores, nec eodem semper modo & tempore prodeuntes, purgationem indicant esse necessariam.

37 Si mulieri uterum gerenti mammae repente graciles fiant, abortit.

38 Mulieri grauida geminos ferenti, si altera mamma fiat gracilis, alterum abortu excludit: & si quidem dextra mamma gracilis fiat, marem: si verò sinistra, fœminam.

39 Si mulier quæ neque grauida est, neque peperit, lac habet, ei menstrua defecerunt.

40 Quibus mulieribus in mammis sanguis colligitur, furorem significat.

41 Si velis noscere an mulier conceperit, cum dormitura est, aquam mulsam ei propinato, & si ventris tormina patiatur, concepit: sin minus, non concepit.

42 Mulier grauida si marem gerit, bene colorata est: si fœminam, malè colorata.

43 Si grauida mulieri fiat in utero erysipelas, lethale.

44 Quæ præter naturam tenues uterum gerunt, abortiunt, donec crassescant.

45 Quæ verò mediocriter corpulenta elidunt fœtus bimestres aut trimestres sine occasione manifesta, ijs acetabula uteri mucoris sunt plena, nec præ pondere fœtum continere possunt, sed abrumpuntur.

46 Quæ præter naturam crassæ quum sint, non concipiunt, ijs os uteri ab omento comprimitur: & priusquam extenuentur, non concipiunt.

Si uterus coxæ adiacens suppurauerit, linamentum recipiat necesse est.

48 Fœtus

48 Fœtus mares in dextra uteri parte, fœmina in sinistra magis gestantur.

49 Ut secunda procidant, sternutatorio immisso, nares & os apprehendito.

50 Mulieri si velis menstrua cohibere, cucurbitulam quàm maximam ad mammas appone.

51 Quæ uterum ferunt, iis uteri os compressum est.

52 Mulieri grauidæ si lac multum è mammis effluat, fœtum imbecillum significat: si verò duræ mammae fuerint, fœtum saniozem significant.

53 Quæ fœtus sunt corruptura, ijs mammae extenuantur contrà verò si duræ fiant, dolor aut mammas, aut coxas, aut oculos, aut genna infestabit, nec fœtum corrumpunt.

54 Quibus os uteri durum est, ijs coarctetur os uteri necesse est.

55 Quæ gerentes uterum febribus corripuntur, & vehementer sine manifesta causa extenuantur, cæ difficulter & cum periculo pariunt, aut abortientes periclitantur.

56 Si muliebri fluori conuulsio & animi defectio superueniant, malum.

57 Si menstrua copiosiora prodeant, morbi accidunt: & si non prodeant, ab utero morbi contingunt.

58 Recto intestino, & utero inflammato, purulentisque renibus, vrinae stillicidium succedit: iecori verò inflammatione laboranti supperuenit singultus.

59 Si mulier non cōcipiat & scire velis an sit cōceptura, vestibis circumtectam subter suffito: & si odor per corpus peruadere tibi videatur ad nares & os usque, ipsam non sua culpa sterilem esse scito.

60 Si mulieri grauidæ purgationes menstruæ prodeant, bene valere fœtum est impossibile.

61 Si mulieris purgationes menstruæ non prodeant, neque rigor, neque febris superueniant, fastidia verò ei accidant, gravidam esse censeto.

62 Quæ frigidos & spissos uteros habent, non concipiunt: Et quæ præhumidos uteros habent, non concipiunt: extinguitur enim in eis genitura, Et quæ sicciores Et adurentes: nam alimenti defectu corrumpitur semen: quæ verò ex utrisque mediocrem habent temperiem, tales fecundæ sunt.

63 Similiter verò & in maribus: aut enim propter corporis raritatem spiritus foras dissipatur, ita ut sem ẽ transmittere nequeat: aut propter spissitudinem humor non exit foras: aut propter frigiditatem non calefit, ut eò loci cogatur: aut propter caliditatem hoc idem accidit.

64 Lac dare capite dolentibus, malum: malum verò Et febricitantibus, et quibus hypochondria suspensa murmurant, & siticulosi: malum item Et quibus biliosæ deiectiones, & iis quibus sunt febres acutæ & quibus copiosa sanguinis deiectio facta est. Conuenit verò tabidis non valde multum febricitantibus lac dare, & in febribus longis & languidis, si nullum ex suprà dictis signis adfuerit, Et præter rationem tabefactis.

65 Quibus tumores in ulceribus apparent, ij non valde conuelluntur, neque insaniunt: verum his euanescentibus repentè quibus in posterioribus partibus fuerint, conuulsiones vel distentiones accidunt: quibus verò in anterioribus, insanie, aut lateris dolores acuti, aut suppuratio, aut dysenteria, si rubicundi fuerint tumores.

66 Si in magnis & prauis vulneribus tumores non appareant, ingens malum.

67 Molles tumores boni, crudi verò mali.

68 *Parte capitis posteriore dolenti, in fronte recta vena incisa, prodest.*

69 *Rigores incipiunt, mulieribus quidem à lumbis magis, & per dorsum ad caput perueniunt: sed viris parte corporis posteriore magis quàm anteriore, velut à cubitis & femoribus. Sed & cutis iis rara est: id quod pilus indicat.*

70 *A quartanis correpti, omnino non tentantur conuulsionibus: si verò prius tentati fuerint, deinde superuenerit quartana, liberantur.*

71 *Quibus arida & dura cutis circumdenditur, sine sudore moriuntur: quibus verò laxa & rara, cum sudore moriuntur.*

72 *Qui regio morbo laborat, non multum vetosi sunt.*

VSVS PER EXEMPLA METHODI

QVINTAE SECTIONIS.



Agit in hac sectione Hippocrates de impressi mali vestigio seu de causa coniuncta, id est, de affectibus partium similariū, organicarum & cōmunium deque eorundem ablatione per moderatum contrariorum vsum. Inscribi potuerat hæc sectio de locis seu partibus affectis, quarum paucas easque præcipuas in exemplum traduxit, videlicet instrumenta motus, respirationis, nutritionis, & generationis, quæ continentur in capite, thorace & ventre inferiore, de reliquis obiter postea dicturus. Est

autem huius methodus præcedenti analogæ, quia sicut illic de materia morbica, hîc de parte affecta: illic de excretionem materiæ quacumque ratione euenierit siue naturæ viribus, seu morbi aut medicamenti efficientia, hîc de formæ ablatione per moderatum contrariorum vsum, siue illa sit simplex intemperies aut composita siue sola & per se siue cum materia rara aut densa: illic denique de febribus, ceterisque affectibus, quorum essentia in humoribus, hîc de febribus epiginomenis locis affectis ab aliqua intemperie quacumque ratione oborta siue vulnere siue humore noxio. Accedit etiam quod ab exemplo sit auspicatus vtramque sectionem propositæ analogiæ non alieno, illic periculorum cautioni, hîc periculorum euentui prospiciens, quorum vis est sicca intemperies ab hypercathartico medicamento nervosis partibus inducta. Ne autem videamur Hippocratem in hanc suorum aphorismorum distinctionem inuitum trahere, scire oportet, hunc sicut præmonuimus, vbique Simioticen reliquis artis partibus sparsisse, vt causa & morbi species essent coniuncti conspectiores medico, vbi præsertim partis situs & loci natura tantam requirunt diligentiam.

Cum autem motus instrumenta, cerebrum, nerui, musculi: respirationis pulmo, larinx, aspera arteria, & quinque & sexaginta musculi: nutritionis ventriculus cum reliquis partibus in hunc cõmunem vsum à natura præparatis: generationis vterus & testes sine partes, quæ sepius operam medici requirunt, cum ob frequentes in eas morborum insultus, tum etiam quod signa pathognomonica in illis sint quàm in reliquis cui

dentiora, Hippocrates, quasi à notioribus exempla affectuum, causarum, criseos, pepses, periodi, paroxysmi ab illis depromens ad obscuriora viam patefecit.

Itaque à partium situ, quæ supra diaphragma sunt, incipiens affectus instrumentorum motus, neruorum inquam distinctione à siccitate & refrigeratione per immodicam euacuationem obortam, à primo aph. ad 4. aut per immoderatam humectationem & refrigerationem in 5. proponit. Est autem huius distentionis duplex ratio, aut enim accidit sine motu, vt tetanos 6. aut cum motu & vibratione, vt epilepsia 7. Distentio sine motu rursus est totius corporis rigiditas, aut in aliquam partem capitis facta inclinatio, in anteriorem *ἐμπροσθεν*, in posteriorem *ἐπίσθεν* appellatur. Apoplexia, cui succedit paralytis, hîc omissa est, obphilosyntomiam verbosæ orationis: nam cum contrariorum vna sit scientia, ex cognitione distentionis neruorum eorumdem resolutio percipi potest: Conuulsio enim ab euacuatione, apoplexia à repletionem primò & per se, & contra. Conuulsio enim aliquando ab humectatione, & apoplexia à siccitate sed per accidens: nam illa neruorum obturantur meatus, hac penitus concidunt & comprimuntur, vnde spiritibus animalibus, permeandi potestas intercepta.

Hinc ad thoracem se conferens affectus instrumentorum respirationis, pulmonis, laryngis, trachæ arteriæ & musculorum intercostalium sub pleuritidis & tabis nomine persequitur, in quibus pariter membranarum 8. costas subcingentium distentio ex inflammatione, diuulsio ex sanguinis biliosi illapsu per ve-

nam intercostalem, mammariam & azygon. Item 9. carnosæ substantiæ resolutio per exsiccationem à fluxu sanguinis & spirituum expiratione, vena rupta, erosa, aut aperta, aut per humectationem à distillatione ferina pulmonum substantiam corrumpente. Ad hæc interceptio viarum, qua ducitur spiritus ex musculorum inflammatione laryngis 10. Reliquis aphorismis ab 11. ad 15. symptomata anginæ, tabi & pleuritidi peculiaria persequitur, ex quibus significatur pars affecta, status morbi, & periculi magnitudo.

Explicatis affectibus capitis & thoracis eorumque causis, item pessi, crisi & periodo, quæ paroxismo & ephodo constat, ad remedia proportionem illorum intemperiei, calidæ, frigidæ, humidæ & siccæ respondentia, quæ fiunt fotibus & balneis extrinsecus admotis, aut apozematibus intro admissis, à 16. ad 26. ordine procedit, in quo de aqua velut de communi balneorum & fotuum materia pauca ait, illamque laudat, quæ est omnium leuissima, siue intro admissa, siue extra adnota.

A motus & respirationis affectibus ad ventrem inferiorem seu ad partes quæ sunt sub diaphragmate se conferens, affectus ventriculi & instrumentorum generationis sub morborum muliebrium apparatu, partim pathologicis rationibus, partim therapeuticis persequitur. Nam septimo & vigesimo ventriculi affectus & remedia tacitè indicans reliqua ducta è præcedentibus ratione percurrenda volenti reliquit. Afficitur autem uterus triplici morborum genere, simili, organico & communi. Similari vnde intemperies humida, quæ semen obruit, frigida quæ idem extin-

guit, sicca quæ materiam non suggerit, calida, quæ materiam generationis absumit. Organico, vnde conformationis & situs vitia: cõmuni, erysipelas, phlegmone, œdema, scyrrhus. Hic accedit triplex symptomaton genus, facultatis læsio, excretorum ametria & simplices affectus, à quibus signa pathognomonica. Ad facultatem læsam spectant conceptionis & partus impedimenta deprauatio & diminutio. Impeditur enim conceptio intemperie, densitate, coalescentia, obstructione, scyrrho aut menstrui suppressione. Diminuitur affecto vtero per consensum nobilioris partis. Deprauatur si seminis vtriufque non fiat concursus. Partus impeditur impotentia enitendi, vnde plerumque fœtus cum matre extinguitur: Diminuitur difficultate pariendi, vnde Lucinæ labores: Deprauatur ex humore superfluo, muco, tussi, sternutatione, intempestiuo fœtus enixu. Secundum symptomaton genus in retenti & excreti ametria consistit; retinentur enim menses ante coitum, aut fœtus præter tempus legitimæ moræ, aut secundæ post partum. Excernuntur verò immoderata menstrua ante coitum aut diminutè, vnde stillicidium, aut depruatè, vnde albus fluor. Ad tertium genus siue ad signa pathognomonica, picatio, inappetētia, cardiogmos é consensu ventriculi cum vtero: palpitatio & animi deliquium à consensu cordis cum eodem: epilepsia verò à cõsensu cerebri cum eodem vtero. Ventriculo inquam corde & cerebro in vteri affectu compatientibus.

Hæc est methodus pathologica, quam Hippocrates præteriens therapeuticen substituit à qua ve-

lut à renata, quid moliendum, quid cauendum sit
sequente explicauit methodo in hunc modum. Pri-
mò molitionem duplicem esse ostendit artificiosam
& spontaneam, & vtramque qualem esse conuenit
ante & post conceptionis tempus apperit à 28. ad 35.
Cautionem item duplicem in vtraque molitione esse
indicat: Nam in molitione artificiosa quid educen-
dum & apponendum sit perpendere monet à 36. ad
46. In spontanea verò, quid naturale aut symptoma-
ticon à 47. ad 62. tandem in 63. quæ sit in viris facul-
tatis generandi læsio docet.

Quod superest à 64. ad 72. partium affectarum
modus quomodo sit considerandus in situ, positura
& consensu inter se & ad totum apperit.




SYNOPSIS
METHODI
DOCTRINAE
HIPPOCRATICÆ


IN SEXTAM
SECTIONEM APHO-
RISMORVM.

T

CAUSARUM ET PARTIUM AFFECTARUM COGNITIO-

nem quid consequitur? morbi in specie diagnosti. Quis nodus? signum à priori: nam,





SECTIO SEXTA.

IN diuturnis læuitatibus intestinorum si ructus acidus superueniat, qui prius non erat, bonum est signum.

2 Quibus nares natura humidiores, Et genitura humidior, ij valetudine mala sunt: quibus verò contraria, bona.

3 In longis intestinorum difficultatibus cibi fastidium malum, Et cum febre peius.

4 Glabra undiquaque vlcera sunt maligna.

5 Doloribus Et laterum, Et pectorum, cæterarumque partium, an ægri multum differant, perdiscendum est.

6 Renum vitia, Et quicunque vesicam obsident dolores, in senibus difficulter sanantur.

7 Dolores ventris sublimes, leuiore: non sublimes, vehementiores.

8 Aqua inter cutem laborantibus vlcera in corpore nata, difficulter sanantur.

9 Late pustula non admodum pruriunt.

10 Caput dolenti Et undique (siue vehementer) laboranti, pus, vel aqua, vel sanguis per nares, aut per os, aut per aures effluens, morbum soluit.

11 Melancholicis Et renum morbo vexatis hæmorrhoides superuenientes in bonis sunt.

12 A diuturnis curato hæmorrhoidibus, nisi una seruetur, periculum est ne aqua inter cutem vel tabes superueniat.

13 Singultienti sternutationes superuenientes singultum soluunt.

14 Aqua inter cutem laboranti, si aqua è venis in ventrem defluerit, soluitur morbus.

15 Longo alui profluuiio laboranti spontaneus vomitus superueniens, alui profluuium soluit.

16 Pleuritide aut peripneumonia detento alui profluuii superueniens, malum.

17 Lippientem alui profluuiio corripì, bonum.

18 Cui discissa est vesica, aut cerebrum, aut cor, aut septum transversum, aut aliquod ex tenuibus intestinis, aut ventriculus, aut iecur, lethale.

19 Cum discissum fuerit os, aut cartilago, aut neruus, aut genæ tenuis particula, aut præputium, neque augetur, neque coalescit.

20 Si in ventrem sanguis præter naturam effundatur, suppuretur necesse est.

21 Insanientibus si varices vel hæmorrhoides superuerint, insania solutio.

22 Ruptiones quæ ex dorso ad cubitos descendunt, venæ sectio soluit.

23 Si timor atque mæstitia longo tempore perseuerent, melancholicum id signum est.

24 Si quod tenuium intestinorum discissum sit, non coalescit.

25 Erysipelas foris intrò verti, non est bonum: intus verò foras, bonum.

26 Quibus in febribus ardentibus tremores fiunt, hoc delirium soluit.

27 Quicumque suppurati aut hydropici vruntur aut secantur, si pus aut aqua confertim effluerit, omnino moriuntur.

28 Eunuchi neque podagra laborant, neque calui fiunt.

29 *Mulier podagra non laborat, nisi menstrua ei defecerint.*

30 *Puer podagra non laborat ante veneris usum.*

31 *Oculorum dolores meri potio, aut balneum, aut fomentum, aut venæ sectio, aut medicamentum potum, soluit.*

32 *Balbi longo alui profluvio maximè corripuntur.*

33 *Qui acidum ructant, rarò morbo laterali corripuntur.*

34 *Qui calui sunt, ijs varices magni non fiunt: quibus verò caluis varices superuenerint, ij rursus capillati fiunt.*

35 *Aqua inter cutem laborantibus tussis superueniens, malum.*

36 *Difficultatem urinae vena secta soluit: secunda verò interiores.*

37 *Angina correpto si tumor oriatur in collo, bonum: foras enim morbus vertitur.*

38 *Quibus occulti canceri oriuntur, non curare melius est: curati enim citius intereunt, non curati verò longius tempus perdurant.*

39 *Conuulsio sit, aut ex repletione, aut ex inanitione: ita verò et singultus.*

40 *Quibus circa hypochondrium dolores sunt sine inflammatione, ijs febris superueniens dolorem soluit.*

41 *Quibus in corpore pus delitescens sui indicia non præbet, ijs ob crassitudinem puris, aut loci, non se prodit.*

42 *Regio morbo laborantibus, iecur durum fieri, malum.*

43 *Qui lienosi difficultate intestinorum corripuntur, ijs superueniente longa intestinorum difficultate, aqua intercutem, aut intestinorū læuitas succedit, ac moriuntur.*

44 *Quibus ex stillicidio urinae ileus superuenerit, intra septem dies moriuntur, nisi febre superueniente satis urina fluxerit.*

45 Quaecunque ulcera annua sunt, aut etiam longiore tempore durant, in ijs os abscedere est necesse, & cicatrices cauas fieri.

46 Qui gibbi ex asthma aut tussi fiunt, ante pubertatem, moriuntur.

47 Quibus venæ sectio vel purgatio confert, eis conuenit, vere venam secare vel medicamentū purgans dare.

48 Lienosis difficultatem intestinorum superuenire, bonum.

49 Qui morbi podagrici fiunt, ij sedata inflammatione intra dies quadraginta conquiescunt.

50 Quibus dissectum fuerit cerebrum, ijs necesse est febrem & bilis vomitum superuenire.

51 Qui sani cum sint, capitis repente doloribus corripiuntur & statim muti fiunt, & stertunt, intra septem dies intereunt, nisi febris apprehenderit.

52 Spectare etiam oportet quæ per somnum in oculis subapparent: nam si quid commissis palpebris ex albo appareat, modò non ex alui profluuio, aut medicamenti potione accadat, malum signum est, & valde lethale.

53 Deliratio quæ cum risu sit, tutior: quæ verò serio, periculofior.

54 In morbis acutis qui cum febre sunt, luctuosa suspiria, mala.

55 Dolores podagrici vere & autumno plurimum mouentur.

56 Morbis melancholicis ad hæc periculosi humorum decubitus, vel stuporem corporis, vel conuulsionem, vel furorem, vel cecitatem significant.

57 Apoplexia autem fiunt maxime à quadragesimo anno ad sexagesimum usque.

- 58 *Stomentum exciderit, necessario computrescit.*
 59 *Quibus à longo coxendicum dolore vexatis, femoris caput excidit, rursumque recidit, ijs mucores innascuntur.*
 60 *Quibus à diuturno dolore coxendicum vexatis, femur excidit, ijs crus tabescit, & claudicant, nisi vrantur.*

VSUS PER EXEMPLA METHODI

S E X T A E S E C T I O N I S.

QUæ breuiter & contractè in præcedenti sectione Hippocrates de partibus affectis proposuit, hîc paulo latius explicat, varièque partium, morborum & causarum differentias peruestigat futuros rerum euentus semper prospiciens, Simioticèque intentus, vt de more, in reliquis suis operibus, quocumque illum rapit prænotionis doctrina defertur. Cum autem sint tria, quorum tecmar sin medicus per propria signa debet obseruare, pars affecta vbi sedes morbi, causa, & morbi species: de parte, vbi est sedes morbi in quinta sectione breuiter, paucis in exemplum adductis affectibus, pauca dixit: situs partium *αὐτοψία* administrationibus anatomicis relinquens, & tecmar sin affectuum singularû partium è triplici genere symptomaton, actione læsa, in qua dolor, excreti & retenti ametria, & simplicibus affectibus, vnde signa pathognomonica, in septimam sectionem relegans.

Quod superest, morbi genus cum sit triplex: par-
 tis

tis similis, organicæ, & communis, prioris, videlicet partis similis affectus, in simplici aut composita intemperie positos tetigit, remedijs ad illos curandos propositis analogia causæ respondentibus. Sunt enim, qui intemperiem siccam aut humidam, calidam aut frigidam solas aut coniugatas nolint nomine morborum similium appellare, sed causarum continentium, quod non magni referre existimo, cum causa continens & morbus similis sint planè eidem, causa morbi naturam induente, non secus ac materia formam. Nam causarum cum sint duo summa genera exterior siue procataretica & interior: ex exteriori, siue sint res non naturales, aut præter naturam, fiunt interiores, quarum vna antecedit plethora aut cacochymia, altera sequitur, continens seu coniuncta appellata, intemperies videlicet partis naturam causæ morbificæ induentis.

Itaque Hippocrates statim in principio huius sectionis ἀνακεφαλῶσι præcedentis præfixit, ubi de intemperie & situ partium. Mox subiunxit signa quæ ducuntur à causis antecedentibus & coniunctis, siue cōtinentibus, in hunc modum. Cum duplex sit investigandi via, vna à priori, qualem constituimus in sexta sectione, altera à posteriori in septima: non alienum erit à proposito instituto, si aliquot exemplis propositis totam rem intellectui subiiciam. Intemperies frigida & humida ventriculi causa est cruditatis, cruditas verò lientericæ & contra à posteriori, lienteria symptoma est cruditatis, cruditas verò intemperiei frigida & humida ventriculi: sic restitutus calor stoma-

chi coctionem facit, coctio verò ructum acidum, & cōtra ructus acidus coctionē indicat, coctio verò calore restitutū 1. Intemperies frigida & humida corporis morbosam facit constitutionem, morbosa verò constitutio nares humidas, & contra, nares humidæ sunt symptoma morbosæ constitutionis, morbosa verò constitutio intemperiei frigidæ & humidæ. 2. Item intestina malè affecta gravem inferunt vètriculo perniciem, ventriculi perniciēs cibi fastidium, 3. Sic mala corporis intemperies cacoethes facit, cacoethes verò vlcus circumglabrum: contra, vlcus circumglabrum cacoethes, cacoethes verò malam corporis intemperiem eodem modo significat 4. Sic è dolore lateris efferi humoris in latus translatio, à translatione tunicæ costis intexte inflammatio. 5. Sic ex ætate senili imbecillitas, ex imbecillitate partis affecte perniciēs 6. Sic etiam è dolore manus nullum periculum, è iecoris verò maximū vitæ discrimen 7. Sic ex morbo epiginomeno causæ orgasmus, ex orgasmo morbi primarij magnitudo 8. Sic ex amplitudine loci, causæ transpiratio, ex transpiratione, partis securitas.

Ita parte affecta peruestigata motum aut quietem materiæ morbificæ intueri licet: nam dum mouetur, vocatur causa antecedens, impacta verò & quiescens coniuncta, idem penè cum morbo. Mouetur autem materia dupliciter, aut perfectè ad sui excretionem, aut imperfectè ad sui metastasin, vtroque modo criticè & symptomaticè. Criticus motus indicatur à 10. aphorismo ad 17. à quo tamen defecit decimus sextus, migravitque in symptomaton ordinem, quo

18. & 19. continentur: nam omnis motus violentus, vt continui solutio, est symptomaticus.

Imperfectus motus metastasis appellatur, cuiusmodi sanguinis in cachochymia à propria sede in alienam, aut ex aliena in propriam 20. & 21. aut in plethora 22. Item melancholice ex hypochondrijs in cerebrum 23. Bilis à partibus nobilioribus ad ignobiliores & contra 25. aut à venoso genere ad nervosum 26. Sic 27. cōtinet cautionem in molitione artificiosa puris & feri in hydropicis.

Itaque duplici motu materiae peruestigato, quorum alter fuit ad sui excretionem, alter verò ad aliquod membrum aut partem, vbi quiescit, vnde fit causa continens, primò de consensu materie cum parte, quam semel occupavit à 38. aph. ad 34. digreditur. Fit autem ille cōsensus ratione personarum quæ peculiari aliquo vitio affectæ sunt, siue insito, siue aliunde contracto. Vt autem sunt quædam membra, quæ primò & per se causæ morbificæ consentiunt, vt lingua balbutiens exuperantibus humoribus, sic aliqua pariter esse intelligendum est ex 35. & 36. aphorif. quæ alia aliorum compatiantur affectibus.

Materia igitur quæ se in aliquam partem transtulit, aut eam in suam naturam conuertit, vt elephas, alphas, leuce, melasma, aut partem suam qualitate afficit, vt reliqui ferè omnes tumores, siue sit phlegmone, œdema, scyrrhus, erysipelas, siue qui à flatu, sero, materie affusione, cohibitione procedunt. His adde quæ extrinsecus accedunt vulnera & luxationes, & ijs epiginomena vlcera, cæteraque mala, quæ partium

robur & substantiam dissoluunt, nisi diligenti caloris naturalis efficientia, dum coquit & pus mouet laudabile, auxiliarique medicorum manu, superentur. Quae ratione videre licet à 37. aphorismo ad 50. tumorum, vlcerum, vulnerum & luxationum admirabilem tecmarfin, cui succedit à 49. ad 60. diligens caloris naturalis in ijs superandis efficientia.



SYNOPSIS
METHODI
DOCTRINAE
HIPPOCRATICÆ


IN SEPTIMAM
SECTIONEM APHO-
RISMORVM.

MORBI SPECIEM QUID CONSEQUITUR? CORPORIS
*interitus, aut eiusdem curatio. Quomodo? Indicatione sumpta
 à posteriori, nempe ab effectu.*




Exemplum: ſic ſimplices affectus indicant ametriam excretio-
 nis: ametria verò excretionis functionum læſione: func-
 tionum denique læſio, facultatum interitum.

Causæ coniunctæ, id eſt, morbi. Vide. λ



Delendi



SECTIO SEPTIMA.



N morbis acutis frigus partium extremarum, malum.

2 Super osse ægrotanti caro liuida, malum.

3 A vomitu singultus & oculorum rubor, malum.

4 A sudore horror, non bonum.

5 A furore dysenteria, aut aqua inter cutem, vel mentis alienatio vehemens, bonum.

6 In morbo diuturno fastidium cibi, & deiectiones syncera, malum.

7 A multa potatione rigor & desipientia, malum.

8 A tuberculi introrsum ruptione, exolutio, vomitio, & animi defectio fit.

9 A sanguinis profluvio desipientia, aut etiam conuulsio, malum.

10 Ab ileo vomitus, aut singultus, aut conuulsio, aut desipientia, malum.

11 A morbo laterali inflammatio pulmonis, malum.

12 A pulmonis inflammatione phrenitis, malum.

13 Ab æstibus vehementibus conuulsio aut distentio, malum.

14 A capitis ictu stupor aut desipientia, malum.

15 A sanguinis sputo puris expuitio, malum.

16 A puris sputo phthisis & fluxio: quum verò sputum retentum fuerit moriuntur.

17 Ab hepatis inflammatione singultus, malum.

18 A vigilia conuulsio, vel desipientia, malum.

19 *Ab offis denudatione erysipelas, malum.*

20 *Ab erysipelate putredo, aut suppuratio, malum.*

21 *A forti in ulceribus pulsu profluvium sanguinis, malum.*

22 *A diuturno partium circa ventrem dolore suppuratio, malum.*

23 *A sincera deiectione difficultas intestinorum, malum.*

24 *Ab offis percisione desipientia, si vacuum apprehenderit, malum.*

25 *A medicamenti potione convulsio, lethalis.*

26 *A vehementi dolore circa ventrem, partium extremarum algor, malum.*

27 *Mulieri gravida si assidua egerendi cupiditas superuenerit, abortum facit.*

28 *Quodcunque os, siue cartilago, siue nervus abscissus fuerit in corpore, neque augetur, neque coalescit.*

29 *Si alba pituita detento fortis ventris fluxus superuenerit, morbum soluit.*

30 *Quibus in alui profluuiis spumosa sunt excrementa, ijs à capite ea defluunt.*

31 *Quibus febricitantibus in urinis sedimenta crassiora farinam referunt, longam aegritudinem significant.*

32 *Quibus in urinis biliosa sedimenta, supra (vel prius) verò tenuia, acutum morbum significant.*

33 *Quibus diuulsa sunt urinae, iis vehemens fit in corpore turbatio.*

34 *Quibus in urinis bullae supernatant, renum morbum, eumque longum fore significant.*

35 *Quibus adipalis superficies & conferta, iis renum vitium & acutum morbum significat.*

36 Quibus verò è renibus laborantibus prædicta accidunt signa, doloresque circa spinæ musculos fiunt, si quidem circa loca exteriora fiant, extrinsecus abscessum quoque futurum expecta: si verò dolores circa interiora magis fiant abscessum etiam intrinsecus potius futurum expecta.

37 Qui sanguinem vomunt, si sine febre, salutare: si cum febre, malū: curandū verò refrigerantibus & abstringentibus.

38 Destillationes in ventrem superiorem suppurantur intra viginti dies.

39 Si quis sanguinem & grumos meiat, & urinae stillicidio laboret, dolorque ad inter femineū, imum ventrē & pectinē incidat, ad vesicam loca malè habere significat.

40 Si derepentè lingua incontinens fiat, aut aliqua corporis pars attonita stupeat, eiusmodi est melancholicum.

41 Si senioribus supra modum purgatis singultus supervenerit, non bonum.

42 Si febris non ex bile sit orta, multa aqua eaque calida capiti superfusa, febris soluitur.

43 Mulier non fit ambidextra.

44 Qui supurati uruntur aut secantur, si purum & album pus effluxerit, evadunt: si verò subcruentum, faculentumque ac foetidum, intereunt.

45 Quibus suppuratum iecur aduritur, si purum pus fluxerit & album, evadunt: in tunica enim ipsis pus continetur, si verò qualis amurca fluxerit, intereunt.

46 Dolores oculorum post meri potum, & aquæ multæ calentis balneum, venæ sectione curato.

47 Si hydropicum tussis habeat, desperatus est.

48 Urinae stillicidium & meiendi difficultatem vini potio & venæ sectio soluit. Incidenda autem interiores.

49 Ab angina detento tumor & rubor in pectore su-

perueniens, bonum: foras enim conuertitur morbus.

50 Quibus cerebrum sideratum est, intra tres dies inte-
neunt: si verò hos superauerint, sani fiunt.

51 Sternutamentum fit ex capite, cerebro excalfacto,
aut perhumectato inani quod in capite est. Aer enim intus
contentus, foras erumpit: strepit autem, quia per angustum
ipsi est exitus.

52 Quibus hepar vehementer dolet, ijs febris superue-
niens soluit dolorem.

53 Quibus sanguinem è venis mittere confert, ijs vere
secare venam oportet.

54 Quibus inter ventriculum & septum transversum
pituita concluditur, & dolorem adfert, ad alterutrum
ventrem exitum non habens, iis per venas ad vesicam ver-
sa pituita, morbi fit solutio.

55 Quibus iecur aqua plenum in omentum eruperit, ijs
venter aqua repletur, ac moriuntur.

56 Anxietudo, oscitatio, horror si adsint, vinum par
pari potum soluit ægritudinem.

57 Quibus in meatu urinario tuberculum gignitur, ijs
suppuratione facta, & eruptione dolor soluitur.

58 Quibus ex occasione aliqua cerebrum fuerit concus-
sum, mutos protinus fieri est necesse.

59 Corporibus humiditas carnes habentibus, famen ad-
hibere conuenit: fames enim siccatur corpora.

60 Vbi in toto corpore mutationes, & corpus refrige-
ratur, & rursus calefit, aut colorem alium ex alio commu-
tat, morbi significatur longitudo.

61 Sudor multus, calidus aut frigidus, semper fluens
humoris copiam inesse significat. Deducere igitur oportet
in robusto quidem supernè, debili verò infernè.

62 Si febres non intermittentes tertio quoque die vehementiores fiant, periculosa: quoquo modo autem intermiserint, significant se periculosas non esse.

63 Quibus febres longa, ijs tubercula aut in articulis dolores fiunt.

64 Quibus tubercula diutina, aut in articulos dolores ex febre decumbunt, hi pleniore cibo utuntur.

65 Si quis febricitanti cibum dederit, valenti quidem robur, aegrotanti verò morbus fit.

66 Quae per vesicam excernuntur, inspicere oportet, an talia sint qualia sanis excernuntur: nam quae his minimè sunt similia, ea morbiosiora: quae verò sunt sanis similia, minimè morbosa.

67 Et quibus deiectiones, si residere siueris, nec moueris, subsistunt veluti strigmenta (& si pauca sint, paruus morbus est: si verò multa, magnus) ijs aluum infernè purgari confert, quòd si aluo non purgata sorbitiones exhibueris, quo plures dederis, eo magis nocebis.

68 Quae cruda deorsum secedunt, ab atra sunt bile: si plura maior: si pauciora, minor morbus est.

69 Excreationes in febribus non intermittētibz liuida, cruenta, biliosa, foetida, omnes male: cum verò bene excernuntur, bonae. Per aluum etiam, & per vesicam, & ubicunque aliquid secedens substiterit non purgatum, malum.

70 Corpora quà quis purgare volet, fluida faciat oportet: & si quidem suprà velit, aluus sistenda: si verò infrà, humectanda.

71 Somnus, & vigilia, utraque modum si excesserint, morbus.

72 In febribus non intermittentibus, si exteriora fri-

geant, interiora urantur & sitiant, lethale.

73 In febre non intermittente, si labrum, aut nasus, aut oculus, aut supercilium peruertatur, si non videat si non audiat, cum iam debilis est, quicquid horum acciderit, letale.

74 Albæ pituitæ aqua inter cutem superuenit.

75 Ab alui profluuiio difficultas intestinorum.

76 Difficultati intestinorum superuenit eorundem læuitas.

77 A sideratione ossis abscessus.

78 A sanguinis vomitu tabes, & puris per superiora purgatio: à tabe fluxio de capite, à defluxu profluuium alui, ab alui profluuiio retentio purgationis per superiora, à retentione mors.

79 Qualia fuerint & vesicæ & alui excrementa, & quæ per carnes abeunt, & si qua aliâ corpus à natura exierit, spectare oportet. Nam si parum, paruus morbus est: si multum, magnus: si valde multum, hoc lethale.

VSVS PER EXEMPLA METHODI

SEPTIMÆ SECTIONIS.

IN præcedenti sectione Hippocrates è natura partis morbi genus, è morbi genere causæ conditionem è causæ conditione tria symptomaton genera: deinde ad materiam morbificam accedens illam moueri aut perfectè ad sui excretionem, aut imperfectè ad sui metastasin, & ytroque modo criticè aut symptomaticè indicauit.

Motus perfectus non indiget hic maiori disquisitione, cum de eo sufficienter in primis duabus sectionibus & sequentibus sit expositum. Superest imperfectus, quando materia in aliquam partem se transtulit, & quam in suam naturam conuertit, aut sua qualitate afficit, vnde triplex morbi genus, simile, in quo intemperies omnis ab exuperantibus materiæ qualitatibus: organicus, in quo deformitas omnis à materiæ cohibitione aut affusione: communis in continuarum partium aut contiguarum diuulsione, quæ materiæ accedentis fit penetratione, donec mēbrum penitus occupet in eoque delitescat. Calor porro naturalis, vbi impactam collectamque pariter materiam cum suis qualitatibus diutius ferre non potest eiusque stimulis laceratus, totis viribus coctione domare, excutere, longè à se deponere, aut per loca conuenientia expellere nititur: hæc summam in præcedenti sectione, vt iam à me præmonitum est, Hippocrates obseruauit.

In hac verò septima & omnium postrema, caloris cum materia, ægri cum morbo pugna, conflictus, eluctatio, alterutrius victoria aut prostratio proponitur. Sicut enim imperator generosus vel hostiū multitudinem, vel virium magnitudine in arce obsessus, si auxiliares deficient copię, ab hoste inclementissimo superatur, mortique addicitur. Ita calor noster insitus humorum copia vel qualitate obsessus, vbi auxiliares seu exterorum copię, facultates videlicet, quæ nostrum corpus tuentur, operam suam accommodare recusant: ad hæc, si earum pedites, vrina, alui excrementa, sputa, respiratio, pulsus & functiones reliquæ

reliquæ illis consentiunt: tunc vultu Hippocratico, decubitu non consueto, sudore & extremitatibus frigidis, somno, qui fit ore aperto, corporis grauitate, oculis non sponte illacrymantibus, peruersis, lumen refugientibus, testatur se opprimi symptomatō multitudinē, extinctionique addici. Quare non secus ac in sexto à priori fiebat affectuum peruestigatio, ita in septima à posteriori eorundem fit inquisitio in hunc planè modum. Caloris extinctio humidi primigenij consumptionē significat, humidi verò consumptio partium tabem &c.

Diuiditur autem hæc sectio in duas partes, quarum prima complectitur 40. aphorif. Postrema residuum à 40. ad 79. Prima effectum causæ antecedentis, id est, symptoma, postrema effectum causæ coniunctæ, morbum scilicet, aut à materia morbifica impressum à 41. ad 58. aut arte medica superandum à 59. ad 79.

Itaque in principio proponuntur symptomata primigeni generis facultatis scilicet læsæ. Læditur autem trifariam ipsa facultatum essentia, calor inquam naturalis & spiritus: calor extinctione, remissione & prostratione: spiritus suffocatione & exhalatione, de quibus à primo aphorismo ad nonum. Item symptomata secundi generis, quorum consideratio est aut ratione mobilis materiæ, aut partiū infirmitate vel robore, in quibus insidet. Ratione materiæ, quando ipsa pepasmi expers, velut furore percita modo huc modo illuc, anarrhapos, catarrhapos, metastasi, palindrome fertur ob copiam & malignam qualitatem, vnde crebræ symptomaton mutationes, capitis, tho-

154 LESBIA NORMA IN APHO. SEC. VII.
racis, iecoris, ceterarumque partium affectiones contingunt, à 10. ad 40. aphorismum.

Hactenus de prima huius sectionis parte, in qua de effectu causæ antecedentis symptomate videlicet: sequitur secunda, effectus alterius causæ coniunctæ, nempe morbi impressio: imprimitur autem personis & partibus, quemadmodum docetur ab aphorif. 41. ad 57. Methodo autem deletur in qua curandi & cauendi morbos præcepta continentur, auxiliaresque medicorum manus naturæ adhibentur. Curantur autem morbi materiæ morbificæ educatione à 59. ad 65. & educatæ materiæ iudicio, vnde indicationes sumuntur à 66. ad 69. Cauentur verò per artificiosam euacuationem & rerum naturalium administrationem 70. 71. Item per ordinariam epiginomenon ephodon cum in febribus tum etiam in reliquis affectibus, in quibus indicationes sumuntur ad futuros morborum exitus. In hac postrema sectione aphorif. ordo non vbique respondet Hippocraticæ methodo, quia ex obseruatione Galeni multi sunt interpositi aliunde aduentitij.

F I N I S.

*Dum spiro, unum Christum
spero.*

